

# **TADHKIRATUSH SHAHADATAIN**

**(L'HISTOIRE DE DEUX MARTYRS)**



**ÉCRIT PAR**

**HAZRAT MIRZA GHULAM AHMAD  
AL MASSIH MAOUD**

**FONDATEUR DU MOUVEMENT AHMADIYYA**

**COMMENTAIRE EN LANGUE CRÉOLE PAR :**

**FAZLI AMENA VARSALLY**

**HAZRAT UMM' OUL MOMENEEN SADR SAHEBA**

**JAMAAT UL SAHIH AL ISLAM**

## PRÉFACE

Tout travail ki ene Musulman li faire, li bizin commence par « Bismillah ». Par la grâce d'Allah, suite à traduction ki mo fine réussi faire du livre de Hazrat Massih Ma'oud Mirza Ghulam Ahmad <sup>(as)</sup>, Allah fine donne moi le courage nécessaire pour ki mo rédige ene commentaire approprié de bane extraits du Livre « Tashkiratush-Shahadatain ». Ça commentaire là li très important car nous trouve beaucoup de similarité entre ce ki le Messie Promis du siècle passé fine écrire et vivre et ce ki le Khalifatullah Munir Ahmad Azim et so bane disciples pé passé de nos jours.

Ça livre du Messie Promis <sup>(as)</sup> là (inclus so commentaire), li non seulement ouvert l'esprit de tous bane chercheurs de vérité, mais li vraiment essentiel pour ki bane Sahih Al Islam comprend la valeur de zot Islam, et la faveur immense ki zot fine gagner de la part d'Allah pou forme partie d'ene telle Jamaat ki Allah même élevé couma le Jamaat Ul Sahih Al Islam.

Mo espéré ki ça Livre là et so commentaire de ce ki nous pé vivre de nos jours capave donne bane lecteurs, surtout bane ki sincères et assoiffés de la vérité pour conne la valeur de bane Serviteurs d'Allah, ki vini à chaque fois ki l'enseignement de Dieu bafoué par la main de l'homme et de so bane désires bien bas de ça le monde temporaire là.

Jamais mo pou capave fini remercier Allah et So bien-aimé Messenger de nous l'époque le Très-Respecté Amir'ul Momeneen Muhyi-ud-Din Al-Khalifatullah Munir Ahmad Azim pour tout aide ki zot fine apporte moi en termes d'aide et de duahs respectivement. Ki Allah tout les temps aide So Messenger Hazrat Munir Ahmad Azim tous les temps et fortifié li avec So Présence et Saint Esprit.

Mo remercier tous bane dimounes, directement ou indirectement lié avec la sortie de ça livre lors le commentaire de « Tashkiratush-Shahadatain » par le bien-aimé Messie Promis du siècle dernier ki fine remuer ciel et terre pour ki bane dimounes capave prend toujours « Le Droit Chemin ».

Ki Allah accepter ça œuvre là de moi et de tous So bane serviteurs sincères dans la propagation du Deen-é-Islam. *Amîn...*

***Fazli Amena Varsally***

***Hazrat Umm'oul Momeneen Sadr Saheba***

***Jamaat Ul Sahih Al Islam***

*11 Juin 2009*

*16 Jamadal Aakhir 1430 A.H*

# **LE COMMENTAIRE DU LIVRE** **TADHKIRATUSH SHAHADATAIN**

## **PREMIER PARTIE**

Malgré ki toutes sortes d'injustice fine filtrer dans toutes sortes façon de nos jours, ça atrocité ki mo pou décrire dans ça livre là, li tellement douloureux ki li pou faire chaque le cœur vibrer et chaque lécorps trembler de frayeur.

Pou mo explique ça dans ene l'ordre li nécessaire ki mo donne ene compte-rendu ki Allah faire quand Li trouve le monde fine couler et la terre remplir de mauvais, la tyrannie partout et l'injustice fine filtrer partout. Donc, Allah fine envoie moi pou mo faire So mission de la propagation de So vérité et pou réforme le monde. Ça même so l'époque car 14<sup>ème</sup> siècle pé approcher très très vite. Sous l'instruction Divine mo fine élève mo la voix à travers bane pamphlet et discours publiques kot mo fine proclame à tout le monde ki mo-même Allah fine choisir pou reforme la religion, kot la foi fine disparaître lor la surface de la terre et pou ramène tous dimounes à la piété et à la droiture avec l'aide d'Allah et pou retire tout bane innovation et fausse conception de la religion.

Et Allah fine révèle moi aussi quelques années plus tard ki le Messie ki ti promette dépi bien longtemps et ki ti ena pou vini à ça nation là (l'Islam) et le Mahdi (Reformateur) ki ti destiné pou vini après détérioration de l'Islam et ki ti pou recevoir ene guidance directe de côté d'Allah et ki ti bizin vini encore ene fois pou amène la nourriture spirituel, couma Allah fine destiné, et ki le Saint Prophète (Ki la paix et la bénédiction d'Allah lor li) li-même fine annonce ça bonne nouvelle là, alors ça dimoune là c'est bien mo-même. Bane révélations ki mo fine recevoir fine dessane lors moi tellement claire et dans ene façon répété ki ça pas fine laisse aucaine doute concernant ça. Chaque révélation ki mo fine recevoir fine reste fixé ferme dans mo cerveau couma dire fine tape clous et tous bane révélations contenir bane prédictions ki éna fine fini accomplir tellement claire couma lizour plus tard. Sa bane révélations là fine vine tellement souvent et dans ene façon répété, et le fait ki li associé avec bane pouvoirs rempli de miracles, alors tous ça là fine convaincre moi pou accepté ki bane paroles révélé à moi, zot sans aucaine doute, bane même paroles ki vine de coté de Celui qui péna personne comme associé et Qui fine révèle le Saint Coran. Mo pas pou mentionne Torah ou L'évangile parcequi ça deux livres là fine subir trop de changements dans la main de bane soi disant grands savants, ki maintenant népli capave appelle ça, paroles de Dieu maintenant.

*Ça livre là li écrire par Hazrat Massih Maoud<sup>(as)</sup>, le Messie tant attendu par tout le monde, de toutes les communautés, races et couleurs.*

*Là-dans au début du livre même le Messie pé faire nous comprend couma nous pou reconnaître ene dimoune ki vine de côté d'Allah – Donc, nous besoin tourne nous regard autour de nous même, dans nous la caze, dans nous l'environnement, dans nous pays et surtout dans le monde en entier. Nous pou remarqué ki ena beaucoup de changement dans toutes sortes genres – injustices, fraudes, corruption, atrocités, la dégradation de l'homme, l'adultère, l'inceste, sodomie, le viole, le mensonge, le vol etc.*

*Quand nous guette la nature même nous pou remarquer si ça aussi pé subir bane changements drastiques mais l'homme malgré ki li pé avancer à de grandes vitesses dans l'éducation académique et intellectuel ki li pé prend ça couma dire normal – so l'esprit fine bloquer. Li dire ki ça arriver ça, et li bizin arriver (c'est naturel); pas ena narien d'alarmant. Oui mo pas pé contester ki le temps changer – Mais ene telle changement comme bane inondations fréquentes kot le taux de morts et des sans abris, li trop excessif, la guerre entre bane pays kot tous pé assoiffer de pouvoir, bane maladies tels que La Grippe Aviaire, Virus Porcine, Le Sida, et d'autres maladies ki jamais nous pas fine tender encore, bane calamités comme le Tsunami, tornades, tremblement de terre, air crash, accident de la route, en mer, même dans bane mines ; enfin ena tellement de catastrophes tous les jours ki maintenant nous besoin pose nous la question – **KI FAIRE?***

*Ki pé arrivé ? Li normal ça ? Auparavant l'avortement, la drogue, quand nous entendre ene seul dimoune pé faire ça, li ti extra alarmant pour la famille, l'environnement et le pays. De nos jours, zot pé rode légalise l'avortement, la drogue, l'alcool etc.*

*Eski ou croire li normal ça ? A cause ki nous bizin dire ki la majorité fine tombe là-dans par la faute des politiciens et bane irresponsables ki azordi zot pé obliger mette ça la loi là. Donc, Hazrat Massih Maoud<sup>(as)</sup> pé faire ressortir quand le monde pé faire face à de tels fléaux et ki nous le cœur fine dévier de la spiritualité, li trembler de frayeur et de peine, c'est ça même l'époque kot Allah bizin avoye So Messenger ki pou ene avertisseur et en même temps ene porteur de bonnes nouvelles aussi.*

*A nous faire ene réfection ! Nous tous dire ki nous ena nous Imaam, nous Leader, nous Amir, nous Khalifa ou autres ki pé dirige nous – Ki communauté dans ça le monde là péna ene dirigeant ? Bien sûr zot tous ena – Mais ki faire tant de pagailles, tant de divisions, tant de crimes et même dans la religion tant de conflits dans ene communauté ? C'est parceki ça bane Leaders là, c'est l'homme ki fine voter. L'homme en fait li pas conne faiblesses ou la connaissance de ça leader là – Donc, li normal ki ene Président, ene Premier Ministre, ene Amir et ene Khalifa élu par l'homme li faire bane gaffes, kot ene communauté li exploser, parceki li pas d'accord avec bane kitchoses ki ça dimoune là pé dire ki pas tally avec le Quran Shariff – C'est ki fine arriver avant l'arrivée de Hazrat Mohammad<sup>(saw)</sup> kot bane dimounes, c.à.d bane grand prêtres, pandits zot fine tellement content les biens de ça le monde là et ki zot pé gagne ça sans ki zot ena pou paye quoique ce soit avec bane dimounes ki pas conne lire, écrire ; zot fine senti zot couma dire zot fine vine Dieu sur terre.*

*Alors même après l'arrivée de Hazrat Mohammad<sup>(saw)</sup>, après ki le Quran fine révélé, fine ena aussi ça qualité problème là dans le Ummat de Hazrat Mohammad<sup>(saw)</sup> – kot fine ena la guerre du pouvoir etc.*

*Fine arrive à ene tel point kot bane dimounes, surtout bane ki croire ki zot intellectuels, zot ena librairie livres dans zot la caze, dans bureau, zot fine aveuglé par ça bane qualités chefs là, mais bane dimounes ki pas ena bane grandes connaissances, zot pas conne trappe ene livre ou le Quran Shareef pou lire, le temps zot trouve ça bane soi-disant « intellectuel » pé pense et pé croire coumsa, zot aussi zot croire ki c'est la vérité et zot laisse zot influencer par ça bane « intelligents » là. Ça même ki Hazrat Mirza Ghulam Ahmad<sup>(as)</sup> pé faire ressortir dans ça livre là, ki quand ena tous ça bane magouilles là, ler là c'est pas ene Khalifa, Amir, Président, Imaam, Maulana etc. ki nous pé bizin ; là c'est le moment propice kot Allah bizin choisir ene serviteur pou faire ça travail là – C'est Allah ki pou dicter li tous bane instructions ki pou faire. Ene Messenger de Dieu so syllabus, so bane intructions (so la liste de bane travaux) vine de côté d'Allah seulement, même si li pas conne lire et écrire ou bien so connaissance bien faible, pou nous pas dire li ene zéro. C'est là même ki ou pou trouve ki li hors de l'ordinaire, li pas normal ki ene dimoune coumsa pou donne nous instruction pou faire tel tel zaffaire... Pas possible !!!*

*Alors ou compare ou avec li ? Mais non ! Nous pas réaliser ki li so l'éducation et l'instruction pas sorti dans livre, li pé recevoir ça directement de côté so Créateur, Celui ki cause avec So serviteur choisi, Allah le **Muttakalim** – c.à.d ça dimoune ki tous guette avec ti regard, ki méfier li et ki zot pas accepter ki zot bizin prend l'ordre avec li, li gagne tous ça par révélation.*

*Révélation divine pas descende dans tous l'époque ça, si pas tous les mois, tous les l'années, ou bien ene zaffaire normal – Non ! Quand Allah oulé ki ça Messenger là proclame li, li ene quelqu'un de côté d'Allah, li donne So message, ou content ou pas content li pé bizin faire so travail, parceki li, li ena ene compte pou render devant so Créateur, c'est li ki gagne réprimande de côté d'Allah, pas l'homme ordinaire – Nous l'homme ki bizin rende compte devant Boss, Ministre ou Directeur, mais pas le serviteur d'Allah. Donc, Hazrat Mirza Ghulam Ahmad<sup>(as)</sup>, c'est li même ki ça Réformateur Promis du 20<sup>ème</sup> siècle de l'ère chrétienne, 14<sup>ème</sup> siècle après l'Hégire, kot Allah fine choisir li pou donne ene message à l'humanité ki vine de côté d'Allah. Quand nous lire le livre de Hazrat Mirza Ghulam Ahmad<sup>(as)</sup> ki li le Messie Promis – li fine attirer l'attention lors bane points très très important kot li montrer nous comment et quand Allah avoye ene serviteur avec bane révélations divines.*

*Maintenant mo attire zot l'attention lors bane l'évènements et catastrophes ki pé passer dans ça nouvelle ère là, c.à.d le 21<sup>ème</sup> siècle, 100 ans après la mort de nous bien-aimé serviteur d'Allah, Hazrat Massih Maoud<sup>(as)</sup> – c'est grâce à bane écrits du Messie ki azordi nous trouve nous dans ça situation là, tout comme quand nous lire le Quran Shareef, nous trouve nous dans situation bane compagnons du Saint Prophète<sup>(saw)</sup>.*

Donc, même même événements et catastrophes li répéter – Ça même ki Hazrat Mirza Ghulam Ahmad <sup>(as)</sup> pé montrer nous dans so bane livres, ki à chaque fois ki ou trouve situation le monde pé désintégrer, ça montrer la venue d'ene Messenger – Ki faire Allah <sup>(swt)</sup> agir coumsa ? Parceki li pas logique ki Li donne punition avant ki Li (Allah) averti ou. Ene parent même jamais li pou puni so zenfant brutalement avant ki li donne li conseil ou avertissement. Mais quand l'homme, malgré tous ça bane avertissements là, li continuer reste dans so bane mauvaises pratiques, là Allah pas pou ena pitié pou li. Peut-être l'homme pou ena pitié, mais pas Allah car ou fine vire ou gros le dos avec So bane messages ki Li pé envoyer à travers So Messenger. Nous l'homme, nous croire nous pé faire foutant, bouffon avec li, mais NON ! En réalité nous pé moque Allah sans ki nous pé réaliser – Réfère ou au Quran Shareef Ch. 2 Ruku 1.

Le travail d'ene Messenger d'Allah, li là pou ramène tous dimounes à la piété et à la droiture et li vini pou casse tous bane innovations (bidat) et fausses conceptions ki fine rentrer dans la religion.

Hazrat Mirza Ghulam Ahmad <sup>(as)</sup> pé faire ressortir ki chaque fois ki ça pou répéter, li capave après 100 ans, 200 ans – n'importe quand, encore et encore prophètes pou vini pou redresse ça chemin ki rempli avec trous – li pas pou change chemin là li, li pas ena droit car li aussi li obliger prend bane versets du Quran Shareef et mette ça de l'avant. Li là pou redonne ça beauté et miracles du Quran Shareef. Li ena pou redonne l'enseignement du Quran Shareef, le Sunnah de Hazrat Mohammad <sup>(saw)</sup> et bane paroles de Hazrat Mirza Ghulam Ahmad <sup>(as)</sup> tous so valeur. Dimounes azordi jour, croyant ki zot maaa-lins, àla ki zot change bane l'enseignement là doucement doucement kot ou trouve bane générations future pé alle à la dérive.

Donc, jamais Allah <sup>(swt)</sup> pou laisse Islam alle à la dérive, car Li même Li fine donne So promesse ki li fine parfaire ça religion là et Li donne li le nom de l'Islam, et c'est Li ki le Gardien du Quran Shareef jusqu'au Jour du Jugement.

Donc, pou garde ça balance là, ou toujours pé écoute ça bane soi-disant grand « Alim » là ki la porte prophète fermée ou bien ou fine aveuglé par parole d'ene Khalifa ki dimounes fine élire. Oui, nous doit li obéissance tant ki Allah <sup>(swt)</sup> pas encore envoye quelqu'un de So côté, mais du moment ki ou conner, ou fine tender, et ou pé lire lors ordinateur lors ene website, ou pé fouiller, ou pé trouver ki ena ene quelqu'un pé proclame li le Messenger de Dieu, et ki li ene récipiendaire de la révélation, à ce moment là même ki ou bizin prends ça Khalifa là en considération parceki li, li pas fine élu par l'homme, c'est Allah ki élève li. Ki ou bizin donne préférence ? Ene Khalifa ki élu par différents d'homme de différents pays ou de par so bane dimounes autour de li ou bien ene Khalifatullah ki seulement Allah fine élire li ?

Matière à réflexions pou seulement les Ulul Albaab couma Allah dire dans Quran Shareef – (Ene Ulul al Baab li pas nécessairement ene dimoune ki bizin ena certificat ou degré ou diplôme d'ene PHD ki dimoune bizin saluer li quatre côtés ; non li seulement ene dimoune ki cherche la vérité, li ena la crainte d'Allah dans so le cœur, et li péna aucaine l'arrogance, l'orgueil et jalousie). Li capave être ene dimoune illétre (ki pas conne lire) aussi.

Mo pou conseil mo bane sœurs et frères de l'Islam ki quand zot lire ça livre la – Tadhkiratush Shahadatain – zot pou trouver ki Hazrat Mirza Ghulam Ahmad <sup>(as)</sup>, non seulement li pé faire dimounes reconnaître ki li le Messie Promis de ça l'époque là, mais aussi li pé donne nous bane indications couma pou reconnaître ene Messie, ou ene quelqu'un ki vine de côté d'Allah. Donc, chanceux à ceux ki fine reconnaître la manifestation divine et Insha Allah mo faire duah beaucoup à Allah <sup>(swt)</sup> ki Li ouvert le cœur de bane les autres dimounes des autres communautés pou zot capave rejette bane mauvaises conceptions de la foi et ki zot reprend ene nouvelle route kot zot pas pou trébucher ni zot dévier, kot zot l'âme pou purifier et ki zot pou jouir la vie éternelle dans bane meilleurs conditions.

Hazrat Mirza Ghulam Ahmad <sup>(as)</sup> pé raconter couma li gagne révélation et comment la révélation fine amène li très près avec Allah et personne pas capave contester si pas révélations li vrai ou zot pou appelle ça « so-called revelation ». Comment eski zot appelle ça ? Pou Hazrat Mirza Ghulam Ahmad <sup>(as)</sup> li, li conner et sure a 100% ki c'est ki li pé recevoir li vine de côté d'Allah et ki ça li conformer au Quran Shareef et en sus de ça li conner et li pé témoigne beaucoup de signes ki pé descende du ciel en so faveur. Quand Hazrat Mirza Ghulam Ahmad <sup>(as)</sup> pé écrire ça dans so livre, eski ou pas croire ki li pé faire comprend à d'autres personnes surtout bane dimounes dans so Jamaat couma bizin croire dans révélations quand ene dimoune pé dire ki li recevoir ? Et li fine même enseigne nous ene duah ki nous bizin lire avec beaucoup de sincérité, kot nous demande Allah <sup>(swt)</sup> pou guide nous et montrer nous la véracité de ça dimoune là. Si Allah guide bane ki faire ça duah là, et Li manifester Li à travers beaucoup de signes à yeux ouverts et en rêve, donc, nous trouver ki ene Messenger de Dieu, li, li jamais pou reculer même si ena très peu ki fine croire dans li. Li pou continuer faire so travail, ou trouve li pou attrape so plume et li pou commence faire so Jihaad et tous ce ki Allah enseigne li, li pou mette li lors papier, à travers pamphlet, livres, journal et dans ça nouvelle époque là c'est-à-dire 2001, le Serviteur Choisi d'Allah li servi ene website pou propage so message entier le monde.

*Donc, si l'homme mécontent ferme so bane chemins pou empêche faire so travail, Allah de par So sagesse, Li pou ouvert d'autres chemins ki ou, ou pas pou capave barrer. Ena bane versets très clairs ki explique couma bane dimounes rode teigne la lumière d'Allah, mais guette couma Allah parfaire So la lumière ; ça c'est bane preuves bien claire ki prouve la véracité d'ene Messenger de Dieu.*

*Hazrat Mirza Ghulam Ahmad<sup>(as)</sup> pé faire ressortir presque dans majorité de so bane livres ki so venue comme le Messie li vrai, surtout quand li attire l'attention lors l'éclipse du soleil et de la lune dans le mois du Ramadhan ki ti arriver dans so l'époque couma fine prédire dans bane les autres écritures comme un signe du Mahdi.*

*Ça signe là, eski nous prend li juste pou Hazrat Mirza Ghulam Ahmad<sup>(as)</sup> ou bien pou d'autre Messies ki pou vini après li aussi jusqu'à Jour du Jugement ?*

*A mon opinion, quand ça signe là fine fini prédire dans le Quran Shareef, dans Ch. 75 « Al Qiyamah » mo penser ki ça pou applique pou Hazrat Mirza Ghulam Ahmad<sup>(as)</sup> ki fine paraître 1400 ans après Hazrat Mohammad<sup>(saw)</sup> et pou d'autres Messies ki ena pou vine répare la route de l'Islam quand chaque fois bane alliés ennemie pou rode casse li et même bane musulmans zot même zot pou dévier de zot propres l'enseignement.*

*Donc, mo pé faire ressortir ki dans ça l'époque là aussi, tandis ki nous ena quelqu'un pé proclame li à haute voix, dans bane conférence à travers so bane écrits, et maintenant so proclamation li carré carré lors so website, ki li le Messenger de Dieu, li le Khalifatullah et Réformateur de ça l'époque la.*

*Eski le signe de l'éclipse solaire et lunaire dans le même mois de Ramadhan pas fine arrivé dans ça l'époque là aussi ?*

*En Novembre 2003, 109 ans après ça deux l'éclipse là fine ré-répéter après l'arrivée de Hazrat Mirza Ghulam Ahmad<sup>(as)</sup>. Et pou ena encore et encore ça bane qualités l'éclipse là dans le future pou annonce l'arrivée d'autre Messies jusqu'au Jour du Jugement. Ça donc prouve la véracité du « Khalifatullah » de ça l'époque là. Pour la première fois ki ça fine arriver c'est 1400 ans après ki Hazrat Mohammad<sup>(saw)</sup> fine prophétisé et même li ene révélation divine ki trouve dans le Quran Shareef.*

## DEUXIÈME PARTIE

Ça bane révélations ki mo recevoir là, zot tellement convainquant et définitif ki ça fine amène moi bien bien prés avec Allah. Ça bane révélations là, zot sans aucune doute vraie, non seulement parski li renforcer par bane signes ki vine de côté d'Allah, mais aussi parce ki zot conformer au Saint Coran. En plus de ça, Allah fine manifester Li à travers bane signes couma la pluie ki dessane du ciel pou confirme ça bane révélations là. C'est dans ça l'époque là même kot fine éna l'éclipse du soleil et de la lune durant le mois de Ramadhan couma fine prédire dans bane les autres écrits comme ene signe du Mahdi. Et ça même l'époque kot la peste fine répande dans Panjab et encore plus dans le pays en entier pareil couma fine prédire dans le Saint Coran. Bane prophètes ki fine vini avant fine aussi prédire ki bane la mort pou augmenter dans ça l'époque là dans ene telle façon kot aucune village ou la ville pou épargner de ça ravage là. Mais ça même fine arriver et l'épidémie là pé faire touzour ravage.

*Hazrat Mirza Ghulam Ahmad<sup>(as)</sup> dire ki li pas ene phénomène ki ça jamais pas pou arriver et li dire ki ça pou arriver de temps en temps dans chaque siècle et c'est ça même pou ene signe Vital pou nous reconnaître la venue du Messie et Mahdi.*

*Donc, nous capave dire aussi ki la venue du Messie Promis fine prédire non seulement dans Quran Shareef, mais aussi dans la Chrétienté, Judaïsme et dans d'autres religions principales comme le Bouddhisme, Hindouisme et le Sikhisme.*

*Nous faire ressortir à tous nous lecteurs de nous website ki le Messenger de Dieu ki ti ena pou vini, li fine fini vini et li pou obliger trouve dans la dernière religion que Dieu fine parfaire parceki c'est la seule religion kot fine ena le Sceau des prophètes ki fine vini comme ene prophète universel ; donc tous Messies ou Vicé-Gérants ki ena pou vini bizin vine dans la religion de l'Islam.*

*En aucun cas li pou trouve dans bane religions kot zot bane prophètes ti vine seulement pou ene seul peuple. Dieu, de par So sagesse et Bonté, jamais Li pas pou laisse bane générations futures sans ene Guide de So côté, couma nous bane ancêtres fine témoigner et expérience révélations divine, pourquoi nous après le Saint Prophète<sup>(saw)</sup> de l'Islam, nous bane générations futures zot pas gagne ça bane bénédictions là zot aussi ? Ou croire ki nous bane zenfants de demain, zot pou bizin nek contente zot lire dans livres et prend le droit chemin ? Ou bien zot aussi Allah<sup>(swt)</sup> pou bizin donne zot la chance pou témoigne et goutte ça plaisir ki descende du ciel ?*

*Dans Surah An-Anam, Allah dire ki la venue de So choisi li vini dans ene période limité.*

*Donc, ça applique pou tous dimoune ki pou lire le Quran Shareef, Allah rassure zot ki Allah pou continuer avoye Messenger pou ene ti le temps pou zot aussi pou reprendre la route surtout quand ena grand grand « Alim » vini et zot rode détourne l'attention de bane faibles en disant ki la porte de prophètes fermer.*

*Donc, nous prend beaucoup de précaution et pas laisse nous berner par ça bane soi-disant intellectuels là, nous réfère nous au Quran Shareef de temps en temps pou ki nous pas laisse nous influencer par ça bane qualités Alim là. Couma dans le temps du Messie Promis fine ena la peste ki ti faire ravage, tremblement de terre, la guerre entre bane pays et d'autres fléaux, dans nous l'époque aussi ena ça bane qualités fléaux là couma fine mentionner au début.*

*Hazrat Mirza Ghulam Ahmad<sup>(as)</sup> dire ki ça annonce l'arrivée d'ene Messie ; ce ki pé arriver azordi kot personne au monde pas capave nier, même si zot pé bouche zot zoreilles, li yeux, le cœur lors le Messie ki fine faire so proclamation lors so website.*

A peu près 22 ans de cela Allah<sup>(swt)</sup> fine révèle moi à propos ça l'épidémie là quand pas ti encore éna aucune signe ou symptôme de so manifestation. Mo fine recevoir tellement de révélations de la part d'Allah couma ene gros la pluie lors là kot pé donne avertissements lor avertissements dans différent manières. Alors, Allah fine cause avec moi dans ça bane révélations là coumsa :

*« Le décret d'Allah pé approché, donc pas pressé. Ça c'est bane bonnes nouvelles ki fine donné à bane prophètes dépi bien longtemps.*

Allah li dans coté bane pieux, c-à-d, bane ki pou bane raisons de modestie, respect et ki tourne vers Allah complètement, zot garde zot loin de bane chemins ki pou capave dévier zot, et amène zot vers la transgression et la désobéissance (aux ordres d'Allah), bane ki pas oulé défier aucaine pas ki zot fine prend, mais zot plutôt faire beaucoup attention lor chaque action ou parole ki zot dire à cause zot ena la crainte d'Allah dans zot le cœur.

Allah Li avec bane dimounes ki fidèle à Li, et ki faire du bien pou So bane serviteurs. Allah éna pouvoir et domine lor tout kitchose, malgré la plupart dimounes pas comprend.

Et quand Li dire kitchose exister, li exister. Est-ce ki kitchose capave échapper de Moi (Allah) et bane coupable pou payer pou ce ki zot faire. Dimounes dire ki ça c'est bane mots de l'homme, et ki bane les zot fine vine donne li ene coup de main dans ça domaine là. Li sois ene ignorant ou sois ene illettré.

Allah dire : « Dire zot : « Si vraiment zot oulé vine camarade d'Allah, donc vini et suivre Moi, coumsa Allah pou vine ou camarade. »

Nous suffit pou toi contre bane ki ridiculise toi – Mo pou humilier celui ki rode humilier toi, et Mo pou aide celui ki aide Mo toi. Mo même Allah, Celui ki bane Messagers pas bizin éna aucaine crainte, ni chagrin dans Mo présence.

Quand l'aide d'Allah vini et So la victoire et ki chaque parole d'Allah fine accompli, lers là pou dire zot : « Voila ce qui zot ti presser et envie ki li arriver vite là (punition là). »

Le temps dire zot pas crée désordre lor la terre, zot dire : « Nous pé seulement mettre l'ordre et la paix. »

« Faire attention ! C'est zot même ki crée désordre. Et zot fine ridicule toi et zot fine faire toutes sortes de moqueries contre toi et zot dire d'ene ton bouffon : « Eski li ki Bon Dieu fine envoyer parmi nous ? »

Ça c'est bane paroles bien stupides et sans aucaine sens ki zot dire. Non, en fait Nous fine envoie la vérité mais zot vraiment fine vire lé dos et renonce pou accepter la vérité. Et bane mécréants bientôt où pou trouve dans ki direction Nous pou dirige zot.

Saint et Exalté est Allah, Li bien loin de ce ki zot dire lors Li. Et Zot dire : « Li pas ene Envoyé de Dieu. » Dire zot : « Mo ena ene témoignage ki vine de côté d'Allah, eski zot pou croire ? »

To ena tout to valeur devant Mo li yeux.

C'est Moi ki fine choisir toi pou Mo-même. Mo en colère avec celui avec ki to en colère ki en colère avec li. Mo content aussi tout ce ki to content.

Mo faire to éloge dépi lors Mo trone.

Allah faire to éloge et approche avec toi. To ena ene très grande position devant Mo li yeux ki le monde pas reconnaître.

To extra près avec Moi pareil coumsa Mo l'unicité et Mo unité. Mo de Mo de l'eau ki fine purifié et zot, zot sorti dépi malpropreté.

Gloire à Allah ki faire toi vine « Jésus, Fils de Marie » et ki fine montrer toi bane kitchoses ki to pas ti conner avant.

Bane dimounes dire : « Quand et comment to fine atteindre tel position ? »

*Dire zot : « Mo Allah Li unique et personne pas capave cachiette So grâce. Personne pas capave questionne Li pour ce ki Li faire mais dimounes ki bizin réponne pou zot bane actions. »*

*To Seigneur faire ce qu'Il veut. Li fine crée ça Adam là (c-à-d, Hazrat Massih Maoud) et Li fine exalter li. Nous fine envie dans ça siècle là place ene Vice-gérant (Khalifatullah) lors la terre, donc Mo fine crée ça Adam là. Et bane anges dire : « Eski To pou envoye quicaine ki pou sème désordre lors la terre ? »*

*Allah réponne : « Moi Mo conner ce ki ou, ou pas conner. »*

*Zot (bane dimounes) dire : « Ça c'est seulement ene invention (ki to pé dire). »*

*Dire zot : « C'est Allah ki fine faire ça », et laisse zot dire ce ki zot content, zot bane discours inutile.*

*Nous fine envoye li avec la vérité et à cause ti ene nécessité pou l'époque ki li fine vini. Nous fine envoye toi comme ene grâce universelle pou tous bane lé mondes.*

*O Mo Ahmad, Mo content Toi et toi to avec Moi. To secret c'est Mo secret.*

*To la gloire li bien grand et to récompense li près de toi. Mo fine donne toi Mo la Lumière c'est Moi (Allah) ki fine choisir toi. To pou bizin vivre ene la vie couma Moïse fine vivre. Pas bizin to faire aucaine plainte à Moi quand il s'agit de bane mécréants. C'est sure ki zot pou noyer et zot pou faire zot plan mais Allah aussi ena So plan. Et Allah Li le meilleur pou faire bane plans. Celui ki marche avec Mo serviteur avec ene obéissance li noble. Li (ça dimoune) ki considère to l'ennemie couma so propre l'ennemie. Et Allah pou bientôt accorde toi ene telle z'affaire (récompense) ki to-même to pou bien content.*

*Nous pou hérite ça la terre là, et Nous pou entoure partout, dans tous coté coumsa to pou capave donne ene avertissement à bane dimounes ki zot ancêtres pas fine tendre être averti et pou ki bane méfaits de bane mécréants pou vine manifeste. Dire : « Mo fine être élever avec bane paroles (ki vine de côté d'Allah) et mo le premier pou soumettre (à Allah). »*

*Dire zot : « Allah fine révèle moi ki zot Bon Dieu Li ene seul et tous bénédictions trouve dans le Saint Coran. Personne pas pou conne so la vérité excepté bane ce ki pure. Dans ki histoire ou pou croire après ça ?*

## TROISIÈME PARTIE

*Zot désire ki to mission pas vine ene succès. Mais c'est la volonté d'Allah ki to mission vine ene succès – ene mission parfait.*

*Allah jamais pou abandonne toi avant ki Li sépare bane bons de bane méchants.*

*C'est Allah ki fine envoye So Messenger (ça humble personne là) avec So guidance et So la religion ki vrai coumsa c'est ça même religion ki pou gagne le dessus lors tous bane lé zot religions ; ça promesse li ti pou bizin accomplir ene jour.*

*Ça (jour là), la promesse d'Allah, astère fine vini.*

*Li (Allah) tape So li pied lors la terre et tous bane désordre ki ti ena fine disparaître. Li (Allah) pou protége toi contre tous to bane ennemies et Li pou attaque tous ce ki attaque toi par injustice. So colère fine descende lors la terre parceki l'homme fine dépasse tous limites dans zot transgression. Bane maladies pou faner partout lors la terre kot beaucoup la vie, pou détruire. Tout ça là fine décrété dans le ciel. Ça c'est le commandement de Dieu, Le Tout Puissant et Le Plus Sublime. Allah na pas change narien de (bane calamités) ce ki fine tombe lors bane dimounes jusqu'à ki zot le cœur changer et transformer.*

*Après ça courte difficulté là, ler là Li (Allah) pou prend ça la ville là sous So protection.*

*Na pas ena personne à part Allah ki capave donne protection azordi.*

*Et construire l'arche là devant Nous li yeux avec l'aide de Nous révélation. Le Dieu Tout-Puissant (Allah) li avec toi et avec bane ki avec toi. Mo pou donne protection à tous bane ki pou trouve entre bane muraille de to la caze sauf bane ki désobéir Moi par zot l'arrogance et ki penser ki zot pli supérieur ki Mo commandement (Le Commandement d'Allah).*

*Et Mo protection pou reste toujours avec toi en particulier. Ça c'est ene mot de paix du Très Miséricordieux. La paix lors zot tous : bane ce ki zot l'âme pure.*

*O bane coupables ! Reste séparer.*

*Moi mo pou reste à côté de Mo Messenger et Mo pou de temps en temps, rompre Mo carême, et Mo pou recommence garde li.*

*Mo pou condamne tous ce ki condamne toi, et Mo pou béni tous ce ki reste ensemble avec toi (Mo Messenger) pou toujours.*

*Et Mo pou accorde toi la lumière de Mo manifestation et Mo pas pou quitte zot, mo pas pou laisse zot tomber jamais jusqu'à ki ler là vini. Moi même Mo ça coup de tonnerre là, Mo Le Très Gracieux et Maître de la grâce et rempli de bane bienfaits.*

*Dans ça paragraphe là, nous ressenti ki qualités difficultés, la peine ki Hazrat Mirza Ghulam Ahmad <sup>(as)</sup> gagner avec bane opposants, couma zot pé ridiculise li et couma zot pé sème dissension dans la communauté. De même pé arriver dans ça l'époque là aussi kot nous trouver couma le Jamaat Ahmadiyya pé comporte zot pareil couma ça bane opposants de Hazrat Mirza Ghulam Ahmad <sup>(as)</sup>, couma zot pé barre dimounes dans croire dans la révélation divine et couma zot pé élève créatures là-haut là-haut sans ki zot pé prouver ki zot pé faire ça par l'instruction divine. Guette couma zot pé crase la mission de Hazrat Mirza Ghulam Ahmad <sup>(as)</sup> et bane opposants du Messie pé brule Masjid Ahmadiyya et tuer ene tas Ahmadis et pé empêche zot pratique l'Islam, coumsa même ça l'époque là fine arrive quand Allah fine élève So Khalifatullah, même gestes et actions zot pé faire, pas juste bane Ahmadis, mais aussi bane les autres communautés, y compris bane musulmans Sunni et d'autres sectes.*

*Mais c'est par la volonté d'Allah ki « to mission » pou à la perfection. Ici « to mission » veut dire ki Allah fine élève Hazrat Mirza Ghulam Ahmad <sup>(as)</sup> pou faire le travail d'Allah. Donc li bizin ki Allah même pou mette ça à la perfection. Couma zot tous pé remarquer azordi, c'est Allah même ki pé reste à côté de So Khalifatullah ki li capave pé faire autant de travail lors so website. L'homme jamais pas pou comprend couma Allah <sup>(swt)</sup> faire So travail. Allah jamais pas pou abandonne So Serviteur Choisi et bane ki autour de li avec full sincérité.*

*Prend garde bane ki fine prend le Baiat dans la main du prophète. Ici, ce n'est pas ki le Jamaat pou mette ou dehors pareil couma Jamaat Ahmadiyya et d'autres ki mette bane dimounes dehors de la communauté ; ici c'est Allah ki sépare bane bons depuis bane méchants et surtout les hypocrites.*

## QUATRIÈME PARTIE

### L'HISTOIRE DE DEUX MARTYRS

C'était pendant le temps ki mo pé gagne révélation continuellement et ki ça pé supporte bane signes extraordinaires de mo proclamation du Messie Promis avec toutes les preuves, ça même ki fine faire moi reconnu par bane écrits, tous mo bane livres au monde entier kot finalement ça fine arrive aux oreilles d'ene sage de Khost, Akhwandza du nom de Maulvi Abdul Latiff. Li fine étudier tous bane arguments ki mo fine avancer avec le support Divin et ki supporté par bane évidences documentaire raisonnable. Comme ça noble sage là li possède ene le cœur pure et li ene dimoune ki comprend, rempli de piété et li ena beaucoup de crainte d'Allah, li pas fine trouve aucaine difficulté pou accepté mo proclamation.

So conscience pure fine facilement faire li accepter ki c'est mo même mo l'envoyé de Dieu et ki mo proclamation li vrai.

Donc, li fine donne beaucoup d'importance pou mo bane livres ki mo fine écrire. So l'âme pure fini déterminer vers moi. Li trouve ça bien dure pou vivre bien loin de moi et tout le temps li ena le grand désir pou vine rencontre moi.

Suite à ça grand désir et l'amour ki li ena pou vine rencontre moi, donc, li fine décider pou li alle Hajj. Li ti ene savant très distingué, donc, zot tous bane Amirs, Uléma et bane hommes saints zot tous ti pé refaire à li lors bane affaires de très haute importance.

Le Amir (le Roi) non seulement fine donne li la permission pou alle faire Hajj mais fine donne li aussi ene grand quantité l'argent pou so voyage.

Après avoir ki li fine fini gagne permission li fine vine à Qadian pou vine rendre moi ene visite. Mo faire serment en prenant Allah comme mo témoin, Allah le Maître de mo la vie, mo fine trouve li incomparablement sincère et honnête dans so adhérence à moi et li fine accepter moi. So l'amour et so l'affection li claire couma ene flacon cristal d'ene parfum le plus doux au monde. Vraiment, mo fine trouve li extra sincère dans so l'amour pou moi. So le cœur comme so visage radieuse ti extra pure et sincère. La qualité la plus remarquable ki li ti posséder c'est ki tout le temps li fine donne préférence lors **La Foi** au lieu de bane affaires mondaine.

*L'histoire de deux martyrs, c'est l'histoire d'Abdur Rahman et de Maulvi Abdul Latiff, ene sage de Khost, Akhwandzad.*

*Hazrat Muhyi'uddin Munir Ahmad Azim, le Khalifatullah de cette époque li ti faire ene rêve kot li trouve Maulvi Abdul Latiff Shaheed vieux, pé assizé lors so lili avec ene linge blanc et drap lili blanc, et li ti pé cause avec Hazrat Muhyi-ud-Din (22 Mars 2001)*

*Ene rêve li fine faire kot li fine trouve so neveu pé dire deux cabri fine sacrifié dans chemin Allah et l'Amir de l'Association Ahmadiyya de Maurice pé dire flanel et cotton... (05 Janvier 2001 avant Tahajjud & Fajr)*

*Mo l'opinion personnelle lors ça rêve là, moi mo trouver ki ene partie là-dans fine réaliser kot Hazrat Muhyi'uddin Munir Ahmad Azim pé passe par ça bane qualité martyrs là comme bane épreuves ki Allah <sup>(swt)</sup> pé rode faire li vine solide et ferme dans so travail ki fine designer pou li, mais li malgré so bane difficultés li pas pé suivre désires les autres.*

## CINQUIÈME PARTIE

Sans doute, li ti ça qualité dimoune véridique et vertueux, ki ena la crainte d'Allah, la piété et l'obéissance d'Allah. Li ti ena ene grand l'amour pou li attein le plus haut degré de spiritualité.

Tous bane ki envie gagne le plaisir d'Allah, zot bizin volontairement et avec beaucoup de contentement, zot bizin sacrifier zot la vie, zot richesse comme si tout ça là, c'est bane z'affaires inutiles, banale comparer à alle rode le plaisir d'Allah. So zèle et l'enthousiasme ki li ena pou Allah (so Imaan) ti tellement avancer ki li pas ene exagération ki mo capave faire ene comparaison à ene montagne haute et en suite de ça ressemblance, ça description ki mo pé donner li pas pou paraître réel, (couma dire péna mots pou qualifier so pureté et sincérité de cœur).

Ki faire mo dire ça ?

Parceki ene quantité dimoune zot accepter quicaine comme zot mentor (professeur) mais mo toujours bizin manque quelques preuves de zot fidélité. Zot ena bane traces de poison au fond de zot même. Zot encore ena ça l'attachement de bane kitchoses mondaine là dans zot le cœur ki difficile pou zot purifier zot. Zot toujours pé pointe vers prestige et richesse de ça le monde là et bane désires temporaire et inférieur.

*Sans doute, quand Allah avoye So Messenger sur terre, li attende ki nous tous hommes, rempli de faiblesse et de défauts, ki nous adopter le chemin ki So Messie ou Khalifatullah montrer nous. Allah oulé ki nous montrer nous intéresser et développe ene l'amour le plus haut degré de spiritualité.*

*Donc, avec l'arrivée d'ene Messenger, penser ki jamais bane opposants pou laisse ou tranquille ou bien pou accueille ou à bras ouverts, et ça commence toujours avec ou propre du sang, ou parents ki fine mette ou lors la terre, fine donne ou naissance, ou bane propre sœurs, frères et c'est zot même ki pou mal parle ou et pou blâme ou partout, pas a cause ou fine adopter le mensonge, l'adultère, la drogue ou la prostitution, le vol etc. mais juste à cause ou fine croire dans révélation ki le Messenger d'Allah pé recevoir ; même ou propres zenfants tourne le dos avec ou quand ou fine réussi attrape ça la corde là, tout comme Sahibzada Abdul Latiff, li, li pas fine gagne problème avec so épouse ou zenfants mais avec le Amir et tous bane chefs ki autour de li.*

*Hazrat Mirza Ghulam Ahmad<sup>(as)</sup> fine bizin écrire ça livre là pou montrer ki qualité sincérité et dévotion li ena pou Allah et So Messenger. Vraiment ça faire le cœur vibrer et trembler quand ou trouver couma ene dimoune ki fine croire dans la manifestation divine bizin subir. Heureusement li pas fine reculé ! Ça même ki Hazrat Mirza Ghulam Ahmad<sup>(as)</sup> pé faire ressortir dans ça livre là, ki tous bane Ahmadis peu importe ou position dans la société, n'importe quand ou tende la venue d'ene Messenger, reste ferme et solide avec li, parceki c'est li même ki pou continuer so mission, c.à.d amène dimounes lors le « Siratwal Moustaqeem » kot dimoune bizin respecter et suivre le Quran Shareef. Donc, dans ça moment là, nous bizin sacrifier volontairement nous la vie, nous réputation, et nous bane richesses comme-ci tous ça là bizin considère ça couma bane z'affaires inutiles, banales comparer à « alle rode plaisir Allah ».*

*Hazrat Mirza Ghulam Ahmad<sup>(as)</sup> oulé ki bane membres de so Jamaat vine solide comme du roc, ferme dans zot la foi et ki jamais zot pas reculer quand chaque fois bane opposants pou rode vine jouer bane mauvais tours avec zot. C'est pourquoi ki li fine prend tant de peine, so le cœur lourd pou li écrire ça livre là, et pou mette ça devant le monde et surtout bane membres de so Jamaat. Mais li malheureux pou nous constater ki beaucoup fine mette ça livre là de côté et zot penser ki Hazrat Mirza Ghulam Ahmad<sup>(as)</sup> fine raconte ene zistoire. Bane Ahmadis pé comporte zot pareil couma ça bane Juifs et chrétiens ki dire ki « ça histoire vieux dimounes » ça.*

## SIXIÈME PARTIE

C'est pourquoi ki li difficile pou moi pou mo prend kit contributions de zot pou zot la foi parceki ça bane qualité dimounes là, moindre zaffaire zot fauter et zot casse zot serment d'allégeance.

*Hazrat Mirza Ghulam Ahmad <sup>(as)</sup> dire ki li difficile pou prend quicaine so contribution, parceki li conner ki ena beaucoup vini vine prend le Baiat dans so la main mais ki zot pas sincère, zot fine vini comme des curieux ou pou tire information et pou zot alle faire désordre avec les autres. Li senti ki zot pou sauté pillé lors moindre ti erreur zot fauter ou bien ene message descende pou zot. Ler là zot pou profité pou casse zot Baiat et zot alle Maha piller contre li kot zot mette l'Islam en danger, en péril.*

## SEPTIÈME PARTIE

De l'autre côté, quand mo guette ça grand sage là, mo pas trouve bane mots pou mo qualifier so l'obéissance et so fidélité ki li ena pou moi, ene telle qualité ki li fine sacrifier tout pou moi, tout ce ki li posséder, so réputation et même so la vie, parceki li trouver ki tous ça péna aucaine l'importance. Mo fine trouve beaucoup dimounes kot zot péna ene l'harmonie prend dépi commencement jusqu'à la fin zot bizin trouve kitchose, ene ti raison ou bien bane insinuations satanique ou bien zot laisse zot influencer par bane dimounes ki pas oulé croire (bane incroyants), zot laisse zot dérouter facilement et zot laisse zot influencer par bane telle gens, donc ler là même ou trouver ki zot image affaibli et zot couper nette are ça.

Mais la loyauté de ça sage là, mo toujours pas conner couma mo pou décrire li, li vraiment extraordinaire. Chaque moment, so Imaan (la foi) reste augmenter, augmenter ki c'est moi même l'Envoyé d'Allah.

*Hazrat Mirza Ghulam Ahmad <sup>(as)</sup> fine remarquer ki dans so l'époque couma bane dimounes ki après avoir ki zot fine croire dans so proclamation, zot vini et zot prend le serment d'allégeance ; donc, zot subir bane tribulation de zot proche comme le boycotte ou ene bon lavage cerveau, kot ça moment là zot pas sûr si pas zot fine prend le bon chemin. Là zot commence doute bane révélations et le proclamation du Messie Promis. Ça bane qualités adhérents là zot facilement dérouter et zot laisse zot influencer par ça bane dimounes là. Là même ou pou trouver couma zot pour prend li bien compte dans la communauté, tandis ki avant, ça dimoune ki fine croire dans manifestation, ti là , ene compte zot pas prend li, jamais zot pour rode conne so difficulté ou intéresse pou montrer li le bon chemin.*

*Mais du moment ki li fine accroche avec le Messenger de Dieu, voilà ki zot pou maintenant prend li compte, attire li avec bane bien matériels ou autres choses, pour ki li quitte ça dimoune ki pé gagne révélation là. Ça même ki Hazrat Mirza Ghulam Ahmad <sup>(as)</sup> pé raconter dans ça paragraphe là, couma nous capave perdi Imaan, donc li pé recommande so bane suivants couma bizin reste ferme avec le Messenger de Dieu pareil couma le sage Sahibzada Abdul Latiff, ki pas fine reculer du tout pou tout l'amour ki li fine ena pou Allah <sup>(swt)</sup> et So Messie. Li fine reconnaître ki la venue d'ene Messie li pas tous les ans, kot li capave rattrape li l'autre l'année ; li fine préfère rate so Hajj ki li rate d'être en compagnie avec le Messie. Et en sus de tous ça là, li pas fine vine coumsa même, aveuglé. Li fine étudier bane versets du Quran Shareef et li fine analyser et li fine trouver ki critère ki Allah servi pou avoye So prophète sur terre. Sans doute, c'est les mêmes critères ki ena azordi ki Allah fine bizin avoye So Khalifatullah, kot bane musulmans fine dévier, zot le cœur vide de la vrai Imaan et zot action pas refléter du tout avec zot discours ki zot faire avec les autres. Donc, zot donne chemin aux autres religions pou attaque Islam – Le sage ler là fine conclure ki définitivement quelqu'un de côté d'Allah ki bizin vine remette tous dimounes, de toutes les races, couleurs, et religions lor rails sinon nous tous pou sorti perdants.*

*Ce qui pé arriver dans nous l'époque – l'histoire pé répéter. Donc ce qui mo pé fer ressortir bane similarités ki ena dans le temps de Hazrat Mirza Ghulam Ahmad <sup>(as)</sup> et dans létemps du Khalifatullah de ça siècle là – li pas nouveau du tout si nous pé fer face aux calamités de toutes sortes genres ; ça définitivement annonce l'arrivée d'ene Sarkaar. Dans le Quran Shareef, Allah fine descende par révélation, fine raconte le prophète <sup>(saw)</sup> couma bane croyants fine subir bane tribulations quand à chaque fois Li fine avoye ene prophète dans ene peuple avant li – donc Allah soulage So prophète bien-aimé et montrer li la patience et la confiance lor so Créateur – si aujourd'hui nous pé lire ça dans le Quran Shareef, ou pas croire ki tous Messagers ki vini après le Saint Prophète <sup>(saw)</sup> bizin passe par le même chemin ?*

*Sahibzada Abdul Latiff attire nous l'attention ki ça poignée dimounes ki accepter le proclamation du Messenger d'Allah, c'est ça ti groupe là même ki pas pou gagne aucaine considération de kikaine, à cause révélation et manifestation divine, zot vine bane rejetés de la société – après tous ça bane l'étude approfondies là, c'est ça moment là même kot li trouver ki sûrement Allah bizin avoye quelqu'un de côté Li.*

*Donc, pas tout dimoune ki ena ça patience et ça l'intelligence pou réfléchi couma le sage. Azordi jour, plus dimounes pé étudier, pé lire, fine gagne l'éducation gratuit avec gouvernement, plus zot pé vine bane imbéciles – zot pé prend pou plus grand intellectuel – c'est zot ki pé décider maintenant si pas Allah bizin avoye ene Messenger ou non. C'est zot ki bizin approuver ou non ! Ena même fine mette lor so website ki li fine mette le Messenger de Dieu en observation. Zot pou observe tous so bane mouvements ; kot nous pé aller ? Oû croire ça bane qualité dimounes là capave ramène bane dimounes à bon port – à l'Islam ? Eski ou croire ki Allah pou ouvert zot le cœur ? Ena fine gagne bane signes de côté d'Allah pou montrer li ki li dans ene bon chemin, ki le Messenger de Dieu li véridique, mais voila ki li montrer ene l'arrogance avec ce qui li pé recevoir, kot li commence commande le Messenger de Dieu, c'est li ki décider quand le Messenger bizin fer telle chose ou mette telle chose. Voilà c'est ça ki Hazrat Mirza Ghulam Ahmad<sup>(as)</sup> pé dire nous, bane membres de so Jamaat, ki fer beaucoup attention à nous Imaan ; vine couma le sage ki pas fine jamais reculer après avoir ki li fine passe par bane tribulations et persécutions très très dur. Li fine préfère trouve la mort ki li renonce au Messie Promis.*

Alors mo fine demande le sage quand premier fois li vine joine moi, couma li fine attirer vers moi et comment li fine accepter mo proclamation ?

Li répond : « *En sus de tous, c'est le Saint Coran ki fine dirige moi vers ou.* » Et li dire encore : « *Mo fine fini arrive à la conclusion ki ça période ki nous pé traverser là c'est ça période kot la majorité bane musulmans zot fine perdi Imaan, zot fine égarer, zot fine perdi zot stabilité, vigueur, et zot pouvoir. Sans doute, zot pou toujours appelle zot « musulmans », mais zot le cœur fine fini vine vide de vrai Imaan. Zot actions pas pou refléter du tout avec zot paroles (c-à-d zot pou faire bel bel discours sans ki zot mette en pratique – zot pou faire semblant être musulmans).*

*En sus de ça, mo trouver ki zot tous pé attaque l'Islam et ça fine vine très très sérieux et des milliers d'âmes, enfin pas capave compter, zot fine perdi zot chemin, zot fine tombe dans ene noirté de l'ignorance, comme si zot bane mort vivants. Vrai la foi et la crainte d'Allah ki Hazrat Mohammad<sup>(saw)</sup> fine faire ancré dans le cœur et l'esprit de so bane compagnons et suivants fine disparaître totalement. La vérité, la piété et la foi ki ça bane dimoune là ti acquérir, maintenant li ne plus exister. Quelques exceptions ki nous ena encore zot pas pé gagne aucaine considération de kikaine – pas prend zot compte, couma dire c'est zot ki vine bane rejetés de la société. Mo fine fini trouve ki la foi en Islam fine **mort** et quand fine arrive dans de tel état, mo conner ki ene Réformateur bizin apparaître et en fait, mo ti sans position et mo penser en moi-même ki le temps pé alle trop vite. C'est après ki mo fine tender ki quelqu'un de Qadian, dans province de Punjab, fine proclamé être le Messie Promis.*

*C'est avec grand grand difficulté ki mo fine réussi gagne ou livres et mo fine commence étudier zot avec beaucoup de soin et avec ene l'esprit ouvert. Ler là mo fine refère moi, mo fine prend tous ce ki ou pé proclamer, mo guetter si pas li en accord avec le Quran Shareef ou non.*

*Mais mo fine trouver ki chaque mot ki ou fine écrire li support entièrement par bane paroles d'Allah. Le point ki fine faire moi en premier pou accepter ou bane points de vue, c'était le Quran Shariff, ce ki Quran Shariff dire d'ene coté ki Jésus, fils de Marie, fine mort et ki jamais li pas pou retourner lors la terre. Et de l'autre côté ki Allah fine donne So parole, Allah fine faire la promesse à bane musulmans ki Allah pou continué envoye bane Successeurs et bane Réformateurs à chaque fois ki l'Islam pou décliné, pareil couma Li fine faire avec le peuple de Moïse.*

*Maintenant donc, ene de ça bane successeurs de Moïse là ti Jésus (as). Jésus ti le dernier des prophètes ki Allah ti élever parmi le peuple de Moïse et li pas ti permettre à Jésus pou li servi l'épée pou li prêcher,*

*similairement, ene successeur de ce type pou bizin vini dans bane jours à venir dans l'islam (Ça veut dire ki li bizin ressembler à Jésus, le Messie Promis). »*

Ena beaucoup d'autres dires, paroles de sagesse et de perspicacité ki mo fine tender de ça sage là. Ena mo encore rappelle ce ki li fine dire et ena parole ki mo fine oublier. Li fine reste avec moi pendant plusieurs mois et li fine tellement montrer beaucoup d'intérêts dans mo bane discours ki ler là li fine préférer pou reste avec moi ki li alle Hajj, en disant ki la connaissance passe au dessus de l'action et li dire encore : « *Moi mo deboute, mo soutenir ki la connaissance et la sagesse passe avant tout parceki ça même c'est la source de toute les forces pou nous la foi.* » Moi, de ma part, mo fine trouve li bien intéresser avec la connaissance et mo fine essaye pou expose à li, bane kitchose pou augmente so Imaan et mo fine explique li bane versets loi du Quran Shariff telle ki : 73:16.

*« Nous fine envoye ou ene Messenger, pou témoigne de ou actions, pareil couma Nous ti envoye ene Messenger à Pharaon. »*

Ça veut dire clairement ki Nous fini envoye zot ene Messenger ki pou ene témoin pou ou et li pou clarifier ou bane mauvais actions et ou bane faiblesse exactement comme Nous fine envoye ene témoin à Pharaon. Dans ça verse là Allah fine rode dire ki Li pou envoye ene série de successeurs dans le Ummat de Hazrat Mohammad <sup>(saw)</sup> pareil couma Li fine faire dans le Ummat de Moïse.

Donc pou établir ça similarité là, dans l'époque Moïse, li impératif ki Li bizin initier ça dans l'époque de Jésus et donc Jésus vine le dernier Messie dans ça dispensation là (dernier prophète Israélite).

Bane Mullahs (bane ki en connection avec la religion – bane soi-disant dimounes pieux) ki opposent nous, zot admettre ki dans le Ummah de Hazrat Mohammad <sup>(saw)</sup>, c-à-d l'islam, bizin commence avec prophète ki couma Moïse mais zot refuse pou admettre ki ça bizin terminer avec ene successeur couma Jésus. Dans ça l'optique là, zot refuse pou jette ene regard lors ce ki Quran Shareef dire à propos de ça.

Eski li pas vrai ki dans le Quran Shariff mentionner dans ça verse là : « *Couma Nous fine envoye bane Successeurs avant zot.* », ki ça système de « succession » dans l'islam li pou similaire couma dans l'époque Moïse ?

Donc, ça prouvé ki la ressemblance de Jésus aussi pou bizin apparaître quand islam pou arrive à la déclin. Et à cause avec bane preuves de similarité ki ena comme le début et la fin, ene similarité totale de tous deux li nécessaire pou établi. Dieu fine dire dans bane livres sacrés d'autrefois et li fine mette l'emphase bien lors ça deux similarités là tout comme li bizin aussi établi bane adversaires ki fine exister dans ça bane dispensations. Abu Jahl li fine réagir pareil couma bane Pharaon de Moïse et bane dimounes ki fine oppose le Messie zot aussi zot ressembler couma bane Juifs maudits.

Dans ça verset ki fine mentionné là nous comprend aussi ki le dernier successeur du Saint Prophète <sup>(saw)</sup> pou apparaître dans le temps kot pou ressembler l'époque quand Jésus ti ena pou apparaître après Moïse, c-à-d dans 14<sup>ème</sup> siècle après li. Le mot « *Kama* » donne la similarité du temps aussi.

Pou bane sectes Juifs unanimement d'accord ki Jésus fine faire so proclamation 1400 ans (14 siècle) après Moïse, quand même bane Protestants zot tenir ki Jésus fine annonce li même comme Messie, quelque années après et ça fine tombe dans 15<sup>ème</sup> siècle après Moïse. Mais zot point de vue (bane Protestants) pas fine tenir deboute devant verdict de bane Juifs. Même si nous accepter point de vue chrétien, quelque années là pas faire ça grand différence là. En fait, ça ti différence là aide pou prouve le point mieux.

Similairement, dans le cadre Islamique, couma nous fine vérifier dans le Quran Shariff bizin ena ça ressemblance de l'époque de Moïse dans tous points, ki so bon ki so mauvais. Ça fait là, li mentionner dans le Quran Shariff aussi.

Comme par exemple, en référant à bane Juifs, le Quran Shariff dire: « ... pou ki Li guetter couma ou agir. » (7:130), et dans ene l'autre place encore réfèrent aux musulmans Allah dire: « ... pou ki Nous guetter couma ou pou agir. » (10:15)

Dans tous les deux versets Allah pé dire ki Li pou envoye lors tous les deux la gloire de la religion et aussi le code civil après ler là Allah pou guetter couma zot comporte zot, si pas zot pé marche dans bon chemin ou non. Les même mots fine servi pou bane musulmans comme les Juifs.

Ki meilleur preuves ki nous bizin pou montrer ki Allah fine content bane musulmans tout comme li ti content bane Juifs et Li fine montrer ki ena musulmans – bane Ulemahs – zot coupable de zot actions ; c'est ene crime ki zot pé commettre pareil couma bane hommes religieux des Juifs ti commettre dans le passé et kot Allah So colère fine manifester lors zot couma mentionner dans surah « Al Fatiha ».

Unanimement, tous commentateurs d'accord lors le point ki Allah pé cause pou bane Juifs dans ça verset là : Bane ki fine déplaire Allah et ki fine gagne ene grand punition parceki zot fine renier Jésus et zot fine persécute li. D'après ça Hadith authentique là : Bane ki appelle la colère d'Allah, li réfère à bane Juifs ki fine attire la colère d'Allah dans ça le monde là. Le Saint Coran li aussi ene témoin au fait ki c'est bane Juifs ki ça peuple maudit là. Ça bane paroles là fine sorti de la bouche de Jésus même (as).

Donc, c'est certain et définitif ki bane mots : « *bane ki fine attire la colère d'Allah veut dire ki c'est bane Juifs ki ti faire tout pou tuer Jésus lors la croix.* »

Maintenant ki bane musulmans fine apprane ki bizin cherche refuge avec Allah au lieu de suivre le pas de ça bane Juifs ki fine attire la colère d'Allah ki ti rode tuer Jésus lors la croix. C'est ene point très claire pou bane musulmans aussi.

Si li pas ti comme ça, bé pas ti ena aucaine nécessité pou montrer ça qualité la prière là aux musulmans ?

Ça bane versets là fine établi parceki pou ena dans l'avenir est bane Mullahs musulmans, zot pou comporte zot pareil couma ça bane théologiens Juifs là. Pas ena aucaine raison d'être ou ene logique pou nous capave dire ki Jésus Fils de Marie pou descende depuis lors le ciel pou vine reforme ou regenère bane musulmans. Ça pou constitué ene violation claire et directe lors le Sceau des Prophètes.

Le Saint Coran cause lors le Saint Prophète <sup>(saw)</sup> comme le sceau des prophètes dans bane termes bien définis et fine décrire bane musulmanes comme les meilleurs de tous bane peuples.

Donc, li pou ene humiliation totale, le pire l'état ki fine dégénérer de bane musulmans ki zot pou vine pareil couma ça bane Juifs maudit là, mais zot dire ki ene Jésus bizin vini comme zot Réformateur pas parmi zot même mais en dehors. Si ça li vrai ki pou arrive ça le temps kot bane Mullahs musulmans pou suivre le chemin de ça bane Juifs maudits, donc li bien nécessaires et vrai ki ene Réformateur bizin vini pou reforme zot mais li pas pou vine en dehors de la communauté musulmane, li pou obliger être ene musulman ki pou appelle Jésus. (c.à.d li pou faire le travail de Jésus quand li ti vini 1400 ans après la Moïse).

Nous pas capave renier ki dans Quran Shariff et dans bane traditions kot pas fine colle l'épithète de « Juifs » lors quelques musulmans. Ça li évident dans le verset: « Bane ki fine attire So colère ».

Si bane musulmans pas ti pou marche dans le chemin de bane Juifs, Allah pas ti pou montrer nous ça duah là. Prend depuis le temps ki Allah fine commence envoye So bane livres, nous fine observer ki n'importe quand Allah donne ene l'ordre pou mettre ene point final à certains actes comme par exemple : Pas commettre l'adultère ; pas coquin, ou nous pas bizin suivre le pas de bane Juifs, ça bane actions ki fine empêche nous faire là, tout le temps entraîne ene prophétie ki pou ena dimouner ki pou commettre ça bane péchés et crimes là.

Pas fine ena aucaine moment kot Allah pas fine donne ene avertissement à ene peuple contre certains bane transgressions et kot dimoune fine abstenir zot méticuleusement contre ça bane transgressions là. Bizin ena ki pou commettre ça bane péchés là, kot Allah fini donne So l'ordre. A nous prend par exemple, le fait kot Allah fine donne l'ordre à bane Juifs pou pas falsifier le Tauraat. Mais zot fine dévier bane l'enseignement du Tauraat.

Au contraire à ça, Allah jamais pas fine mentionner dans aucaine place dans Quran Shariff ki Li fine empêche bane musulmans pou falsifié zot Livre Saint.

Au contraire, li fine faire la promesse: « *Pas éna doute, Nou fine envoye ça Quran là et Nous pou très certainement préserve li* » (15:10).

C'est ça la raison pourquoi le Saint Coran pas fine subir de toutes sortes d'interpolations ou de perversions (c.à.d, personne pas fine capave change ene ti alphabet ou mot ou cachette ene révélation, commandement d'Allah ; le Quran Shariff fine reste intacte jusqu'à aujourd'hui).

Donc, sans aucaine doute, quand Allah fine établi ene tradition, ene commandement pou So peuple, dans n'importe ki So bane livres, pou nous abstenir de bane actes sataniques ou pou accomplir bane bonnes actions, Allah ena dans So réserve de So connaissances infini ki pou ena dimoune ki pou désobéir So bane commandements.

Donc, quand Allah fine montrer nous ça duah dans Surah Al Fatiha, Li fine donne nous ene avertissement attention nous alle imite bane Juifs ki ti rode tuer Jésus lors la croix,

Li implicite ki dans So Connaissance Infini ki pou bizin ena ki pou assume le rôle de chef parmi bane musulmans, zot pou ignore la venue de Jésus de zot l'époque et à travers zot bane méchanceté, et zot mauvaises actions et intrigues, donc zot pou mette zot dans le rang de ça bane Juifs maudits là. Si ça pas pou arriver, bé pas ena aucaine raison d'être pou nous lire ça la prière là.

Li claire ki ça ne veut pas dire ki bane chefs religieux dans la religion de l'Islam zot pou vine dans même groupe religieux couma bane Juifs, et zot pou essaye pou crucifier Jésus ki fine déjà mort bien longtemps. Ni ça bane Juifs là aussi zot vivant aujourd'hui ni Jésus, fils de Marie.

Donc, li bien évident ki pou ena ça l'événement là dans le future, indiquer dans ça verset là et fine prédire ki dans bane jours à venir ki quelqu'un pou vini, pou apparaître dans le pouvoir et l'esprit de Jésus et ki bane musulmans, bane Mullahs musulmans de so l'époque pou persécute li et pou dénigrer et persécute li pareil couma bane Juifs ti persécute Jésus dans so l'époque – (L'histoire pou répéter !)

Ena bane traditions authentiques ki mentionner ki ça phrase « *vine couma bane Juifs* » veut dire ki pou ena bane grand grand Mullahs, Imams musulman kot zot aussi zot pou adopter ça chemin détestable et mauvais manière de bane prêtres Juifs dans le temps de Jésus.

Quand même zot pou appelle zot musulmans mais zot pas mieux ki bane Juifs ; zot le cœur pou ena trait de bane Juifs ki fine l'objet d'Allah So colère (c.à.d bane Juifs fine attire la colère d'Allah lors zot) parceki zot fine persécute Jésus.

Donc, li pas ridicule pou présumer ki bane musulman pou vine couma ça bane Juifs maudit là. Le Messie ki pou vine réforme zot pou apparaître et li pas pou dans zot cadre. Ça l'idée là li contraire au Quran Shariff.

Compare dispensation Mosaïque avec dispensation Mohammad <sup>(saw)</sup> veut dire ki bane musulmans dans tous bane façons, zot pou vine pareil couma ça bane Juifs là et zot pou suivre bane mêmes pas. En plus de ça, le

verset : « Pas bane ki fine attire To colère », ça montrer clairement ki bane musulmans pou moque et renier le vrai Messager ki Allah même pou envoyer à zot – *pareil couma bane Juifs*.

Non seulement zot pou renier li mais aussi zot pou rode tuer li et zot pou oppose li en appliquant tous bane moyens et la force ki zot posséder.

Alors c'est pour ça raison là ki zot pou être rappeller dans le ciel parceki zot fine attire la colère d'Allah pareil couma bane Juifs ki ti oppose Jésus et ki ti renier li, et aussi à cause zot mauvais comportement, l'épidémie de la peste fine envahir zot comme zot punition, et aussi zot fine détruire complètement par Titus le Romain.

Le verset : « Pas bane ki fine attire To colère », li alors, ene avertissement clair ki parmi bane opossants là, ena ki Allah pou puni dans ça le monde là même, parceki le Jour du Jugement tous bane incroyants pou gagne la colère d'Allah et So mécontentement ki pou lors zot.

Alors, ki la raison pou ki faire Allah fine appelle zot comme « bane maudits » particulièrement ça bane Juifs ki ti essaye tuer Jésus lors la croix ?

Nous bizin rappelle ki fine appelle zot, fine définir zot comme « *bane ki fine attire la colère d'Allah* », parceki la colère d'Allah fine attrape zot dans ça le monde ici-bas là même ; et c'est pou ça raison là ki bane musulmans fine enseigner dans Surah Al Fatiha couma pou prier pou ki zot pas alle suivre bane façons de ça bane Juifs là.

## HUITIÈME PARTIE

En fait, ça ti ene prophétie ki montrer clairement quand le Messie musulman pou vini, alors ene modèle de ça bane kalité Juifs là pou né parmi zot (bane musulmans) et zot pou attire la colère d'Allah lors zot tandis ki zot encore pé reste lors ça la terre là.

Ça duah ki fine citer (plus là-haut) là, donc, li signifié ki fine destiner ki ene Messie pou né de parmi zot même et pou ena bane ki ressembler bane Juifs là, ki pou oppose li, et ça bane Juifs là c'est bane lors ki la colère d'Allah fine tomber dans ça le monde là même. Donc, prier pou ki ou pas tombe dans ça catégorie Juifs là, bane Juifs maudits.

*C'est ene avertissement ki tous bane Ahmadis et d'autres musulmans des autres sectes bizin prend bien en considération :*

*« Pas vine couma bane Juifs et Chrétiens quand chaque fois ki Allah pou avoye so Messager ».*

*Ene dans bane plusieurs raisons ki fer nous bizin lire le Surah Al-Fatiha dans chaque Namaz ki nous fer par jour. Hazrat Mirza Ghulam Ahmad<sup>(as)</sup> demande nous pou pas tombe dans catégories Juifs, bane Juifs maudits.*

## NEUVIÈME PARTIE

Nous bizin rappelle aussi ki chaque incroyant zot aussi zot pou subir le mécontentement d'Allah le Jour des Comptes.

Mais dans ça contexte là, mécontentement veut dire punition ki bane coupables pou subir dans ça le monde là même ; ce ki veut dire ki, bane Juifs ki ti persécute Jésus et ki d'après le Quran Shariff, Allah fine maudit zot (ça bane Juifs là) et ensuite zot fine gagne zot punition dans ça le monde là même. Zot fine être détruit premièrement par la peste et bane ki ti survivre zot fine détruit et fine repousser et fane-faner par Titus, le Romain. Donc, bane mots : « *pas couma bane ki fine attire la colère d'Allah* », applique pou ça section de bane musulmans ki pou suivre les pas de ça bane Juifs là et ki pou renier le Messie ki pou apparaître avec le pouvoir et l'esprit du Messie ki fine vini avant et li pou ni entame bane la guerre sainte ni pou prend l'épée mais li pou plutôt prêcher et propage l'enseignement sacré par bane signes du ciel, et en sus de ça, le temps zot pou renier ça Messie là, là aussi pou ena l'épidémie de la peste ki pou propager et tout ce ki bane prophètes ki ti vini avant fine prédire pou arriver, pou accompli.

*Ici, Hazrat Mirza Ghulam Ahmad<sup>(as)</sup> pé cause pou bane ki rejette le Messenger d'Allah. Hazrat Mirza Ghulam Ahmad<sup>(as)</sup> li pé réfère so cas personnelle ici, parceki li fine vini comme le Messie de so létemps kot li fine vini pou résoudre pas mal de malentendu, de croyances futiles parmi les hindous, chrétiens et bane musulmans. Li fine réfère li au dernier verset du Surah Al Fatiha, ene verset ki pou reste vivant jusqu'à Jour du Jugement.*

*Donc li pé fer comprend ki n'importe quand Allah avoye So Messenger et qui dimounes rejette li, moque de li, apporte doutes lor so bane révélations, martyrise li tout comme bane juifs ti fer avec zot bane Messagers, surtout Jésus<sup>(as)</sup>, alors Hazrat Mirza Ghulam Ahmad<sup>(as)</sup> pé expliquer ki nous bane ki trouve dans Islam, faut dé pas ki nous aussi nous comporte nous pareil couma ça bane chrétiens et Juifs ki fine martyrise zot prophètes et bane chrétiens zot, zot fine rejette le Sceau des prophètes (Hazrat Mohammad<sup>(saw)</sup>). Ainsi Hazrat Mirza Ghulam Ahmad<sup>(as)</sup> pé attirer l'attention bane musulmans ki pas rejette li car li fine vini comme le Messie Promis. Après tant d'explications détaillés ki Hazrat Mirza Ghulam Ahmad<sup>(as)</sup> fine donne nous dans ça livre là, ça aussi pé fer nous comprend ki n'importe quand Allah avoye So Homme Choisi, Hazrat Mirza Ghulam Ahmad<sup>(as)</sup> pé montrer nous ki jamais nous bizin rejette li car li fine vini pou redresse l'humanité dans le droit chemin.*

*Pareil couma ti ena la peste dans so létemps ki ti ene signe manifeste pou prouve so véracité, dans nous l'époque aussi, voila ki en l'an 2004, Hazrat Muhyi'uddin Munir Ahmad Azim le Messie de cette époque ti gagne révélations lor bane ravage de Virus, ena ene là-dans ki pou incontrôlable et mortel.*

*Donc, nous fine témoigne La Grippe Aviaire, Chikungunya etc. Et de nos jours en 2009 nous pé fer face à ene très grand fléau kot plus ki 29,000 personnes fine contaminé (avec quelques centaines de morts) avec **FLU A H1N1** (et ki péna so remède immédiat) ki vine de porc. Et aussi à Maurice nous pé aussi témoigne la profanation de la fièvre Dengue, et 75 cas fine enregistrer officielle, et ena des milliers ki pé souffert d'Influenza ki pour le moment péna so antibiotique, et pé bizin donne bane les autres antibiotique pour calmer un petit peu ça souffrance là.*

*Plusieurs pays du monde (ki fine contaminer avec le Virus A H1N1) zot en folie et zot pé rode bane solutions pou arrête ça. Donc nous pé suivre l'événement, et nous guetté ki résultat.*

*Donc, nous remarquer ki avec tant de calamités et de catastrophes, ça annonce ki ene Messenger de Dieu fine apparaître... A nous de le chercher, mes chères sœurs et frères du monde entier... Li aussi, li pas pou vine avec bombes, canons, l'épée, ou armes nucléaires pou force ou pou croire dans ene seul Dieu et So Rassool ; li aussi li pou et pé servi so plume et so la langue pou prêcher à travers so bane discours et so website pou fer dimounes comprend et suivre le droit chemin. L'adresse de so Website c'est : <http://www.jamaat-ul-sahih-al-islam.com> :-*

*Li aussi pé propage l'enseignement sacré par bane signes du ciel, et en sus de tous ça, le temps zot tous pou marier piquer pou renier ça Messie là, ler là ki Dieu pou manifester So colère la plus terrible pareil couma tous bane prophètes ki fini vini avant l'avènement de l'Islam kot tous ce qui zot ti prédire pou bizin arriver, pou bizin accompli.*

Ça l'impression ki ena ki c'est **le même Jésus fils de Marie**, pou paraître dans bane derniers temps li le contraire à bane l'enseignements du Quran Shariff. N'importe ki pou étudier le Quran Shariff avec la crainte d'Allah dans so le cœur et li réfléchi profondément lors chaque parole d'Allah avec beaucoup de sagesse et avec ene l'esprit ouvert, zot pou bizin trouve la vérité comme la lumière du jour et zot pou admettre ki Allah fine élève bane musulmans vraiment parallèle à bane suivants de Moïse et tous bane bons points, tous bane bons arguments zot corborer ene à l'autre.

Parmi bane musulmans pou ena bane ki ressembler bane prophètes dans dispensation Mosaïque, par contre, pou ena aussi bane ki pou ressembler, bane prototypes de bane Juifs ki fine attire la colère d'Allah lors zot. Nous capave faire ça comparaison là pareil couma ene la caze ki fine bien faire so plan avec bane chambres meublées ki pou d'après le goût d'ene dimoune de haute culture et dans ça même la caze là, ene portion fine réserver pou toilettes, gouttières, drains et égout. Un peu plus tard, propriétaire la caze là envie alle construire ene l'autre la caze pareil couma premier là. Islam, li pareil couma ça deuxième la caze là. Tandis ki premier la caze là ti vraiment la maison de Moïse, le nouveau palais, cependant, li indépendant de ça premier la caze là.

Le Saint Coran li pas besoin aucaine l'assistance du Tawraat, ni la dispensation de Islam dans aucaine façon li dépendant de la dispensation de Moïse

Tout homme pieux et exalté ki fine né parmi bane musulmans, li gagne so la lumière et guidance directe à travers le Saint Prophète <sup>(saw)</sup>, et bane révélations ki li recevoir, zot toujours ene réflexion de bane révélations du Saint Prophète <sup>(saw)</sup>, so maître.

Ça c'est un point ki nous bizin comprendre et bien digérer. C'est ene grand pitié ki nous trouve nous bane opposants zot pé traîne Jésus, zot pé ramène Jésus lors ça la terre là et zot refuser catégoriquement pou réfléchi ki la ressemblance ki mentionne là-haut, Islam li seulement jouir ça fierté de similitude et li pas souffert l'humiliation d'être dépendant d'ene prophète Israélite pou so renaissance.

En sus de tout ça, li très absurde pou nous mette l'emphase lors ça croyance là car li pas ena aucaine précédent ni ena argument ki supporte ça l'idée là dans le Quran Shariff.

Couma mentionner dans Quran Shariff, bane incroyants zot fine demande le Saint Prophète <sup>(saw)</sup> pou monte au ciel avec so le corps physique, mais Allah fine rejette ça demande là et fine commande li pou dire : « *Saint est mo créateur, mo seulement ene dimoune et ene prophète.* » (17:94). Eski Jésus pas ti ene homme ? Ki faire fine bizin enlève li au ciel, sans ene requête de so peuple et compatriote ?

Le Saint Coran mentionne seulement « *ene élévation vers Allah* » ki veut dire ene concepte spirituel, li pas veut dire ki fine enlève li physiquement au ciel, « *être enlevé physiquement au ciel.* »

Bane Juifs zot, zot contente zot avec l'idée ki tous dimoune ki mort lors la croix, pas capave exalté par Allah parceki li exalte juste bane prophètes. Ça c'est zot contentement ki bizin réfuté.

Comment le Saint Coran fine réfute zot, zot point c'est ki bane Juifs zot proclamé ki zot fine apendant Jésus lors la croix et zot fine crucifier li. Zot insister ki comme Jésus fine mort lors la croix, donc jamais li pou capave être exalter (honoré d'ene rang élevé) par Allah.

Donc, li pas couma tous bane les autres prophètes, ene dimoune honoré. Zot proclamé ki li ti ni ene vrai croyant ni li ti atteindre le salut. Li nécessaire pou ki le Quran Shariff bizin juger comme ene arbitre et donne so verdict lors ça sujet là.

Donc, le Quran Shariff fine donne so verdict lors la et li déclare ki Jésus aussi, comme tous les autres prophètes ti exalter par Allah. Li très très important ki le verdict lors ça sujet là, bizin vine de coté d'Allah.

Si Allah pas fine donne So verdict lors ça sujet là dans bane versets, à kot ça Li fine régler ça problème là ?

Ki Allah nous pardonne, est-ce que nous capave possiblement attribué ene telle confusion ou ene mal jugement lors ça sujet là lors Allah et ki bane Juifs pé insister et zot maintenir ki Jésus jamais pas ti ene homme de Dieu du tout, ki Allah fine donne ene verdict insensé ki Jésus pé assisé dans 2<sup>ème</sup> ciel avec so le corps physique ?

Universellement li connu ki le corps physique tel quel couma li été lors la terre (corps terrestre) jamais pas pou capave monter au ciel. Ça li pas ene condition du salut d'ene dimoune. Juste l'exaltation spirituelle ki le critère essentiel. Pou nous résourdre ça discussion là, li nécessaire pou mette l'emphase ki Jésus pas ti ene dimoune maudit – ki Allah pardonne moi. Au contraire li fine atteindre l'exaltation spirituelle.

En sus de tous ça, le mot « *Tawaffi* » (donne li la mort) dans le Quran Shariff, ki fine placer devant le mot « *rafa* » (élevé) montrer clairement l'exaltation ki chaque croyant atteindre après so la mort. Pou interprète le mot « *Tawaffi* » comme monter au ciel avec le corps terrestre, ça pé dépasse tous limites lors so signification, et li très grave kot zot pé donne ene mauvais interprétation du Quran Shariff, en suivant les même manières de bane Juifs.

Le mot « *Tawaffi* » fine servi dans Quran Shariff tout comme dans bane traditions authentiques ki veut dire : retire l'âme de ça le corps terrestre là (donne li la mort). Pas ena aucaine place kot sa mot là fine servi ki ene le corps terrestre vivant fine monter au ciel.

Si nous accepter ça interprétation de nous opposants, nous pou bizin admettre aussi ki la mort de Jésus pas fine mentionner du tout dans aucaine place dans Coran Shariff et ki li pou vivre éternellement, parceki kot le mot « *Tawaffi* » fine paraître en aspect pou Jésus, sa veut dire ki sa mots la pou donne la signification : « élever au ciel avec so le corps physique »

Comment nous pou prouve so la mort alors ?

Si nous accepter ça interprétation de nous bane opposants, nous pou bizin admettre aussi ki la mort de Jésus pas fine mentionner du tout dans aucaine place dans Quran Shariff et ki li pou vivre éternellement ; parceki kot ena le mot « *Tawaffi* » fine paraître pou Jésus, ça veut dire ki ça mot là pou donne la signification : « *élever au ciel avec so le corps physique* ». Couma alors nous pou prouve so la mort ? Si li ti possible ki dimoune descende physiquement lors ça la terre là pou ene deuxième fois, ki faire Allah ti bizin place Jésus dans ene mauvais position devant bane Juifs ?

Quand li fine faire so proclamation ki li même ça Messie ki fine vine parmi zot, bane Juifs fine rejette li parceki zot dire ki dans zot livre de Malachie fine mentionner ki le Messie pou paraître zis après la deuxième venue d'Élias lors la terre. Zot fine disputé entre zot ki Élias pas encore descende depuis le ciel, zot pas fine être préparer pou accepter so (Jésus) proclamation comme le Messie.

So réponse c'est que Jésus fine dire ki Jean, ki bane musulmans appelle li Yahya, ki li même ça Élias ki fine promette pou retourner parmi zot.

En entendant ça qualité réponse là, bane Juifs fine gagne grand colère, grand la rage et partout zot fine dénonce li, zot appelle li comme ene imposteur. Depuis ça l'époque là zot fine dénonce li dans tous zot bane livres. Ena livres ki mo encore ena en mo possession, zot dire si Dieu ena pou demande zot le Jour du Jugement, ki faire zot fine rejette Jésus, zot pou montrer zot ou livre Malachie et zot pou montrer Dieu et zot pou dire : « *Mo Seigneur, Toi To fine dire nous clairement ki tanque ki prophète Élias pas redescende lors la terre encore ene fois, le Messie de bane Israélites pas pou apparaître. Élias jamais pas fine vini. Donc nous refuse pou accepter ça dimoune là. Jamais pas fine dire nous ki « à moins ki ene quelqu'un pareil couma Élias pou paraître, l'avènement du vrai Messie jamais pas pou arriver. Définitivement nous, nous dire ki la*

2<sup>ème</sup> venue du même Élias, la même personne, sans ambiguïté ki li bizin précède l'apparition du Messie, et ça jamais fine arriver. »

Ça Juif instruit ki mo ena so livre en mo possession là, li fine prend ene grande fierté dans ça argument là et li pé faire ene appel au public, ene fois pou toute, li dire : « *Eski quicaine capave accepter n'importe ki pé prétende et ki base so proclamarion seulement lors so interprétation personnelle et sans aucaine raison valable li pé présente so mentor John (Yahya) comme Élias ?* »

L'auteur ler là fine enflammer de colère et li fine cause Jésus dans ene façon tellement dégradant, li fine tellement dénigrer li ki li difficile pou mo écrire so bane paroles. Si le Quran Shariff pas ti être révéler, bane Juifs ti pou justifier zot bane arguments ki zot fine avancer ; parceki en réalité le livre de Malachie pas fine mentionner ki ene dimoune couma Élias pou apparaître avant la venue du Messie. De l'autre coté, fine dire clairement ki la réapparition d'Élias avant l'avènement du Messie ti absolument nécessaire.

Avec ça bane circonstances là, bane Chrétiens zot, quoique ki zot fine associer Jésus comme Dieu, zot pas capave même prouve ki li ti ene vrai prophète. Bane Juifs paraître ki zot tenir zot l'opinion ferme.

Donc, bane Chrétiens zot sous ene grand obligation pou dévoile la vérité du Quran Shariff ki Jésus, en fait, li ene vrai prophète de Dieu.

Reste encore pou réponde ki quand livre Malachie fine mentionner clairement ki aussi longtemps ki Élias pas descende, le Messie ki fine promette aux enfants d'Israël pas pou capave apparaître dans ça le monde là ; donc, couma se fait-il ki bane Juifs, d'après ça affirmation là, zot à blâmer quand zot fine rejette Jésus et ki zot fine déclarer ki li ene imposteur, ene rébelle et ene athée?

Eski ça pas refléter zot l'honnêteté de zot l'intention ki zot pé conforme zot avec bane paroles de Malachie ki ene dimoune « semblable à Élias » pou apparaître ? Donc, la proclamation de Jean le Baptiste comme « semblable à Élias » li pas vaut la peine à être discuter.

La réponse c'est ki bane Juifs conne parfaitement très bien ki li pas ene pratique d'Allah pou retourne ene dimoune lors la terre ki après avoir ki li fine mort. Ene retour physique lors la terre li quelque chose absolument hors de question. C'est ki Li fine dire dans le livre de Malachie li seulement ene façon de parler, pareil couma beaucoup de choses mentionner métaphoriquement dans bane l'écritures. Bane Juifs zot pas étrangers à ça bane qualités paroles métaphoriquement là. En sus de ça, Jésus ti ena tellement de signes de Dieu comme so support.

Tout ça ti fourni suffisamment de preuves pou bane dimounes ki réfléchi pou reconnaître li comme le Messie et pou accepter li.

Mais, bane Juifs fine vine de plus en plus, rempli de méchanceté. Zot fine bizin témoigne la lumière ki tout le temps accompagne bane vrais serviteurs de Dieu, mais malgré ça, zot fine vine plus tété, plus avare et plus cruel.

Nous bizin mette dans nous la tête ki ça explication ki fine mentionner là-haut là ti capave seulement faire en faveur de bane Juifs tout seul, ki ti bizin faire face ene telle dilemme (problème) pou la première fois.

Mais bane musulmans, si zot ti ena la crainte d'Allah, zot ti pou sauver de telle épreuves parceki le Quran Shariff fine déclarer clairement ki Jésus fine mort. Et fine explique clairement dans Surah Al Maidah ki Jésus jamais pou retourner lor ça la terre. Bane mots « Kan To fine donne moi la mort » démontrer ki quand pou demande Jésus, le Jour du Jugement, si pas ti demande li pou ordonne so peuple pou adore li et so mama comme deux bon dieu. En réponse, Jésus fine réponde : « *Gloire à Toi. C'est pas possible qui mo fine dire ce qui mo conner pas vrai. Si mo ti dire ça To ti va conner. To conne ce qui ena en moi mais mo pas conne ce*

*qui en Toi. C'est Toi qui conne tous secrets. Mo ti dire zot seulement séki To ti ordonne moi, c'est-à-dire – Adore Allah, ki Li même Mo Maître et ou Maître. Mo capave témoigne lor ce qui zot fine faire pendant ki mo to parmi zot, mais quand To fine donne moi la mort, c'est Toi ki fine surveille zot. »*

Couma mo pou capave conne zot conduite quand mo ne plus parmi zot ?

Maintenant, si nous ena pou prend ça argument ki Jésus ena pou rédéssane lors ça terre là avant le Jour du Jugement comme vrai et ki li ena pou vivre ici lors la terre pendant 40 ans et li bizin engage li nek bizin craze tous la croix et bizin la guerre contre bane chrétiens, couma li possible ki li pou dire Allah le Jour du Jugement ki li totalement pas au courant ce ki bane chrétiens fine adopter comme zot la foi principale après ki li fine mort ?

Si li ti dire ki li pas conner, en fait ler là, li le plus grand menteur du monde.

Si li redescend lors la terre ene 2<sup>ème</sup> fois et li trouve bane chrétiens croire dans li comme Dieu et zot pé adore li (prier li) et ki li fine leve tôle contre zot pou ça raison là, bé couma li pou possible pou dire Allah Le Tout Puissant ki jamais li pas conner ki so peuple ti faire ? Ki sanlà ki capave être le plus grand menteur ki li ?

So réponse correct, li bizin coumsa : *« Oui mo seigneur, mo bien conscient de sa déviation de bane chrétiens la, zot fine denier du droit chemin, parceki lors mo deuxième venue lors la terre, mo fine reste avec zot encore 40 ans et mo fine craze tous la croix. Donc, mo pas redevable parceki quand mo fine trouve zot fine vine polythéistes (adore bane lé zot idoles avec Toi) mo fine tout de suite tourne contre zot. »*

De ce fait, en situation ki Jésus fine retourne lors la terre pou la 2<sup>ème</sup> fois et ki li fine reste là pendant encore 40 ans avant le Jour du Jugement, et ki li fine inflige à tous bane ki ti prend li comme Dieu, ene punition, ça qualité question de Dieu là li pou vraiment ridicule.

Si li ti dans la connaissance de Dieu ki Jésus fine fini puni so peuple à cause zot fine prend li comme Dieu, donc li pas dans la nature de la dignité de Dieu pou pose ene question sans fondement.

Brièvement, si ça qualité guidance positif là trouve dans le livre de Malachie pareil couma Allah fine donne bane musulmans guidance ki Jésus fine fini mort et ki jamais li pou retourner – mais ki ene dimoune « semblable à li (Jésus) » pou définitivement vini – bane Juifs jamais ti pou arrive à sa finition terrible là.

Donc, tous ce ki pé encore attend la 2<sup>ème</sup> venue de Jésus, zot pire ki bane Juifs ki ti exister dans le temps de Jésus, surtout après avoir ki zot fine gagne tous ça bane indications là dans la parole de Dieu.

Nous bane Maulvis (Mullahs) zot fine mal dirige bane dimounes ordinaires en disant ki quand même le Quran pas fine claire lors ça sujet là, ena suffisamment preuve ki ena dans Hadith du Saint Prophète <sup>(saw)</sup> ki supporte concept ki Jésus pou révini lors ça la terre là encore. Mais nous très certainement pas conner si nous pou trouve bane telle preuves dans ça bane traditions là ki pou supporte l'idée ki le même Prophète Israelite, ki so nom Jésus et ki li ti recevoir l'évangile, si pas li pou capave révini en personne encore, en faisant face à ça fait là ki c'est le Saint Prophète <sup>(saw)</sup> ki le *Khatam-al-Anbiya* (Sceau de bane Prophètes).

## DIXIÈME PARTIE

Si quelqu'un choisit pour être dirigé par seulement le nom de « Jésus » ou « Fils de Marie », nous bizin rappelle ki dans Surah At-Tahrim du Quran Shariff, bane dimoune de parmi les musulmans fine aussi appelle zot comme « Jésus » ou « Fils de Marie ». Parceki quand Allah fine faire deux-trois dimoune ressembler couma Marie et puis Li mentionner Li fine insufflé So l'esprit, li claire ki c'est l'esprit de Jésus ki fine insufflé dans Marie. Ça ene indication ki ene dimoune depuis la communauté musulman en tenant compte d'ene pouvoir inhérent de piété et de droiture, bizin vine métaphoriquement Marie et puis plus tard li développer en Jésus, exactement pareil couma Allah ti appelle moi « Marie » (Maryam) ki mo fine mentionner dans mo livre Braheen-é-Ahmadiyya et plus tard fine mentionner ki Li fine insuffler So l'esprit dans moi et finalement Allah fine choisir moi et appelle moi **Jésus**. Bane Hadiths mentionne clairement ki durant la nuit du Mirâj (l'ascension spirituelle), le Saint Prophète <sup>(saw)</sup> fine trouve Jésus parmi bane l'âmes de bane dimoune (prophètes) ki fine morts.

*Tout comme Hazrat Mirza Ghulam Ahmad <sup>(as)</sup>, Allah fine appelle li par Mariam, Hazrat Muhyi'uddin Munir Ahmad Azim aussi fine gagne ça titre là car li aussi li fine vini pou accomplir so devoir comme ene Messie kot Allah ki insuffler So l'esprit dans zot et finalement Allah choisir zot comme les Réformateurs et appelle zot Jésus.*

Puis le Saint Prophète <sup>(saw)</sup> fine alle plus là haut ki ça et fine atteindre le point le plus élevé du ciel, c.à.d le Trône d'Allah. Mais li pas fine joine aucun être avec ene le corps physique ki porte le nom de « Jésus ». Celui ki li fine trouver dans compagnie Yahya (Jean le Baptiste) ti seulement so l'âme (Jésus so l'âme). C'est ene fait ki nous bizin admettre ki dimoune vivants pas reste en compagnie de bane morts.

En bref, la parole de Dieu fine présente bane preuves concernant la mort de Jésus, et le Prophète <sup>(saw)</sup> fine faire ça même évidence corroborer à travers so propre action, c.à.d en rapportant le fait ki li fine trouve Jésus parmi bane morts. Si personne pas pé rode comprend même jusqu'à maintenant, après avoir ce ki mo fine dire, donc c'est juste Allah ki capave faire li comprendre.

Bane musulmans fine gagne meilleur guidance ki bane Juifs et zot plus conner certainement ki ce n'est pas la façon de Dieu pou ré-envoye ene mort lors la terre. Si ça ti pou coumsa, nous ti pou très certainement plus préférer pou ré-gagne nous Aka, nous Maître le Saint Prophète <sup>(saw)</sup> parmi nous, parceki le monde bizin li plus ki n'importe ki sanlà. Ça c'est ene point ki mérite beaucoup plus d'attention. Ki faire Allah alors pas fine envoye Élias lors la terre pou quelques jours, si ça la porte là ti ouvert ? Ça ti pou sauve des millions de Juifs depuis du feu l'enfer.

À la fin, c'était Jésus ki fine explique ça mystère là et li fine dire ki revine lors la terre veut dire ki vine dans le pouvoir et l'esprit de ça personne décédé là. Ça interprétation ki li fine donner là, nous capave encore trouve ça dans le Nouveau Testament.

Donc, li pas d'après croyance bane dimoune sage et sensé pou marche lors chemin ki fine êtres prouvé ki zot amène vers la mort (spirituelle) et zot bien dangereux, et aussi pou réfaire revivre bane l'idées ki fine déjà régler depuis bien avant.

Ki bane Juifs gagner dans zot têtî (obstination) excepter la ruine et la perte ? Ki bane musulmanes espérer pou gagner en emboitant le même chemin ki fine casser ? Ki faire zot pé calculé pou rentre dans même trou dans ki bane grandes nations fine rentré avant, kot zot fine gagne battu et zot fine mort ? Ki faire zot pas oulé pense aux paroles du Prophète <sup>(saw)</sup> ki ene vrai croyant jamais faire ça erreur pou gagne battu deux fois depuis ça même trou là ?

Li paraître ki zot fine oublier ki zot ena pou faire face avec la mort ene jour. Ki faire zot pas alle réfléchi lors chapitre du Quran Shariff ki zot répéter dans zot Namaz 5 fois par jour: « *bane ki pas fine attire To colère, ni bane ki fine égarer?* »

Ki faire zot pas fine penser lors l'événement ki fine arriver tout de suite après la mort du Saint Prophète <sup>(saw)</sup> kan quelques compagnons ti commence penser ki zot maître pou retourner ?

Mais (Hazrat) Abu Bakr tout de suite fine récite avec zot ene verset Quran ki tout de suite fine déracine ça pensée là de zot la tête : « *Mohammad <sup>(saw)</sup> li nek ene Messenger et tous bane Messagers avant fine mort.* »

Li fine mette ça parfaitement clair devant zot ki pas fine ena ene seul prophète ki pas fine goûte la mort et donc, si le Saint Prophète <sup>(saw)</sup> fine mort aussi, c'est ça même la façon normal et naturel, le cours de tout être humain.

Donc, li bien évident ki bane compagnons du Saint Prophète <sup>(saw)</sup>, même ce ki ena la plus petite connaissance concernant Jésus ki li pé assiser vivant dans le ciel pendant 600 ans, sûrement zot bizin discute lors ça sujet là avec (Hazrat) Abu Bakr. Mais zot tous fine reste tranquille et zot fine d'accord avec li.

Zot ti conner ki tous prophètes avant li fine passe par la mort. Même si ena ene seul dimoune fine contente li pou ena la moindre doute concernant ça topic là, li ti pou abandonne ça l'idée là comme totalement sans fondement et absurde. Mo pé mentionne ça seulement parceki bane chrétiens dans les avoisinages ki fine capave mette ça qualité doute là dans so l'esprit. Ou ena bane dimounes ordinaire ki manque bane arguments raisonnable, zot ti pou capave ena bane malentendu et bane doutes.

Mais quelque chose de sûr, certain et défini ki bane compagnons, globalement, zot accepter l'exhortation de (Hazrat) Abu Bakr avec grâce et zot tous un unaniment fine d'accord avec li ki tous prophètes avant li fine bizin passe par la mort.

Ça même le premier consensus de bane compagnons du Saint prophète <sup>(saw)</sup>, immédiatement après so la mort. Comment zot fine capave accepter ça l'idée là si vraiment zot pas ti entièrement dans la vérité, zot ki ti ena l'amour et l'affection le plus plus pure de zot maître ?

Comment zot pou digère ça l'idée ki Jésus pé bizin vivant dans le ciel plus ki 600 ans, et ki zot noble maître pas fine même atteindre l'âge de 64 ans ? Non, li inacceptable totalement ki la suprématie de Jésus dépasse zot noble maître. Ça l'amour ki zot fine chérir pou zot noble maître bien-aimé là, zot pas capave accepter ki Jésus ena ça supériorité ki le prophète <sup>(saw)</sup> ena là. Alors ça notion ki dégrade le Saint Prophète <sup>(saw)</sup> li bien maudit.

So bane compagnons ti pé chérir li beaucoup ; zot ti bizin gagne le plus grand choc quand zot fine tende la mort de zot noble maître <sup>(saw)</sup> et ki Jésus li, li pé encore assisé vivant dans le ciel. Pas juste so bane compagnons ki ti content li, Allah même ki ti plus content li ; Allah ti content li plus ki n'importe ki les autres prophètes.

Pou ça raison là, même ki bane chrétiens, à cause de zot malchance, zot pas fine accepter le Messenger d'Allah <sup>(saw)</sup> et zot fine tellement exagérer lors la suprématie de Jésus à l'extrême ki voila zot fine élève li lors rang de Dieu Li-même.

Donc, Allah Li aussi Li réagir, Li élève ene de So serviteurs du Saint Prophète <sup>(saw)</sup>, de parmi So bane suivants. Cet être ki bien humble, à ene position, à ene rang pareil ki Jésus et fine distingue li avec plus grand honneur et grâce coumsa bane chrétiens capave réaliser ki tout grâce trouve dans le pouvoir d'Allah.

Ene l'autre but ki Allah fine bizin élève ene l'autre ki ressembler Jésus, fils de Marie, c'est ki pou crase complètement ça doctrine pou faire Jésus vine ene divinité (bondié ensam avec Allah).

Ça concept ki ene dimoune alle dans le ciel vivant li totalement oppose Allah So façon de faire et li pareil couma dire bane Anges fine descende dépi lors le ciel et fine installe zot parmi bane humaines. *Jamais to pou trouve ene changement dans Allah So façons de faire.* (33:63)

Ça bane dimoune ti l'esprit là zot pas réfléchi lors le fait ki kan fine mette Jésus lors la croix, so mission fine reste intact, pas fine être accompli parceki ça dix tribus égarés de la maison d'Israel zot toujours fine reste éparpillés partout, partout dans les autres pays et zot pas même conner ki sanlà Jésus été. Couma l'attitude de Jésus li étrange ki li fine mette so mission dans ene coin et li allé et li alle installe li dans le ciel.

Et li encore beaucoup plus étrange encore ki dans bane écritures de bane musulmans, fine décrire Jésus couma ene grand voyageur. Mais li supposer fine monter dans le ciel après avoir ki li fine faire so dawa, prêcher pendant que trois ans, dans et autour so la ville natale.

Li bien évident ki Jésus comme étant ene dieu li basé zis lors bane fausses croyances. Ki pou arriver quand d'après ça doctrine là, li pou descende depuis lors le ciel accompagné de bane anges ; ça li zis ene supposition.

Rappelle, celui ki fine destiner pou vini, fine vini dans l'heure ki fine destiner pou li vini et donc tous ce ki ti ena dans bane écritures fine fini réaliser. Tous bane livres des bane prophètes avant indique ki fine arrive grand temps de l'arrivée de la 2<sup>ème</sup> venue de Jésus. Zot bane livres dire ki le Messie Promis pou paraître à la fin 6<sup>ème</sup> Millenium après Adam. 6<sup>ème</sup> Millenium fine fini arrivé. L'apparition d'ene comète aussi fine mentionner comme ene signe de so venue. Ene temps considérable fine fini passer depuis ça z'étoile là fine paraître dans le ciel. Fine aussi mentionner ki dans so l'époque pou ena l'éclipse soleil et la lune pendant ene mois de Ramadhan. Quelques années de cela, ça prédiction là fine fini réaliser.

Et li mentionner aussi ki dans l'époque du Messie Promis, la peste pou propagé. Ça li mentionné aussi dans l'évangile. Nous toujours pas encore débarrasser de ça l'épidémie là.

Le Saint Coran, bane livres traditions et bane écrits anciens aussi mentionner ki dans so l'époque bane nouveaux moyens de transport pou populaire et ki zot pou marcher avec du feu et bane chameaux pou démoder. Ça dernier partie de ça Hadith là trouve aussi dans Sahih Bukhari. Ça transport là fine inventé et fine connu couma train lors raille. Li mentionner aussi ki le Messie Promis pou apparaître au début de ça siècle là.

## ONZIÈME PARTIE

Tous bane ki renier moi après avoir ki li fine témoigne tous ça bane signes là, en fait zot pas pé renier moi mais zot pé renier tous bane les autres prophètes avant moi et ki pé rode la guerre avec Dieu Le Tout Puissant. Li ti pou préférable si ene telle dimoune coumsa pas ti vaut la peine li née lors ça la terre là.

*Renier ene Messenger de Dieu veut dire renier tous les autres prophètes ki fine vini avant. Donc de tous temps ça pou arriver, dans n'importe ki générations jusqu'à Jour du Jugement ; li coumsa pareil couma Hazrat Mirza Ghulam Ahmad<sup>(as)</sup> pé dire dans so livre. Quand ou renier ene Messenger, li claire ki ou pas pé renier Messenger là – En fait, c'est que ou pé renier Allah, ou fine rentre en conflit avec Dieu, Le Tout-Puissant et guette ki Hazrat Mirza Ghulam Ahmad<sup>(as)</sup> dire quand ou tombe dans ça catégorie dimoune là ki « pas vaut la peine li née lors ça la terre. »*

## DOUZIÈME PARTIE

Nous bizin mette ça bien dans nous l'esprit ki la vraie cause de ça bane calamités, ki fine tombe lors l'islam, et ki fine résulter dans le fait ki des millions de bane musulmans fine quitte l'islam et fine embrace la chrétienté, c'est le fait ki zot fine commence prend Jésus et attribuer Jésus ce qui li jamais mériter, ene statut exagérer. Dans ça exagération là zot fine commence faire compétition avec bane chrétiens et zot fine alle à ene telle extrême ki zot fermement prend offence ki zot trouve ene livre d'histoire ki montré ki Jésus ti possède bane même caractéristiques humaines pareil couma le Saint Prophète<sup>(saw)</sup>. Par exemple, tout dimoune conné ki le Saint Prophète<sup>(saw)</sup> ti pé souffert de bane souffrances humaines couma la fièvre, et li ti habituer prend médecines : ena des fois li ti pé soumettre li à bane médecines traditionnelles.

*Nous bane Ahmadis ki croire fermement dans so venue, nous croire dans so bane écrits, nous trouve ki li tally avec bane dire du Quran Shareef et Hadiths. Li raconter ki Hazrat Mohammad<sup>(saw)</sup>, le chef des prophètes et ki ene modèle parfait pou l'humanité ; li Hazrat Mohammad<sup>(saw)</sup> ti ena beaucoup de souffrance pareil couma tous dimoune ordinaires. Pas à coze li ene prophète ki li pas gagne la fièvre ou d'autres troubles. Si li manger, boire, dormi, prier, etc. couma tous dimoune, abé ki fer li pas pou tombe malade ? Hazrat Mirza Ghulam Ahmad<sup>(as)</sup> li aussi de même, li ti souffert so la tête, c.à.d li ti pé gagne le vertige souvent et li ti ena diabète. Kot li aller li ti bizin charrier ene 'motri' médicaments – Hazrat Mirza Ghulam Ahmad<sup>(as)</sup> ti pé fer bane traitements traditionnelles « **Horn-Cupping treatment** » – pourtant nous musulmans, nous Ahmadis, mais kan il s'agit ki le Messie de ça l'époque là, Hazrat Muhyi'uddin Munir Ahmad Azim, avec le poids de la révélation, li aussi comme tous les hommes, li aussi souffert physiquement – mais malheureusement, dans nous l'époque kot supposer ena bane dimoune intelligents, ki zot fer ? Zot prend so bane l'ordonnance médicales, zot fer tamtam avec ça et traite li ki li fou, li prend médecine li pé radoter, zot prend révélations ki li gagner comme bane radotements.*

*Ou ki ene musulman et ene Ahmadi par dessus le marché, ki ou fine senti kan bane opposants de l'islam pé traite le Sceau des prophètes comme fou ? Ki ou senti quand zot vociférer (dire fort fort) ki ou Messie fume l'opium ??? – ça bane là aussi ti traite nous Hazrat Mirza Ghulam Ahmad<sup>(as)</sup> coumsa ! Donc, ou fine donne bane réfutations à ça bane jurons ki bane ki ti pé salir l'honneur de Hazrat Massih Maoud<sup>(as)</sup> là. Donc nous trouvé ki dans tous l'époque li pou coumsa.*

*Azordi jours bane Ahmadis même pé traite le Messenger d'Allah de tel !! Naou'zoubillah min Zâlik. Si pas ti ena tous ça là, à ce moment là, ou capave dire ki prophète là fausse. O bane Ahmadis, pas vine couma bane ignorants ; fer ou l'esprit travail un peu, na pas nek écoute ça bane ténors ki content trappe micro couma politiciens là, hurler et cause avec l'arrogance pou convaincre ou ki Munir Ahmad Azim ene fou et li prend médicament et zot pé reproduire devant ou so bane l'ordonnance ki zot fine gagner par ene de zot bane membres ; tous dimoune malades et nous tous mortels. Jésus même fine malade et fine mort d'ene la mort naturelle. Réfléchi et guetter kot la vérité été – le temps prophète li pas de tous temps, toutes les années – profite ça bane bénédictions ki pé descende du ciel.*

*Maulvi Abdul Latiff fine sacrifier ene Hajj ki le 5<sup>ème</sup> pilier de l'islam pou li reste en compagnie du Messenger d'Allah ki li aussi bane opposants pé persécute et blâmer. Mais, li, li pas fine fer l'imbécile ; li fine profite le maximum et ki fine décréter pou li – en aucun cas, li fine renonce au Messie Promis – li conne très bien so valeur. Li (le Messie Promis)*

*fine vini couma dire le Laila-tul-Qadr ki nous roder dans dernier 10 jours de Ramadhan. Sahibzada Abdul Latiff aussi donne nous ene bon leçon kot li dire nous ki alle cherche la connaissance avec ene Messenger de Dieu ; Oui le Hajj aussi li très important mais li là tous les ans ; le Messenger de Dieu li, li mortel, ou pas conner si pas nous pou réussi gagne ene Messenger de Dieu dans nous vivant.*

*Donc nous bizin réjouir kan nous tender ki ene Messenger fine vini. Hazrat Mirza Ghulam Ahmad <sup>(as)</sup> fine prend tant de peine pou écrire ça livre là pou fer bane chrétiens et musulmans comprend ki Jésus fine mort et d'autres choses ki nous pas ti conner. Ene Messenger li vini pou donne ou quitchoses ki ou pas conner, ou bien ou fine oublier ou bien pou donne ou ene message spéciale pou redresse ou pendant ki ou encore en vie lor ça la terre là – c'est Allah ki informe li de ou situation. Donc ou ti bizin être fière et content kan gagne ene message ki li bon ou mauvais lor ou – coumsa nous améliore nous conditions et nous tourne vers Allah <sup>(swt)</sup> plus encore – nous vine le bien-aimé d'Allah. Nous tous ki là lor ça la terre là nous pas capave dire ki nous ena la foi, parcequi ça la foi là c'est juste Allah <sup>(swt)</sup> conner si vraiment nous ena li ; nous nous ena juste pou croire et obéir. Allah ki conne tous les cœurs, Li conne le cœur de So Messenger ainsi ki nous aussi.*

Mais si bane z'affaires similaires ti mentionner à propos Jésus, ou bien quelqu'un ti va écrire ki Jésus ti alle visite kit docteur pou so traitement, zot ti pou guette li avec étonnement, dans ene drôle de façon, zot ti pou étonner ki li fine gagne ene telle toupé pou dire ça et zot ti pou déclarer ki ça c'est ene l'idée bien stupide.

Mais le fait c'est que li ti ene homme humble et li le sujet de toutes faiblesses humaines et li ti ena 4 frères ki zot aussi, zot fine renier li et li ti ena 2 sœurs et li ti ene homme bien faible pareil couma so bane les zot camarades ; li ti perdu connaissance lors la croix kan fine enfonce zis deux clous dans so le corps.

Hélas ! Si seulement bane musulmans ti accepter le verdict du Quran shariff en respect de Jésus et refuse pou croire dans so 2<sup>ème</sup> venu avec so propre le corps physique, zot pas ti pou faire face avec tant de désastres et dans si peu de temps la chrétienté ti pou tire à so fin bien triste. Couma nous ingrats avec Allah ki fine sauve Islam !

Ça c'est bane arguments (l'idées) ki mo fine partage avec Sahib Maulvi Abdul Latiff Sahib, le Martyr et le point ki mo fine explique li à la fin c'est ki depuis ça point de départ religieux là, Jésus ena 16 caractéristiques uniques :

1. D'après bane anciens écritures, li ti ene prophète et ene Messie ki fine promette à bane zenfants d'Israël.
2. Jésus ti paraître quand bane Juifs ti perdi zot indépendance et zot pouvoir politique, quand même li pas improbable ki bane ki fine alle émigrer dans d'autres pays étrangers, zot fine peut être réussi établi zot principes, couma nous croire ki zot dominer dans Afghanistan et Kashmir. Quelques siècles plus tard, zot fine embrasse l'Islam, et zot fine vine bane chefs de l'Afghanistan et Kashmir couma l'histoire fine recorde ça bane faits là. Toutefois, à la naissance de Jésus, zot fine perdu zot l'indépendance dans Palestine et zot ti pé vivre sous bane Romains. Ena ene grand ressemblance de bane Romains de ça l'époque là à bane Anglais d'aujourd'hui.
3. Troisièmement ressemblance c'est que Jésus fine apparaître dans ene l'époque quand bane Juifs fine divisés en plusieurs sectes et à cause zot bane querelles, bane grands grands frictions amères parmi les sectes, donc ti ena grand l'enemité entre différents sectes. Zot fine ne pli prend les commandements du Torah compte. Seul kitchose ki zot prend en considération c'est l'unité de Dieu. Dans les autres détails zot oppose zot camarade amèrement. Chaque secte oppose so camarade amèrement. Pas fine ena aucaine dimoune ki fine capave amène zot ensemble (ene médiateur) pou tombe d'accord lors bane arguments.

Donc, zot ti dans l'attente de quelqu'un ki bizin vini de côté Dieu, ene arbitre ki à travers bane révélations divines capave résoudre zot bane disputes. Zot fine bien dégénérer et détériorer dans zot l'enseignement. Fine arrive à ene tel point kot nous bizin dire ki pas ena ene secte ki ti dans le droit chemin. Zot bane concept fine

tellement gâtés ki pas conner kot la vérité et kot mensonge – tellement tous les deux fine mélanger. Ça même la raison ki faire chaque secte fine faire la tête-lipié pou oppose Jésus.

Chaque secte ti pé souhaiter ki Jésus pou supporte et confirme zot point de vue et ki pou considère zot tout seul comme des pieux et bane ki dans le chemin droit. Chacaine ti pé penser ki Jésus pou condamne bane sectes opposés. Mais le prophète jamais ti capave commette ene tel crime de duplicité (d'injustice – de trahison).

4. Quatrièmement, Jésus, fils de Marie pas fine être commandé pou la guerre en prenant le nom de la Religion ; et la religion de Moïse fine perdi la face dans li yeux de bane Romains et bane Grecques depuis ki zot fine servi la violence en utilisant plusieurs qualité d'excuses comme le moyen de so propagation. C'est pourquoi ki jusqu'à aujourd'hui zot livre contenir bane critiques répétés contre la religion de Moïse ki des milliers d'enfants fine être tous sous so directives et sous la directive de zot successeur Joshua. Et bane la guerre ki zot fine faire avec David et d'autres prophètes encore plus devant fine renforcis zot critiques. Sa bane mesures sévère la fine vine abhorrent a la nature humaine.

Donc, quand ça bane points de vue là fine arrive dans bane peuples des autres religions à ene extrême, c'est là ki Dieu décide pou envoye ene prophète ki pou propage la foi et la paix et la non-violence dans ene façon ki pou calmer zot colère ki zot ti ena concernant la Torah. **Ça prophète de paix là ti Jésus fils de Marie.**

## TREIZIÈME PARTIE

5. Le cinquième point c'est que bane chefs religieux de bane Juifs zot fine vine extrêmement méchants et corrompus quand Jésus fine être appeler à so mission. Zot bane actions pas ti pé corboré à zot bane exhortations (zot bane paroles ki zot ti pé prêcher). Zot la prière et carême ti pé réfléchir zis l'hypocrisie. Zot fine vine telle gourmand pou gagne pouvoir et étant donné ki zot bane sujets des Romains, zot pou rampé couma bane les vers sans valeur devant zot bane supérieurs et zot alle dans n'importe ki longueur pou gagne bane gains matériels. Zot sans scrupules concernant zot méthodes et pou zot gains personnel zot pou capave servi la déception, approprier kitchose ki pas pou zot, zot pou donne fausse évidence, fausse jugements.

A part ki zot adore zot même dans zot robes rituelle pou montrer couma zot pieux, en vérité zot pas possède la moindre trace de piété. Zot convoite prestige dans li yeux bane supérieurs Romains et zot laisse zot pencher dans toutes sortes de complots, zot conne bien couma pou passe du beurre, couma pou embête (zot bane supérieurs) par la flatterie coumsa zot capave atteindre à bane grands positions. Ena même zot façonne zot dans ene l'état de soumission et zot gouverne lors zot frères couma ene ti le roi. Zot ena le désir bien profond de bane bien matériels et zot totalement dépourvu de prestige et d'honneur réel ki juste capave acquérir quand ou marche dans le droit chemin, le chemin de Dieu en suivant fermement les commandement de la Torah.

Au lieu de ça, zot fine plonger complètement dans bane bien mondaines et de ce fait zot entreprendre, zot prend longue longue journées ki zot hasardé zot alle rendre hommage à bane empereurs Romains.

Beaucoup d'entre zot, zot ti pé gagne pensions et d'autres gratuités de ça bane Romains là, et zot ti pé parade zot loyauté à bane empereurs et zot bane représentants. Zot disputé, rivaliser avec chacun d'entre zot même juste pou rode l'honneur depuis zot bane chefs ki détenir le tout pouvoir (parmi zot) – bane Romains – et zot rende zot toute sortes kalité mauvais services. Le resultat c'était que le gouvernement Romains bien souvent zot ti accepter bane demandes de bane Juifs.

*Dans nous l'époque aussi nous trouve ça bane qualités prêtres là, ki li hindou, chrétien ou musulman. Azordi jour, bane soi-disant pieux là nek pé mange l'argent dimounes kot zot alle fer ene la prière pou zot bien-être. Ena prend balle du riz, la farine, la viande etc. avec dimoune pauvre là, li embête li, li fer semblant fer ene la prière, coumsa li capave dépouille le pauvre – et ou le pauvre, tellement ou pé rode ene chemin sorti ki ou aussi ou fautif, au lieu ou tourne vers ou Créateur ki Li Le Tout Guérisseur, Li même ki pou enterre tous ou bane problèmes et malheurs, ou oublier Li complètement et ou alle cherche recours à ça bane créatures là – voilà kot nous pé alle tomber. Ça bane soi-disant pieux là, péna aucaine différence entre zot et bane « sans souliers ». Donc Hazrat Mirza Ghulam Ahmad<sup>(as)</sup> pé montrer couma dans l'époque Jésus ti ena ça bane qualité dimounes là – c'est zot même ki en premier dévier bane innocents de droit chemin, zot influence bane faibles. Quand ou trouve ki ena ça qualité dimounes dans ou l'époque aussi, penser ki Allah bizin avoye quelqu'un de So côté pou protège ou – pas désespérer !!! C'est ça bane « grands grands pieux » là même ki pou donne fausses évidences ; faux témoignages et bane juristes pou donne faux jugements. Azordi jour, l'argent pé glisse partout, bribe et bribe dans tous coins. En vérité zot pas possède la moindre trace de piété. Gestes ki boucou (Gestes touille connaissances) – hypocrisie fine dépasse les bornes – mais ou, ou reste bouche bée et ou encore croire dans zot et ou laisse ça période prophète là passer ; voilà ki ou alle tombe parmi bane ignorants ou aussi. Donc, pas laisse ou vine couma ça bane chefs ki fine donne l'ordre pou crucifier Jésus, pas vine couma bane hypocrites et opposants du Saint Prophète<sup>(saw)</sup> et pas laisse ou vine couma bane opposants des Ahmadis. Prend précautions boucou avec ou nafs et ou Imaan. Pas laisse ou influencer par ou bane proches aussi.*

## QUATORZIÈME PARTIE

Pilate ti bien conner ki bane chefs prêtres et so bane supérieurs zot ti ena accès à la cour de l'empereur à Rome. Donc, li évident ki le pauvre innocent et humble dimoune de Galilée, Jésus fils de Marie, zot pas fine donne li le temps. Non, seulement zot fine crache lors li et ridiculise li par ça bane méchants là, mais par l'ordre du gouvernement, zot fine martyrise li et zot fine gagne l'ordre pou ferme li ensemble avec bane voleurs et bane voyous même li ti totalement ene innocent. Ça, le gouvernement fine faire ça juste pou faire bane Juifs plaisir, comme ene règlement normal, tous gouvernement, pou l'amour de la paix, zot ignore le vœu de la majorité. Donc, zot pas ti pé prend le pauvre Jésus aucaine compte et zot fine remette Jésus dans la main de bane supérieurs là et à bane grands grands prêtres ki fine cloué li lor la croix.

*Li bien triste pou lire ça morceau écrit par Hazrat Mirza Ghulam Ahmad<sup>(as)</sup>. Pareil couma bane chefs de l'époque Jésus ti agir pou ki zot gagne raison pou fini li, pou crucifier li, coumsa même azordi jour dans Jamaat Ahmadiyya, kot Allah fine élève So Serviteur Choisi, le Amir et tous so bane membres du Majlis-e-Amla, zot fine talonne ça bane chefs dans l'époque de Jésus là, kot zot fine avoye fausses rapports et falsifier documents par jalousie kot zot fine invente ene tas saletés, zot fine présente ça devant le Khalifa du Jamaat et donne le Serviteur d'Allah ene mauvais image. Le défunt Khalifa li aussi li fine laisse li berner par bane paroles du Amir kot li aussi sans ki li prend la peine pou écoute le Serviteur d'Allah, li nek trancher et li tire li du Nizaam-é-Jamaat et empêche li pou fonctionner, pou ki li pas alle fer le dawa dans d'autres pays. Mais Allah<sup>(swt)</sup> fine élève li encore plus ki ça – zot fine rode ben boule, zot pas conner ki boule là li plus monte dans l'air – plus zot fine crase so la tête, plus Allah fine élève li kot azordi li fine proclame li ouvertement ki Allah<sup>(swt)</sup> fine élève li comme le Messie de ça l'époque là. Eski bane dimounes dans le passé ti capave arrête mission Jésus ? Ki ça servi nous comme ene leçon ki personne pas capave arrête ou mette fin à ene quitchose ki Allah fini décréter – pareil couma ou capave empêche la pluie tomber ? Ou soleil briller ? Non, coumsa même ki Allah élève So serviteur.*

*Le Amir fine incite tous so bane membres comité et bane dimounes dans le Jamaat pou ridiculise li, et fer tous sortes de conneries avec li – mais ça bane ignorants zot pas conner ki Allah avec li. Ou guette zot, Rouhani (ene lumière lors zot visage) zot pas ena, tranquillité zot na pas ena, zot passe la majorité de zot létemps nek zot veille tous so mouvements, ça même prouve encore ene fois so véracité. Faudé li ena fruits même ki ou trouve zot tous pé avoye li coup de bâton et coup de roche. Zot même zot mette désordre partout, zot falsifier zot noms lor journal pou écrire, zot créer désordre avec les autres sectes de musulmans – Mais bane imbéciles là ! Dans zot l'ignorance, zot pas conner si pas zot même ki pé fer so proclamation. Voilà ena boucou kan zot fine tende ça nouvelle là, voilà ki zot fine vine rencontre li. Ena boucou à l'extérieur kot fine prend le serment d'allégeance avec li ; kot zot pé donne ene grand coup de main pour la propagation de l'Islam.*

*Ça trou ki zot pé fouiller pou li là, c'est zot même ki pou rentre là-dans. Ça c'est la promesse d'Allah ki nous lire dans le Quran Shareef. Tout comme Jésus ti humble et simple, de même est le Khalifatullah de cette époque. Juste bane dimounes ki pas fine capave adapter avec la manifestation divine et amène ene la vie pure ki fine manifester et fine jette toutes sortes de causer lor li, kot ena fine traite li de fou, menteur, satan, diabolique, etc., ena fine nier tous so bane signes ki li fine gagner de côté d'Allah, li fine mette ça de côté juste pou li joine la main avec le Amir pou dénigrer li et donne tous bane informations lor li. Enfin zot capave fer toutes sortes de complots contre li pareil couma Hazrat Mirza Ghulam Ahmad<sup>(as)</sup> pé expliqué dans so livre couma zot fine fer misère avec Jésus, mais eski Jésus pas fine complète so mission ? Ou bien ou aussi ou encore pé attane li descende dépi lors léciel couma bane chrétiens ou les autre musulmans ? Ou capave barre tous ce qui ou envie sauf le travail du Messenger d'Allah. Ça même ki Allah fine avoye ça Messie là dans ça l'époque là pou fer ou relire le Quran Shareef et étudier li pou ki ou pas tombe couma bane Juifs et Chrétiens.*

*Hazrat Mirza Ghulam Ahmad<sup>(as)</sup> mentionne 16 caractéristiques de Jésus dans ça livre là. Ça fer moi rappelle ene rêve ki Hazrat Muhyi'uddin Munir Ahmad Azim ti fer kot li fine sorti 16<sup>ème</sup> dans ene l'examen. En lotte fois en l'an 2003, li fine gagne ene longue révélation kot Allah fine aussi dire li (en Anglais): « ...seize qualités fine développer en toi ; ça c'est ene bénédiction de to Rab. Bane ki profite de to compagnie pou être béni... »*

Bane gouvernements ki pas ena la crainte de Dieu, le Maître de tout bane le ciel et la terre, zot tout le temps maudit par Allah Le Tout Puissant. Hélas ! Pou bane gouvernement ki jamais cherche le recours du Maître de tous les ciels et la terre. Dans ene façon de parler, les deux Pilates, le Gouverneur de ça la terre là et so femme fine croire dans li et li ti anxieux pou libéré li. Mais bane supérieurs et bane « Juifs pieux » à cause de zot

intérêts mondaines, zot fine gagne accès au empereur et zot fini communiquer avec li (rapporter) secrètement ki Pilate ti pé soutire ene dimoune ki ti pé essaie réuni ene l'armée autour li pou jette l'empire Romain.

Mais en fait, Jésus ti ene dimoune très humble et simple ki pas ti ena narien à faire avec l'empire Romain, avec l'empereur ou so bane représentants ou li ena l'envie pou accapare zot bane possessions mondaines. Mais li ena complètement la foi dans so Dieu. Cependant, le grand grand prêtre, le chef des prêtres et so bane colistiers de la religion, en se servant de la duplicité et l'hypocrisie, zot fine gagne ene pied ferme dans le gouvernement.

En réalité zot pas ti sincère, au fond du cœur zot pas ti bane vrai serviteurs du gouvernement, mais zot juste fine crée ene l'impression de bonne foi. Voila comment ene vrai serviteur, Prophète de Dieu fine déshonoré et humilié à travers zot bane complots. Mais Celui ki pé guette depuis lors le ciel et Li le Maître de tous les cœurs fine trouve tous ça la et tous ça bane dimounes méchants et vicieux zot aussi zot pas caché de li yeux d'Allah.

Conséquemment, Jésus (as) après avoir ki fine suspende li lors la croix, li fine être sauvé de la mort parceki Allah fine accepter so bane doah ki li fine faire avec beaucoup d'humilité et ki li fine faire dans le jardin de Gethsemane.

Quand Jésus fine sûre ki ça bane Juifs cruels là ti assoiffé de so du sang, li fine alle dans ene jardin et dans ene grand désespoir (lamentation) li faire doah avec Allah comme suit : « *O mon Dieu ! Enlève ça coupe là de moi ki ça pas difficile du tout pou Toi* ».

Dans version Arabic de l'Évangile par Mark (14:36) fine mentionné là-dans ki tellement li fine pleurer ki larmes fine descende lors so la joues et li fine pleurer dans le plus grand lamentation.

Donc, à cause de so piété, Allah fine écoute so la prière et par la grâce d'Allah li fine descende de la croix, pendant ki li ti encore vivant, et li fine déguiser en jardinier après avoir ki li fine sorti de so tombe, dans lequel bane là ti enterre li. Et par le commandement d'Allah, li fine alle dans ene l'autre pays, accompagné de so maman, couma mentionné dans Quran Shariff : « *Nous fine donne zot refuge lors bane vallées verts bien hautes.* » Ce qui veut dire, Nous fine faire li et so maman prend refuge dans ene pays kot ena bane la rivières de l'eau claire et ene place de sécurité et confort pou zot.

Dans bane Traditions aussi mentionner ki après l'attentat de crucifixion, Jésus fils de Marie, fine atteigne l'âge de 120 ans quand li fine mort et li fine alle joine so créateur. Là-bas dans le ciel, li reste en compagnie de Jean le Baptiste, le fils de Zacharia parceki tous les deux fine passe par même l'expérience. Pas ena aucaine doute ki li ti extrêmement pieux, ene dimoune droite et ene prophète de Dieu. Mais pou appelle li « dieu » et pou adore li (prier li) li ene chose très détestable et ki alle contre la religion d'Allah. Des centaines de milliers de personnes pareil couma li fine mort et pou révini dans le future et **Dieu li jamais fatiguer pou exalté (élevé) bane dimounes pieux ki li ti dans le passé ou sois dans le future.**

6. Sixième caractéristique c'est que Jésus ti être élever par Dieu comme ene prophète quand bane Romains ti les maîtres de la terre et zot ki ti pé gouverner.

7. septième caractéristique c'est que quand même bane Romains, au commencement, zot ti oppose vigoureusement la foi de bane chrétiens, finalement zot même fine pénétrer là-dans, et quelques temps plus tard l'empereur Romain li aussi fine converti en chrétien.

8. Huitièmement – Pendant l'avènement de Jésus, ki bane musulmans appelle li par Issa, ti ena ene z'étoile ki ti paraître dans le ciel.

9. Neuvième caractéristique c'est que quand ti crucifier Jésus ti ena ene l'éclipse du soleil.

10. Dixième caractéristique c'est que lorsque Jésus fine être torturer lors la croix, ene l'épidémie la peste fine répandre partout.

11. Onzièmement c'est que à cause de la religion ki li fine être accuser de fausseté, et zot fine traite li comme ene traître de l'empire Romain.

12. Douzième particularité c'est que ti ena aussi ene voleur ki ti crucifier ensemble avec li.

13. Treizième caractéristique c'est que lé temps fine amène li devant Pilate comme ene accusé, celui-ci déclarer ki li pas trouve li coupable de l'accusation ki zot fine porter contre li.

14. Quatorzième caractéristique, quand même li fine né sans papa, li pas ti ene descendant d'Israël, mais li ti le dernier prophète de ça série là et li fine apparaître dans 14<sup>ème</sup> siècle après Moïse.

15. Quinzième caractéristique, quand Jésus ti élevé comme ene prophète, l'empereur ti introduire beaucoup de réforme ; ene tas inventions ki ti bénéfique pou li : c.à.d, construction bane chemin, maisons de repos, et bane auberges, et nouveaux la loi fine introduire pou le peuple, pareil Couma bane Anglais pé faire azordi.

16. Seizième caractéristique, c'est que étant donné ki li fine né sans papa, dans ça respect là, li ressembler à Adam.

Voilà les 16 caractéristiques de Jésus comme celui ki vini pou complète la loi de Moïse. Quand Allah, Le Tout Puissant fine établir la dispensation Mosaique, Li fine établir la dispensation de Mohammad <sup>(saw)</sup> ki fine prédire dans bane anciens écrites.

Le Très Sage et Le Très Grand Savant Li envie ki ti bizin ena ene ressemblance complet entre ça deux dispensation là, au commencement jusqu'à la fin. Premièrement Li fine élève le Saint Prophète <sup>(saw)</sup> comme mentionner dans le Quran Shariff: Nous fine envoie ou ene Messenger ki ene témoin lors ou, pareil couma Nous ti envoie ene Messenger à Pharaon. » (73:16)

Moïse ti bizin prend l'épée contre bane incroyants. Dans la même manière le Saint Prophète <sup>(saw)</sup>, quand zot fine faire li aller (chasse li) de la Mecque et zot fine poursuivre li jusqu'à Madina, bane musulmans aussi, pou zot défende zot, zot ti bizin prend l'épée. Abu Jahl, le pire ennemi du Saint Prophète <sup>(saw)</sup> et de bane musulmans fine être tuer devant li yeux le Saint Prophète <sup>(saw)</sup> exactement tout comme Pharaon, le pire ennemi de Moussa li aussi li fine mort devant li yeux Moussa.

Ena beaucoup d'autres similarités ki mo capave cité mais pou être bref nous pas mentionne zot. C'est bane similarité ki corresponde dans tous les deux dispensations zot commencements. Et aussi li ti nécessaire ki bizin ena ene ressemblance remarquable entre les deux derniers successeurs de l'Ummah de Mohammad <sup>(saw)</sup> et de l'Ummah de Moosa (le dernier successeur de Mohammad <sup>(saw)</sup> et le dernier successeur de Moosa), coumsa tous les deux similarités bizin complet et zot capave coïncider avec la parole de Dieu couma fine explique là-haut.

Normalement ça qualité comparaison faire en commencement et à la fin de chaque dispensation tandique ki la période entre les deux, étant donner ki li ene long période, nous pas bizin examine ça lé temps là dans les moindres détails. Ça li parceki si le commencement et la fin zot ressembler pareil pou pareil, li milieu lers là capave considéré (reconnaître) ki li bizin ressembler en conséquence.

Nous fine fini mentionner ça 16 caractéristiques de la vie de Jésus du point de vue religieux ki bizin trouver dans ça dernier successeur de la dispensation Islamique coumsa nous pou capave tombe lors ene accord parfait pou capave prouver entre li et Jésus.

1. **Premier similarité** entre les deux derniers successeurs dans ça deux dispensations là c'est que tous les deux, zot l'avènement fini prédire avant. Dans l'Islam fine ena des milliers de saints, mais personne pas fini vini comme le « promis ». Mais celui ki fine vine comma « la ressemblance de Jésus » li sans doute le Messie Promis. Similairement, pas ti ena aucaine prophète ki le prophète Jésus ki ti le Messie Promis de bane Juifs.

2. **Deuxième similarité**, c'est la perte de l'indépendance et de pouvoir politique. Pas ena doute ki bane musulmans dans l'Inde, pareil couma bane Juifs, prend depuis la naissance de Jésus, zot fine perdi zot l'indépendance à cause de zot mauvais façon de faire. Bane Anglais fine fermement établi dans l'Inde avant la naissance du dernier Messie.

3. **Troisième similarité**, dans le temps de l'avènement du premier Messie, bane Juifs ti divisés en plusieurs sectes et donc, ti bien bizin ene arbitre pou diboute pou zot. Dans la même manière, bane musulmans, à l'avènement du dernier Messie, zot aussi fine divisés en plusieurs sectes.

4. **Quatrième point**, c'est que le premier Messie li pas ti gagne l'ordre pou faire la guerre pou la cause de la foi. Dans la même manière, le dernier Messie li aussi li pas fine gagne l'ordre pou tire l'épée. Couma li fine capave gagne l'ordre donc quand avec le temps fine fini donne ene avertissement ki l'épée jamais capave influence la conscience de quelqu'un. C'est la raison ki faire bane dimounes civilisés pas prend l'épée pou la guerre pou supporte la religion. Et tous ça bane sectes ki pé attane ene Mehdi – Messie sanguinère (ki pou fanne di sang) zot décidément en tort et zot point de vue zot complètement tout le contraire ki Dieu Le Tout Puissant désirer.

Si Allah, Le Tout Puissant ti désire ça, Li même Li ti pou arme bane musulmanes avec toutes sortes d'équipements de guerre. Bane musulmans même ti pou ça peuple ki ti pou invente bane nouveaux moyens, nouveaux technologie de guerre et zot ti pou excède bane les autres peuples dans ça respect là. Bane musulmans même ki ti pou invente bane nouveaux modèles mitrailleuses, fusils et zot ti pou dépasse zot tous lors bane inventions de bane z'armes. Zot ti pou surpasse bane les autres en fabriquant bane ballons de guerre et bane sous-marins pou passe à l'attaque en bas de l'eau et zot ti pou faire le monde admire zot avec étonnement. Mais li pas coumsa. C'est de l'autre coté, bane chrétiens ki tous les jours pé faire grand grand progrès dans ça domaine là. Ça prouver ki li pas la volonté de Dieu ki Li faire Islam propager par la guerre – la violence.

La foi de bane chrétiens pé perdi terrain de jours en jours dans le champ de raisonnement et du sens rationnel et bane grands savants pé abandonne zot croyance ancienne. Même l'empereur Allemand fine dire ki li pou largue so la foi. Ça prouver ki c'est la volonté de Dieu Tout Puissant ki la foi chrétienne bizin éliminé de la surface de la terre. Comme ene règlement, bane signes ki bizin arriver bien souvent zot apparaître bien avant et Dieu jamais pas fine donne aucaine instruction pou conquérir pou l'Islam en se servant de bane moyens de guerres. Au contraire, bane signes spirituels commence manifester ki la foi de bane chrétiens par li-même fine commence flétri, gaté et bientôt li pé disparaître.

5. **Cinquième point**, li très important pou considérer c'est que devant ministère du premier Messie, bane Juifs fine moralement dépouillé ; spécialement bane ki trouve zot dans la classe de bane prêtres, zot fine vine bane gourmands et corrompus. La jalousie et l'avarice fine fanés parmi toute la nation et zot tous pé galoupe derrière bane bien mondaines, sans arrêts. Dans la même manière bane peuples de nous l'époque – le temps du Messie Promis – spécialement bane grands grands Maulvis musulmans et Mullahs, zot aussi zot fine vine gourmand et zot fou de et galoupe derrière bane affaires mondaines. Sa c'est en fait bien claire ki pas bizin l'autre éclaircissement.

6. **Sixième point de similarité**, c'est que Jésus fine paraître quand ti ena ene César – ene gouverneur étranger. Le Messie Promis de l'Islam li aussi partage ça caractéristique là. Li aussi li pé vivre sous le commandement d'ene empereur étranger ki plus supérieur à celui ki ti pé régner durant le temps du Messie de bane Juifs. Nous

apprend depuis bane faits historiques ki quand l'empereur Romain fine apprane ki so gouverneur Pontius Pilate fine faire tous effort pou sauve Jésus de la croix contre ene mauvais la mort et fine laisse li échapper et alle dans ene pays étranger sous ene déguisement, li ti faire ene colère terrible. Ça rapport là ti envoyé vers li (l'empereur) en secret par ene grand prêtre. En conséquence de ça, Pilate ti alle dans prison par le commandement de l'empereur et kot finalement zot fine exécute li – coupe so la tête. De ce fait, li fine mort en martyr pou la cause de Jésus. Donc, c'est ene preuve ki bane ki pou à la tête d'ene pouvoir politique bien souvent zot pas pou être récompenser à cause de zot vrai la foi. Ça l'empereur ignorant là li fine alle écoute bane grands prêtres méchants là ki fine influence li ki la mort Jésus ti ene opportunité politique. Mais autant ki mo conner, le temps fine bien changer et nous l'empereur, en tous respect, li bien plus supérieur ki l'empereur Romain ki ti vraiment ene tyran ignorant.

**7. Septième point** lors ça sujet là, c'est que la foi chrétienne finalement fine gagne le dessus lors bane Romains. Dans ça l'optique là, ena ene similarité avec mo l'époque aussi, parceki mo trouve bane Européens et Américains zot pé montrer grand l'intérêt dans mo proclamation et dans la façon ki mo pé raisonner. De zot propre consentement, zot fine publier mo proclamation dans des centaines de journaux avec des commentaires favorables ki difficile pou croire ki ça vine de la plume de bane chrétiens. Ena fine alle extrêmement loin pou exprime zot point de vue ki mo proclamation li gèneue (bien vrai), tandique ki ena encore fine déclarer ki la croyance ki Jésus li dieu li totalité fausse et idiot.

Ena les autres ki fine donne zot l'opinion ki mo proclamation d'être le Messie Promis, fine vine zis dans l'heure ki bizin et zot ressenti ki ça l'époque présent là li grandement dans mo faveur. En bref, li paraître ki ça bane peuples là pé prépare zot pou accepter mo proclamation et la chrétienté pou fonde de jour en jour couma la neige.

**8. Ene l'autre caractéristique** de Jésus, c'est que ti ena ene z'étoile ki ti paraître dans l'époque so l'avènement. Ça caractéristique là aussi pé ressembler mo l'époque parceki ça même z'étoile fine paraître encore dans mo l'époque aussi. Ça fine vérifier dans bane journaux Anglais kot zot fine conclure ki le temps fine arriver maintenant kot bizin ena la 2<sup>ème</sup> venue du Messie Promis.

**9. Neuvième caractéristique** de Jésus c'était l'éclipse du soleil ki ti témoigné quand li ti crucifié lors la croix. Moi aussi mo partage ça caractéristique là. Quand bane dimounes fine rejette mo proclamation, Allah fine manifester So bane signes en mo faveur, pas juste par l'éclipse du soleil mais aussi par l'éclipse de la lune. Les deux éclipses ti paraître durant le mois de Ramadhan. Ça pas fine paraître ene seul fois mais 2 fois comme mentionné dans bane traditions. Ça deux l'éclipses là mentionner comme dans l'Évangile et le Quran. Ça prédiction là aussi mentionné dans Dar Qutni, ene livre authentique de bane paroles du Saint Prophète <sup>(saw)</sup>.

**10. Dixième caractéristique** ki commun entre nous c'est l'épidémie de la peste. A cause de bane persécutions de bane Juifs, donc ça ti propager dans l'époque de Jésus et pou la même raison ça maladie là fine propager dans mo l'époque aussi.

**11. Onzième caractéristique** ki commun dans nous tous les deux c'est que bane soi-disant saints et bane grands grands prêtres fine faire la tête-lipié pou pas fine donne aucaine chance à Jésus car zot fine dénonce li, zot fine blâme li comme ene rebel bien têtî dans so rébellion, pou ça raison là même zot fine installe ene l'attrape pou li, kot zot fine faire ene mauvais jugement contre li, et li fine bizin passe en cour en espérant ki là-bas li pou condamner à mort. Le même cas fine appliquer pou moi aussi kot zot fine fine comploter contre moi pou accuse moi d'ene meurtre. Zot fine faire encore ene z'effort pou prouver ki mo ene rebel et ki mo pé faire ene rébellion contre le gouvernement. Quand ça cas là ti passé, Maulvi Abu Saeed Muhammad Hussain de Batala ti deboute témoin contre moi.

**12. Douzième point** c'est que ene voleur ti crucifier li aussi ensemble avec Jésus ; le jour ki mo ti acquitter de fausse charge du meurtre ki zot ti metté lors moi, et ki mo ti informe en avance, des centaines dimounes grâce à la révélation, ene chrétien fine aussi présenter devant le même magistrat. Li ti ene membre de l'Armée du

Salut et li fine gagne l'argent mal-gagner. Li fine gagne ene emprisonnement de trois mois – li pas ti être condamner à mort couma ça voleur ki ti suspende à côté de Jésus et ki ti fine mort.

13. **Treizième ressemblance** entre Jésus et moi c'est que kan zot ti présente Jésus devant le gouverneur et li ti êtes jugé pou gagne la peine capitale (la mort), le gouverneur fine déclarer ki li pas trouve aucune faute dans l'accusé. Similairement, Capitaine Douglas, le Magistrat du district, le temps moi mo fine pose li ene question, li fine réponde ki li pas pé accuse moi d'aucune faute. (*Hazrat Massih Ma'oud (as) li innocent dans l'affaire ki zot fine accuse li.*)

D'après mo l'opinion, Capitaine Douglas li dépasse de loin Pilate dans donne jugement sans crainte, et dans montrer ene détermination et fermeté. Mais à la fin Pilate, li, fine manque l'assurance de li-même et finalement li fine alle gagne peur de bane supérieurs et grands prêtres là, et de ce fait li fine agir dans ene façon lâche, li fine montrer ene manque de courage. Mais Capitaine Douglas li, li pas fine montrer le moindre signe de faiblesse.

Lorsque Maulvi Mohammad Hussain fine demande ene chaise pou li même dans la cour quoique li ti ena ene droit ki li ti gagner par certain documents gouvernemental, Capitaine Douglas fine refuse li catégoriquement et fine ordonne li pou ferme so la bouche. De l'autre côté, li fine demande ene chaise pou moi mo assisé. Bane ki honoré du ciel, zot, zot pas gagne ça vif désir de bane bien et honneur mondaines. Ça courtoisie louable du « Pilate » de nous l'époque, bizin être rappeler par tous mo bane suivants quand mo pou quitte ça le monde là. Nous bizin ena ene pensée pou li jusqu'à la fin du monde avec beaucoup d'amour et de respect.

14. **Quatorzième ressemblance** est que puisque Jésus pas ti ena papa, strictement parlant, li pas ti ene Israélite. Malgré ça inconvenient là, li ti le dernier prophète pou bane enfants d'Israel et de la dispensation Mosaique. Li ti né 14 siècles après Moïse. Dans la même manière mo pas appartenir à bane Quraïsh et mo fine être élevé dans 14<sup>ème</sup> siècle de l'Islam. Et pareil couma Jésus, mo-même le Messie Promis de bane musulmans.

15. **Quinzième caractéristique** c'est que quand Jésus fine paraître grand grand progrès fine faire dans la civilisation. Fine construire bon bon chemins, ene system efficient pou la défense et beaucoup d'amélioration, de perfectionnement lors bane organisations et l'entraînement de bane l'armées. Bane moyens de transport fine bien amélioré et pou assure le confort de bane voyageurs, beaucoup maisons de repas fine construire un peu partout. Et du côté judiciaire aussi fine améliorer, fine reformé. Similairement, dans nous l'époque aussi fine ena beaucoup de progrès et bane développements remarquables dans ça bane même champs là. Par exemple : bane moyens de transport moderne, train lors raille fine inventé, ça même ki fine prédire dans le Quran Shareef et bane lectures capave facilement rappelle les autres inventions.

16. **Quinzième caractéristique** de Jésus c'était que Jésus, étant né sans papa, li pareil couma Adam.

## QUINZIÈME PARTIE

Similairement moi aussi mo ena ene ressemblance en peu coumsa même : d'après Muhyuddin Ibné Arabi, li fine mentionner à propos le Successeur Finale ki li pou ene dimoune d'origine Mongol et li pou le deuxième d'ene jumeau, car ene fille pou née avant. Mo fine née de la même manière exactement ene Vendredi. Nous pas conner couma Ibné Arabi fine gagne ça signe là, mais ça fine arriver.

Voilà les 16 similarités entre moi et Jésus. Ça montrer ki ena la main d'Allah dans tous ça phénomènes là. Si ça ti ene projet basé lors plan humain tous ça similarités là entre moi et Jésus pas ti pou ena.

*Maintenant mo pou donne quelques caractéristiques ki ena entre Hazrat Mirza Ghulam Ahmad <sup>(as)</sup> et Hazrat Muhyi'uddin Munir Ahmad Azim :*

*1) Couma Hazrat Mirza Ghulam Ahmad <sup>(as)</sup>, Allah ti dire li ki le Muhammad de so l'époque ; Hazrat Muhyi'uddin Munir Ahmad Azim aussi ti gagne ça révélation là. Ça veut dire ki Allah fine assigne zot pou zot continuer pou propage l'unicité de Dieu et explique le Quran Shareef aux ignorants et remette li en valeur devant toutes l'humanité, de toutes les races et couleurs.*

*2) Couma Allah ti donne Hazrat Mirza Ghulam Ahmad <sup>(as)</sup> le titre de Mariam, Hazrat Muhyi'uddin Munir Ahmad Azim aussi fine gagne le même titre. Ça ne veut pas dire ki zot vine bane madames – bane ignorants zot fer bouffon lor là – Hazrat Mirza Ghulam Ahmad <sup>(as)</sup> fine donne naissance à ene « garçon extrêmement distingué » ki ti le Mouleh Maoud pareil couma Hazrat Mariam fine donne naissance à Hazrat Issa <sup>(as)</sup>, ki ti ene Messie. Tant qu'à Hazrat Muhyi'uddin Munir Ahmad Azim li aussi li fine gagne ça titre là – alors nous besoin attendre pou nous guetter couma Allah <sup>(swt)</sup> pou honore li de ça titre là – dans ki façon. Allah jamais pas manque à So promesse.*

*3) Après la venue de Hazrat Mohammad <sup>(saw)</sup>, couma li fine prédire ki bane musulmans pou diviser et subdiviser, et ki bizin ene Messie pou apparaitte kot li pou soude bane musulmans ensemble. Hazrat Mirza Ghulam Ahmad <sup>(as)</sup> fine vini et li fine fer ene partie ça travail là kot non seulement li fine amène bane musulmans ensemble, li fine ramène bane chrétiens et hindous sous le Tawheed. Hazrat Muhyi'uddin Munir Ahmad Azim fine apparaitte dans nous l'époque pou ki li continuer le travail de Hazrat Mirza Ghulam Ahmad <sup>(as)</sup>, toujours tout en suivant le Quran Shareef et bane dires du Prophète <sup>(saw)</sup>. Donc nous conclure ki bizin ene arbitre de côté d'Allah pou ramène tous bane sectes musulmans ensemble et en même temps li pou donne le message aux nouvelles générations, Non-Musulmans.*

*4) Tout comme Hazrat Mirza Ghulam Ahmad <sup>(as)</sup> fine fer le Jihâd avec so plume, li pas fine servi l'épée, Hazrat Muhyi'uddin Munir Ahmad Azim aussi pé servi so plume et so Website pou propage le message d'Allah. L'épée jamais capave influence la conscience et le cœur de quelqu'un vers le Tawheed. Donc, Hazrat Muhyi'uddin Munir Ahmad Azim, li aussi li pas ça Messie sanguinaire ki tous dimoune pé attane là. Li ene Messie ki dur en paroles et li ena le franc-parler kot li pas peur aucaine créature pou ki li redresse l'enseignement du Quran Shareef et la politique.*

*5) Li très important pou noter ki tout comme le Messie Promis Hazrat Mirza Ghulam Ahmad <sup>(as)</sup>, l'enseignement d'Allah ti dépouiller pareil couma bane Juifs dans le temps Jésus. Azordi aussi nous trouver ki nous fine rentre dans l'obscurité kot bane grands Mullahs même pé excite zot Jamaat contre telle ou telle religion et secte et zot pé rempli zot poche avec l'argent Jamaat – tous voyages pou zot, tous confort matériels pou zot, zot pé galope derrière bane z'affaires mondaines plus ki zot galope pou propage l'unicité d'Allah mais zot servi le Mimbar de Hazrat Mohammad <sup>(saw)</sup> pou zot fer zot tamtam. Dans la même manière, bane peuples de nous l'époque, le temps du Messie fine vini – Hazrat Muhyi'uddin Munir Ahmad Azim fine amène so message comme « Sarkaar Aa Rahe Hai » – Quelqu'un de côté d'Allah fine fini vini pou dénonce ça bane malfaiteurs déguiser en sadou là.*

*6) Tout comme bane européens et américains fine montrer grand l'intérêt dans la proclamation de Hazrat Mirza Ghulam Ahmad <sup>(as)</sup>, et de zot propre consentement zot fine publier so proclamation partout, dans bane journaux, magazines avec des commentaires favorables ki difficile pou croire ki ça vine de la plume des chrétiens, dans nous l'époque aussi, Alhamdulillah, bane chrétiens et autre grandes religions européen, américains, arabes, chinois, etc. etc. et même les îles avoisinantes, zot pé accueillir le message du Messie d'aujourd'hui et kot zot aussi zot pé propage so proclamation rapidement à travers zot propres Websites. Qu'Allah déverse So bénédictions lors ça bane peuples là – Ameen !!!*

7) *Bane étoiles ti paraître dans l'époque Jésus et Hazrat Mirza Ghulam Ahmad<sup>(as)</sup>, dans ça nouveau ère là aussi, ti ena ça bane manifestation de bane étoiles dans le ciel et aussi ti ena ene auréole dans le ciel kot ça ti annonce l'arrivée du « Sarkaar » et le 1 mai 2008, ene lumière ti pé aller-vini dans le Nord de L'île, kot tous dimounes dans Nord de L'île fine trouve ça extraordinaire. Ena encore d'autres signes célestes kot fine étonne pas mal de gens comme l'apparition de Venus dans nous l'époque après plus ki 112 ans !!!*

8) *A l'époque du Messie Promis, les deux éclipses solaire et lunaire fine apparaître dans le mois de Ramadhan, et ça fine annonce l'arrivée de so venue – Alhamdulillah, nous aussi nous fine témoigne ça signe là kot ti ena ça deux l'éclipses là, soleil et la lune dans le mois du Ramadhan en 2003. Donc, ça prouve aussi la véracité du Messie d'aujourd'hui.*

9) *Ça caractéristiques bien flagrant kot dans l'époque des Messies Jésus et Hazrat Mirza Ghulam Ahmad<sup>(as)</sup> ti ena la peste, de nos jours aussi, bane épidémies fine faner partout kot fine gagne Sida, La Vache Folle, Choléra, La Grippe Aviaire, FLU A H1N1 (La Grippe porc), La Fièvre Dengue et ena encore ki fine prédire par le Hazrat Muhyi'uddin Munir Ahmad Azim ki pou éclater kot pou fer le monde réaliser ki zot fine détourner du Créateur Unique.*

10) *Jésus ti encastrer par bane complots des Juifs, Hazrat Mirza Ghulam Ahmad<sup>(as)</sup> ti encastrer par bane magouilles des Musulmans, Arya Samaj et Chrétiens. Azordi aussi Hazrat Muhyi'uddin Munir Ahmad Azim fine encastrer avec blâmes et fausses accusations tel que la drogue, ena maîtresses dans tous pays ki li fine alle fer le dawa, et pou vol etc. Donc le Amir du Jamaat li aussi li pas fine quitte aucaine l'espace pou humilier Hazrat Muhyi'uddin Munir Ahmad Azim. Ki zot pas fine mijoté sous tapis pou encastré li ??? Vol lor vol fine passer à so domicile kot bane files et autre choses de valeurs fine disparaître. Même dans so l'auto, ene file de couleur noir fine disparate pendant ki li fine donne ene lift à ene membre de so famille. Le complot le plus terrible ki zot pé fabriquer de nos jours c'est que nous fine rentre dans l'époque de Hazrat Moussa<sup>(as)</sup>, kot so peuple ti pé pratiquer La Sorcellerie boucou. Hazrat Muhyi'uddin Munir Ahmad Azim li pas épargner de tel complots. Mais ça bane ignorants là, zot fine oublier complètement ki Allah<sup>(swt)</sup> reste avec So serviteur choisi ; tous ça là pas ena aucaine l'effet lor li malgré tout l'argent ki zot pé dépenser avec traiteur « docteurs sans souliers ».*

Renier bane prophètes c'est ene vieux réplique ki fine bien établi par bane malchanceux, mais bane chefs religieux de nous l'époque zot renier moi dans ene façon bien étrange. Moi mo celui ki fine paraître juste dans l'époque ki bizin et mo même ça dimoune kot l'éclipse soleil et la lune dans mois Ramadhan fine arriver comme ene signe ki ti prédire par bane prophètes avant ; et c'est moi-même ki dans mo le temps même kot fine ena la peste fine propager, couma le Prophète<sup>(saw)</sup> et le Quran fine dire, et mo ça dimoune ki dans mo l'époque, couma fine prédire dans bane traditions, ki alle pèlerinage à la Mecque pou bannir, et c'est mo même dans mo l'époque kot ça même z'étoile ki ti paraître dans le temps Jésus fils de Marie, fine ré-paraître encore, et dans mo l'époque même kot fine ena l'invention de train dans nous pays, kot chameau fine démoder et le temps pé approcher – non li bien près – kot train lors raille pou commence rouler entre Mecca et Madina et bane chameaux pas pou trop utiles et pou considère zot comme bane moyens de transport du passé, quand même fine servi zot continuellement pendant 1300 ans pou bane grands voyages. Et ça prédiction ki contenir dans Hadith *Muslim* pou bizin réaliser kot li dire : Zot pou abandonne l'usage de bane chamelle ki habituée servi, c.à.d personne pas pou rode servi chameau pou faire voyage.

Dans la même manière des certaines de signes fine apparaître dans mo faveur. Eski fine ena ene l'autre dimoune lor la terre kot li fine dépasse moi dans ça respect là ? Mo faire ene appel à Celui ki Li le Maître de mo la vie comme ene témoin, ki plus ki 200,000 signes fine manifester dans mo faveur jusqu'à l'heure et plus ou moins 10,000 l'âmes fine trouve le Saint Prophète<sup>(saw)</sup> dans zot rêves et ki fine donne bane témoignages en mo faveur.

En sus de ça, bane sages de grands renoms et ki bane dimounes bien exaltés spirituellement ki ena grands nombre de savants, dans les 400,000, zot fine trouve dans bane visions (Kashf) ki c'est vraiment moi-même ki fine vini de côté d'Allah. Ena fine mort 30 ans avant mo apparition, ene sage comme Gulab Shah, li habite à Ludhiana et li fine raconte ça à Mian Karim Bakhsh de Jamalpur ki Jésus fine né à Qadian et ki li pou visite Ludhiana.

Mian Karim Bakhsh ti ene homme pieux d'un âge avancer ki croire fermement dans l'unicité d'Allah. Li fine vine visite moi à Ludhiana et li fine raconte moi ça prédiction ki bane Maulvis fine fatigue li énormément, mais ki li pas fine prend zot compte.

Li dire moi ki Gulab Shah habituer dire en so présence ki Jésus fils de Marie pas vivant. Li fine fini mort. Jamais li pas pou retourner lors la terre encore. **Mirza Ghulam Ahmad** li le Jésus de ça nation ki, sous pouvoir divine et par Allah So sagesse, fine être créer comme pareil à Jésus et ki dans le ciel, li fine être appeler par le nom de Jésus. Chaque fois li dire : « *O Karim Bakhsh, quand ça Jésus là pou paraître to pou trouver couma li pou passe ene misère amère dans la main bane opposants, mais zot pas pou victorieux. Allah pou envoye li pou clarifier et embellir le Quran ki fine mal interpréter et bane commentaires mal donner. Li pou redonne le monde so vrai perspective original.* » Dans ça prédiction là le sage fine fini trouver ki Mian Karim Bakhsh pou arrive à ene l'âge avancer et ki li pou trouve le Messie personnellement.

Malgré tout ça bane signes et miracles et témoignages claires là, bane Maulvis là zot toujours ignore moi. Mais ça li pas étrange du tout et ça bizin arriver coumsa, ça prédiction : « *Zot bane ki fine êtes maudit* » là bizin accompli.

Nous bizin rappeler ki la vrai cause de tous ça bane l'opposition là, c'est stupidité ki ça bane Mullahs là fine servi et ki zot ti insister lors ça mauvais notion ki la venue du Messie Promis bizin accompli littéralement. Zot pas fine prépare zot pou accepté ene dimoune ki pé proclamé, mais ki pas pé paraître d'après zot bane prédictions littérale, et alors d'après zot bane prédictions là pas encore accompli. Mais comme bane faits li claire, ça li pas fine jamais arriver dans le passé. Tous bane signes et prédictions ki bane Juifs fine fabriquer et ki zot fine mette ça dans zot livres pas fine jamais accompli comme dans le cas de zot Messie. En sus de tout ça, ça bane dimounes maudits là zot fine arrange quelque signes étranges concernant l'avènement du Saint Prophète <sup>(saw)</sup>, ki bien sûr, jamais pas fine accomplir. Comme par exemple zot croire ki le prophète promis pou zot bizin né parmi bane Israélites. Mais, le Saint Prophète <sup>(saw)</sup> ti ene Ismaélite.

Si Allah ti oulé, Li ti pou bizin faire écrire ça dans le Torah ki le nom de « Ça Prophète là » pou appelle Mohammad <sup>(saw)</sup> et ki so papa appelle Abdullah et le nom de so grand-père pou Abdul Muttalib et ki li pou né à Mecca et ki plus tard li pou alle émigrer à Madina. Mais Allah jamais pas fine faire ça. Ça c'est parceki ça bane qualités prophéties là bizin ena épreuves.

## SEIZIÈME PARTIE

Ene fait ki nous pas capave ignorer, concernant l'avènement du Messie Promis c'est que ça fine fini prédire ki li, le Messie Promis, pou agir comme ene Arbitre pou tous bane sectes de l'Islam.

Couma li possible alors pou vérifier tous ça simultanément ?

Si l'Être Promis vérifier toutes les traditions de bane Ahl-i-Hadith, pou ena mécontentement parmi bane Hanafites, et si li approuve bane traditions des Hanafites, bane Shafis pou ennuyés, et de l'autre coté, bane Shiahs zot, zot pou attendre ki l'Être Promis bizin supporte en masse tous zot bane traditions ki zot fine collecter de bane livres à propos du Messie Promis.

Comment li capave, donc, faire plaisir à chaque secte ?

En sus de tout, le mot *Hakam* (arbitre) li même montrer ki li pou paraître quand tous bane sectes dans l'Islam fine dérouter de zot chemin.

*Hazrat Muhyi'uddin Munir Ahmad Azim kot li aller li alle fer so dawa, li aussi li servi le même argument de Hazrat Mirza Ghulam Ahmad<sup>(as)</sup> kot le Messie bizin descende dans l'Islam, la dernière religion et dans ene secte kot aucaine prophète pas fine rejeter, ene secte ki jamais pas fine traite les zot comme Kaafirs ou de Non-Musulmans. Bien souvent li fer zot comprend ki nous bizin réunis tous ensemble sous ene seul bannière de « Laa Ilâha Illallah ».*

Donc, li bien pas correcte pou chaque secte pou juge li même, pou mesure li même d'après so bane traditions. La procédure correcte pou bizin ki nous récolter l'avantage de bane signes ki fine accompli dans so le temps et nous bizin rejette bane fabrications humaines et bane l'idées ki passe dans l'esprit dimounes. Ça même ki bane Juifs sages fine bizin faire quand zot fine embrasse Islam. Zot fine accepté tous bane signes ki fine fini accomplir en la personne du Saint Prophète<sup>(saw)</sup>, et zot fine rejette le reste comme bane faussetés et bane fabrications. Si zot pas ti faire ça, ni la vérité de Jésus ti pou capave établi ni la vérité du Saint Prophète<sup>(saw)</sup>. Bane ki fine embrasse Islam zot obliger rejette des centaines de bane fabrications juives (zot bane traditions). De l'autre coté, zot fine observer ki beaucoup beaucoup signes fine accompli et dans ene l'autre coté, zot fine noter ki ene grande quantité signes claires fine manifester pou Allah en support du Saint Prophète<sup>(saw)</sup>. Zot fine prend l'avantage de ce ki fine accompli. Si zot pas ti pou adopter ça chemin là, pas même ene dimoune de parmi bane Juifs ti pou accepter l'Islam.

Ça c'est bane points bien frappant ki mo fine discuté dans différent occasions dans la présence de Maulvi Abdul Latiff et mo émerveiller quand mo entende de li ki li déjà au courant de tous ce ki mo fine élucider. Li fine aussi mentionner à moi, ene série de raisons ki faire bizin déclare Jésus comme fini mort et li croire fermement ki le Messie Promis besoin apparaître parmi bane musulmans. Ça faire moi rappelle ça vers là : « *Hassan de Basra et Bilal de Abyssinie...* »

## DIX-SEPTIÈME PARTIE

La plupart de so bane raisonnements li base li du Saint Coran. Bien souvent li ti pé dire : « Couma zot ignorants, ça bane ki dire ki la prophétie à propos ki le Messie Promis pou bizin être tracer de bane traditions, tandis ki la vérité, c'est que le Quran Shariff fine fourni tous bane preuves, concernant la mort de Jésus fils de Marie et ça preuve là li surpasse séki fine mentionner dans bane traditions (c.à.d le Quran shariff fini montrer bane preuves brillants, clairs, ki au lieu pou alle cherche dans bane Hadiths). En bref, Allah fine béni li avec ene la foi bien bien ferme et li fine accepter moi avec la même ferveur comme si li fine trouve moi descendre du ciel avec des milliers d'anges.

*Ça même ki Hazrat Mirza Ghulam Ahmad<sup>(as)</sup> ouler avec bane membres de so Jamaat ki nous tous gagne ene la foi solide couma bêtôn et accepter ene Messenger de Dieu couma li dans so l'époque. Nous les membres du Jamaat Ul Sahih Al Islam, nous ena la chance pou être ensemble avec le Messenger d'Allah d'aujourd'hui pareil couma Sahibzada Abdul Latiff ki pas ena la moindre la grain la moutarde de chagrin dans so le cœur kan zot fine persécute li à mort – li fine préfère accepte lapidation (crases roches lors so la tête) ki li tourne ledos avec bane signes et manifestation d'Allah ki li fine témoigner kan li fine reste en compagnie avec Hazrat Mirza Ghulam Ahmad<sup>(as)</sup>. Malchanceux à ceux ki fine témoigner, vivre avec le prophète d'Allah, mais à cause zot « Family Feelings » et l'influence de zot famille contre le prophète d'Allah fine être plus fort ki bane signes ki zot même personnellement fine recevoir et zot même fine vine raconter, mais dommage zot fine laisse zo influencer et zot fine tourne lors zot talons. Ena fine gagne la chance pou marier après avoir ki li fine écoute la révélation divine. Ça moment là, li pas ti guette à gauche et à droite, li dire si révélation là dire ça, mo pou marier ! Mais après ki fine arriver ? Allah fine servi ça mariage là même comme ene test pou li – voilà ki zot tous le deux renier la manifestation et zot vire zot le dos avec le Messenger d'Allah tout en insinuant des blâmes et des mensonges à so propos. Ça même bane dimounes (bane ce ki fine témoigne et gagne bane signes) zot dire ki zot ti dans ene moment de l'ignorance et zot ti laisse zot influencer par ça bane signes là. Ça même ki Allah mentionner dans le Quran Shareef – bane ce qui zot croyance pas ti solide. Donc Hazrat Mirza Ghulam Ahmad<sup>(as)</sup> pé décrire ça la foi insecouable (solide ; bien ferme) de Sahibzada Abdul Latiff. C'est ça qualité membres là ki ti besoin ena dans so Jamaat. C'est que jamais zot renonce à l'arrivée d'ene Messenger d'Allah. Dans Quran Shareef même ena bane versets clairs ki prouvé ki la porte prophètes pou reste tout le temps ouvert jusqu'à le Jour du Jugement.*

Mo fine donne ene ti mention à l'expression de « descende » ki bien servi dans langage Arabe et ki mentionner dans bane traditions en connection avec l'arrivée du Messie Promis. Pas de doute quand nous servi ça expression là, ça veut dire « la courtoisie et l'honneur ». Dans ça cas là, comme par exemple, nous dire l'armée fine descendre dans partie ça pays là, ki veut dire ki l'armée là pé camper dans ene certain place.

Ça l'expression là, nous servi li dans nous langage aussi. Comme par exemple, nous capave demande ene nouveau venu dans nous la ville : « A cot to fine descende ? » ça veut dire : « Kot to pé rester ? »

Allah fine aussi mentionner dans Quran Shariff en respect du Saint Prophète<sup>(saw)</sup> : « *C'est Li, Allah ki fine envoye (faire descende) ça prophète là* », ou fine mentionner dans les Évangiles ki Jésus et Jean (le Baptiste) fine descende depuis lors le ciel.

Bane mots « fine faire descende », ça aussi démontrer le fait ki beaucoup augments capave donner en support du Messie Promis ki tous bane dimounes sage et perspicace pou accepter la vérité comme-ci li fine fini descende depuis lors le ciel. Maulvi Abdul Latiff fine fini montrer so décision ferme et so la foi ki personne pas pou capave vire so la tête à propos so la foi devant le monde. Pas ena aucaine autre sacrifice ki capave excède le fait ki ene quicaine donne so propre la vie. Et la façon ki li fine mette so bane preuves là ki li ena croyance complète dans moi comme si li fine trouve moi descendre du ciel et ça fine rende tous aspects de mo proclamation absolument claire comme la lumière li jour kot tous dimounes trouve claire pou guetter.

En premier lieu, le Quran Shariff fini mette ça claire ki Jésus fils de Marie fine fini mort et ki **JAMAIS** li pas pou retourne dans ça le monde là encore et même si zot amène plisse ki 100,000 traditions devant nous, contredire le Quran Shariff, nous pou déclare tous ça bane Hadiths là comme étant fausse et fabriquer par bane malfaiteurs. La vérité se trouve zis dans le Quran Shariff. Nous accepter seulement bane Hadiths ki pas en contradiction avec le Quran Shariff.

Le Quran Shariff fini donne so verdict final et ki basé lors le mot « **MINKUM** » (de parmi ou), donc fini déclarer ki, « *Tous bane successeurs du Saint Prophète* <sup>(saw)</sup> *pou né que de parmi bane musulmans et ki li pou rassembler à Jésus fils de Marie* ».

Le Messie Promis pou vine dans so pouvoir et l'esprit. Bane les autres successeurs pas pou gagne aucaine les autres titres et pas de prédiction spéciale pou mentionner à zot égard couma fine mentionner pou le Messie Promis.

Le mot « **MINKUM** » (de parmi ou) li là dans *Bukhari* comme dans *Muslim* ki fine bien mette li clair ki le **MESSIE PROMIS POU VINE PARMIS BANE MUSULMANS SEULEMENT**.

Donc, si quelqu'un réfléchi bien lors ça point là sincèrement et sans ambiguë, ou pou réussi arrive à la conclusion ki le Messie Promis pou bizin vine de bane musulmans.

Concernant mo proclamation, ena tellement de signes, beaucoup de signes même et d'arguments en mo faveur ki a moins faudrait même li ene grand ignorant, ene dimoune sans aucaine valeur morale même – la personne bizin, li péna aucaine alternatif à part ki bizin croire dans moi exactement pareil couma li fine croire dans le Saint Prophète <sup>(saw)</sup>.

Eski ça bane arguments là pas suffit pou prouve mo proclamation, ki le Quran Shariff même fine mentionner à plusieurs reprises et ki ena ene quantité de bane signes ki comme si dirai ki mo nom personnel fine mentionner même là-dans ?

Dans bane Hadiths même mentionner le nom de mo village sous le mot « *Kad'ah* » en sus de ça, dans bane Hadith fine établi ki le Messie Promis pou né dans le 13<sup>ème</sup> siècle et ki li pou proclamer dans le 14<sup>ème</sup> siècle de l'Hégire.

Dans Sahih Bukhari fine donne mo description clairement et fine déclare ki tous bane activités du premier Messie pou en particulier consacrer à l'est, c.à.d l'Inde. Fine aussi mentionner ki le Messie Promis pou apparaître à l'est de Damas. Et fine encore mentionner ki à l'époque quand le Messie Promis pou faire so proclamation et quand so bane opposants pou bien actifs dans zot l'opposition, dans le mois de Ramadhan, pou apparaître les signes de deux éclipses, la lune et soleil, et la peste pou propager lors la terre.

En sus de tout ça, dans le Quran Shariff et dans Hadith, dans les deux fine prédire l'invention de trains et ki l'usage chameau pou vine inutile, démoder, pou ne plus servi. Fine aussi mentionner ki le pèlerinage à la Mecque, Hajj, pou bête et bane pouvoirs chrétiens pou en domination.

Dieu fine fini faire des centaines de ça bane signes accompli en mo faveur et ki ça bane signes là fine aussi prédire dans Écritures anciens et par bane prophètes ki fine vini avant le Saint Prophète <sup>(saw)</sup> et mo venue dans le temps approprier du siècle et ki des milliers d'hommes pieux ki fine fini être avertis, dans zot visions de mo venue ; et le Quran Shariff et le Saint Prophète <sup>(saw)</sup> ki fine prédire ki le Messie Promis pou descende que parmi so bane suivants et ki li pou ena le support de Dieu Le Tout Puissant (en mo faveur) et plus ou moins 200,000 dimoune pou prend le serment d'allégeance (*Baiat*) dans mo la main et zot pou adopter le pas de la piété et la droiture, et ki la fondation de la chrétienté pou secouer dans mo l'époque, tellement zot pou secouer ki doctrine de la Trinité pou fondre couma la neige ; et ki bane musulmans zot pou divisé en plusieurs sectes et groupes séparé et zot pou dégénérer (zot pou vine bane malfaiteurs) et zot pou adopter beaucoup d'innovations et croyances dans divers formes de « *Shirk* » ; et zot pou adopter bane mauvaises habitudes comme boisson alcooliques et bane débaucheries et zot pou coquin et impliquer dans bane falsification de bane z'affaires important et ça pou propager largement et ça pou cause ene désastre dans le monde ; et pou ena bane grand changements dans tous aspects de la vie dans le monde et bane dimoune sages du monde entier zot pou crier et assoiffer d'ene **Réformateur** ; et tous bane hommes pieux zot pou humilier et frustrer devant

moi ; et le sujet de bane langages et expressions hors de l'ordinaire et bane millions de signes zot fine apparaître en mo faveur ; tous ça bane signes là zot bane preuves suffisant pou bane dimounes qui ena la crainte d'Allah dans zot lé cœur pou accepter moi.

Ene quantité dimounes ignorants zot fine objecter ki certaines prédictions pas fine accompli en mo faveur – comme l'histoire de Atham et aussi concernant la mort du gendre de Ahmad Beg. Ça bane qualité dimounes là zot bizin ena la crainte du Créateur dans zot le cœur dans le fait ki des centaines de milles de prédictions fine accompli couma la lumière le jour. Si zot pas capave assimile la vérité concernant ça bane prédictions, bizin colle ça lor zot propre malentendu et zot dureté de cœur. C'est zot propre faute ki zot renier des milliers de signes, d'arguments et de miracles. Si ça qualité renoncement li justifiable nous ti bien content pou conne le nom de ça prophète là qui l'accomplissement de so bane prédictions pas fine contester.

A nous prend le cas du prophète Malachie qui so prophétie apparemment pas encore accompli. A kot Élias fine descende du ciel ki bane Juifs pé tant attane anxieusement ? Le Messie qui ti ena pou apparaitre après Élias fine réellement apparaitre bien bien longtemps.

Encore, quand ça prophétie de Jésus là fine accompli kot fine prédire ki dans bane générations à venir, pou ena encore bane dimounes dans so l'époque pou encore vivant quand li pou retourner lor la terre ? Quand ça prophétie de Pierre là fine accompli kot Jésus fine dire qui Pierre fine gagne la clef paradis dans so la main ? Quand ça prophétie de Jésus là fine accompli quand li fine dire ki li pou rétabli le trône de David ? Quand ça prophétie de Jésus là fine accompli kot li fine dire ki so douze disciples pou assise lor 12 trônes ? Tandique qui Judas fine trahir li et fine déserte li et ki fine trouve so place dans l'enfer et alors ti bizin remplace li par ene nouveau apôtre – ene procédure qui même Jésus jamais pas fine rêver.

Bane choses similaires fine aussi mentionné dans bane Hadiths. Comme par exemple, Durr-i-Mansoor fine aussi mentionner ki le Prophète Jonas (*Yunûs*) fine prononcer avec ene l'idée claire et sans ambiguïté contre bane dimounes de Ninnevah ki la colère de Dieu pou descende lor zot et ki zot pou détruire complètement après 40 jours. Mais jamais pas fine ena la colère d'Allah fine tombe lor zot et jamais zot pas fine détruire. C'est à cause de ça ki Jonas fine bizin sauvé de so la ville avec grand embarras. Ça prophétie là mentionner dans le livre de Jonas dans Ancien Testament ki bane chrétiens aussi croire ki ça vine de côté Dieu Le Tout Puissant. Malgré tous ça bane désaccords là, bane musulmans zot encore croire dans tous ça bane prophètes et zot prend tiguite compte lors bane critiques adverses.

Concernant ça deux prophéties là à propos de Atham et gendre de Ahmad Beg, zot fine soulève grand objections ; nous fine répéter plusieurs fois ki prophétie qui fine fer à propos de la mort de Atham, ça fine accompli dans tout respect. Aller, alle roder kot Atham été. Guetter si pas li vivant or bien li fine mort. S'il vous plait mette dans zot l'esprit ki vrai substance de ça prophétie là c'est que celui qui pas véridique pou mort durant la vie même de ça véridique là. Donc, fine ena ene bon l'époque kot Atham fine fini quitte ça le monde là.

La prophétie concernant Atham so la mort dans l'espace de Quinza mois fine ena aussi ene condition attacher a ça qui dire :

« *A moins qui li tourne vers la vérité* », ça condition là aussi fine publier, en premier instance ensemble avec la prophétie. Mais Atham fine réellement rétracter dans le même rassemblement kot ti ena ça causer là après ki mo fine dire ça explicitement ki vrai cause de ça prophétie là c'est que li fine dire bane mauvais causé lor le Saint Prophète <sup>(saw)</sup> dans li fine appelle li par « *Dajjal* » (l'Anté-Christ) dans so livre. Quand li fine tende ça, so figure fine vine pale et avec remord et humilité, li fine tire so la langue et fine touche so deux oreilles avec so la main et li fine dire humblement et avec douceur : « *Mo pas ti aurait du dire ça qualité causer là lor le Saint Prophète* <sup>(saw)</sup> ». Ça le temps là li ti exprime so la honte et so l'humilité, et li fine fer tous ça là en présence de plus de 60 dimounes, incluant kot ti ena bane musulmans et chrétiens. Est-ce qui so l'attitude pas ti ene preuve pratique de so remord et de so rétraction ? Si non, bé ki ça veut dire alors ? Pendant plis ki

Quinze mois après ça incident là, fine reste à l' écart, distant et li fine abstenir li, de bane critiques adverses et li fine fini place li dans l'état de la pénitence et dans ene l'état de gémissement, et li ti pé essaye vine ene nouveau dimoune.

Ça comportement anormal de Atham là bizin satisfaire et convaincre n'importe ki bane dimounes ki honnêtes et ki réfléchi correctement pou zot vine à la conclusion ki Atham, en fait réel, ti pé essaye faire bane amandements pendant ça période de Quinze mois là.

Donc, à cause du fait ki Atham fine gagne la crainte du Créateur dans so le coeur et ki li fine cherche refuge dans l'humilité et dans la douceur et ki li fine abandonne l'arrogance et l'insolence et aussi à cause li fine garde li loin de bane méchants, li fine reste loin de bane monteurs la tête, ki ti so bane camarades de Amritsar et li fine alle reste dans Ferozpour. Sa changement radical de so comportement là fine procure li un peu de répit de Dieu le Tout Puissant.

Dans zaffaire Leckram, li ti bien différent d'Atham. Li pas ti montrer aucaine changement dans so l'attitude quand ti donne li so délai et li fine continuer dans so la haine et l'enemité et li pas fine montrer le moindre signe d'humilité ou de douceur de cœur. En fait, li fine augmente so insolence et so têtû et li fine continuer blasphème l'Islam dans tous coins la rue, dans bane la villes et grand cités, dans tous coins du pays.

Donc, li fine être appeler pou li rende compte lors tous ça là. So la langue fine marcher couma ene couteau fitté dans lance bane abus et ki réellement fine tourne en ene lame d'acier bien fitter, éguizé ki ça même fine coupe li en morceau.

## DIX-HUITIÈME PARTIE

Concernant le gendre de Ahmad Beg, zot tous conner ki ça prophétie en question là ti applicable à deux dimounes seulement – Ahmad Beg li même et so gendre. Premier partie de ça prophétie là fine accompli durant période ki ti spécifier et Ahmad Beg fine décéder après ça, et avec so la mort, ça fine détermine le sceau de la vérité à la moitié de ça prophétie là. Concernant l'autre moitié, li bien regrettable ki la décence et l'impartialité, pas fine pratiquer pour soulève bane objections. Nous pas fine tende personne dire nous admette ki premier partie de ça prophétie là fine accompli. Ça pas justifier bane ki appelle zot même bane croyants. Dans ça respect là, zot fine suivre comportement de bane Juifs et fine ignore complètement bane faits et la vérité. De nous part, nous pou ignore zot mauvais l'attitude pou supprimer bane faits et nous pou explique la vérité à propos ça prophétie là. Ça prophétie là, pareil couma celui d'Atham, implique ki li pou accomplir si aucaine d'entre zot pas montrer aucaine signe de regret ou de crainte. Ahmad Beg pas fine montrer aucaine signe de ça (c.à.d remords) et fine continuer penser ki ça ti ene fausse prophétie. Mais so gendre et so bane familles (de côté gendre là), fine gagne ça l'expérience terrible là pou témoigné ki ene partie de ça prophétie là fine accompli. Le fait ki li naturelle ki ene dimoune li terrifier quand li expérience ene telle expérience ki bouge le coeur même, alors gendre là ti gagne bel et bien la crainte et de ce fait, Allah Le Très Grand fine gracier li.

*Ou pou remarquer ki dans tous livres Hazrat Massih Maoud<sup>(as)</sup>, li mentionne tous so bane l'ennemis ki ti fer du tort à l'Islam ainsi ki le Quran Shareef parle des ennemis de Hazrat Mohammad<sup>(saw)</sup>, bé ou croire Hazrat Muhyi'uddin Munir Ahmad Azim, le Khalifatullah de cette époque (ou croire li pou marche lor « tapis velours rouge » ???) Ou croire ki bane ki pas croire dans so proclamation pou laisse li tranquille ??? Par contre ena ene bane dimounes ki pé revendiquer lor zot Website, mais zot pas pé gagne aucaine coup de roche – ki fer ??? Parcequ'i zot pas ça pié ki pé rapporte fruits là – Bane membres du Jamaat dans ki li ti été même, so bane proches de so propre du sang même ki pou déclenche tous ça bane problèmes là. Pou narien ti ena Abu Jahal, Abu Lahab et d'autres criminels dans le temps de Hazrat Mohammad<sup>(saw)</sup> ??? Pou narien Hazrat Mirza Ghulam Ahmad<sup>(as)</sup> fine raconte l'histoire de so bane l'ennemis, d'Atham, de Pandit Lekhrum etc.*

*L'histoire pas bizin continuer pou d'autres Messie ki pou bizin vini à l'avenir ???*

*A nous de réfléchir... Et comme tous les Messagers de Dieu, très peu ki reste ferme autour de li, ena ki vini et aller, mais de tout temps c'est les autres peuples ki vini pou prend ça de l'eau pure ki descende du ciel. Jésus même pas fine bizin entame ene longue voyage pou li accompli so mission ki Allah fine donne li ??? D'autres peuples pas fine bénéficier so message ? Noë pas ti bizin mette quelques disciples dans l'Arche et li fine alle dans ene l'autre l'endroit ? Hazrat Mohammad<sup>(saw)</sup> pas fine bizin alle Medina kot là-bas le message d'Allah fine descendre couma ene la pluie torrentiels – et Alhamdulillah azordi nous pé jouir et réjouir de ça bane versets là.*

*Donc, tous prophètes bizin passe par ça chemin là pou ki li réussi ce qui Allah fine donne li instruction pou fer ; barrer couma ou content ; la main d'Allah ki pose lors So Serviteur Choisi. Bane ki fine quite la manifestation divine, ki zot alle réfléchi des milliers de fois avant ki zot quite ça le monde là – pas vine couma ça bane dimounes couma Allah mentionner dans le Quran Shareef. Attention ou chagrin et ler là ou pou demande Allah pou retourne ou lor la terre, coumsa n'importe kan Li pou avoye So prophètes astère, ou pou croire. Ou bien ou pou rode donne tout ou fortune comme bribe à Allah pou ki Li pas jette ou dans du feu de l'enfer. Prends garde !!! Par contre si ou fine martyriser par bane l'ennemis du Messenger à cause de la révélation et ki ou pé suivre le prophète d'Allah ; alors ça ou garanti ki ça secousse là li juste pou quelques secondes lor la terre, sanlà là ou sure ki ou pou gagne ou récompense et ki Allah et So bane anges pou recevoir ou avec des guirlandes tout comme Sahibzada Abdul Latiff couma nous lire dans bane livres de Hazrat Mirza Ghulam Ahmad<sup>(as)</sup>. Nous pou jouir ene la vie éternelle bien tranquille et dans contentement pour nous bane bon sacrifices lors ça la terre là.*

*Tout comme Hazrat Mirza Ghulam Ahmad<sup>(as)</sup> pé support so proclamation avec bane révélation ki li fine recevoir, Hazrat Muhyi'uddin Munir Ahmad Azim li aussi li pé support so proclamation avec bane révélation ki li fine recevoir. Seulement alle lors so Website ; Insha-Allah, Allah pou ouvert ou le coeur et ou capave gagne Imaan. Allah choisi ou pou faire bane grands grands travail ki jamais ou expect ki ou capave faire ça. Allah pas donne tous dimounes « n'importe » pou faire le travail de Sahih Al Islam. Li donne la chance pou ou faire le travail de Deen, mais si ou le cœur pas attacher avec le travail et ou trouver ou pas pé capave cope, ler là même ki ou alle perdi ça faveur là. Tout*

*comme ça anecdote ki 500 Uléma ti responsable pou faire le travail de Deen et fine paye zot pour ça pour ki zot pas fer bane les autres travail et fine donne zot, tous zot nécessité pour ki zot capave fer le travail de Deen, et zot tous fine mette la tête ensemble, fine écrire que 16 volumes. Mais Allah So Serviteur Choisi, li ti fine écrire 30 volume li tout seul avec ene le cœur pure sans aucune nécessités et salaire. Ça donne nous pou réfléchir, nous pas bizin laisse nous perdi bane faveurs kot dans aucaine place dans ça le monde là ou pas pou gagner.*

Donc, tous ça bane objections et critiques zot pé faire ça par ignorance et par zot aveuglement et zot ti l'esprit et zot pas basé lor ene recherche de la vérité et l'honnêteté. Eski capave, ça dimounes ki fine gagne plus ki ene million signes, eski capave accuse li de fausseté simplement à cause quelque personnes ignorants ki pas fine capave percevoir la vérité et ler là zot fine commence faire bane complaints ki bane prophéties pas fine accompli ?

**MOI MO DECLARER, MO FAIRE ENE PROMESSE SOLEMNELE KI MO POU PAYE LI MILLE ROUPIES, CELUI KI CAPAVE, KI LI ENE CHRETIENS OU ENE SOIT DISANT MUSULMAN, CELUI KI CAPAVE MONTRER KI CELUI KI ZOT PÉ ATTENDE POU DESCENDE DEPUIS LOR LE CIEL, LI FINE FER BANE PRÉDICTIONS KI FINE ACCOMPLI PLUS CLAIREMENT KI MO BANE PRÉDICTIONS.**

Mais la méthode ki zot pou servi pou prouver ki li pas pou simplement présente le Quran Shareef ki li fine prononce Jésus (as) comme ene Prophète de Dieu. Parcequi moi aussi mo croire et mo proclame fermement ki le Quran li ene témoin de mo véracité aussi. Le mot 'Yasoo' pas paraite dans aucaine place dans Quran Shareef, mais le mot 'Minkum' en mo faveur, capave facilement trouver.

A part ça, ena bien beaucoup point dans Quran Shareef ki en mo faveur. Ki mo pé rode dire ce que la comparaison entre mo bane prophétie et ce de *Yasoo* bizin instituer dans ene manière justicière et après ça bizin donne ene verdict lors bane prophéties ki fine réaliser totalement ou partiellement et ki ça bizin deboute comme ene test de raisonnement logique, et ki même ene non croyants du Quran Shareef capave suivre ça pas de raisonnement là et ki li capave exprime so l'opinion ki indépendant coumsa li capave trouver kot la vérité été.

En sus de tous ça – ce qui mo bien chagrin ki nous bane opposants, bane soit disant musulmans, zot totalement bane ignorants de bane principes de L'Islam. Normalement dans l'Islam li acceptable ki tous bane prophétie avec conditions zot pas nécessairement être accompli en entier. Comme par exemple, pé capave donne ene dimoune ou ene peuple ene avertissement ki la colère d'Allah pou tombe lors li. Li bien possible ki so l'accomplissement capave prend le temps ou renvoyer ou même dans certaines cas pas être accompli ditout même. Ça ki fine arrivé exactement dans le cas de ça prophétie du Prophète Jonas ki ti bizin accompli après 40 jours. Mais ça jamais pas fine arriver. Au contraire de ça, ene prophétie ki fine prophétise ene récompense ou bénédictions d'Allah, ça jamais pas pou faillir dans so l'accomplissement. Parceki nous Dieu Le Tout Puissant fine dire : « *En vérité, Allah jamais alle à l'encontre de So promesse.* » (3:10)

Mais aucaine part li pas fine dire ki Allah pas acte au contraire de So bane avertissements. L'idée derrière ça ce que la prédiction d'ene avertissement capave écarter ou éviter à travers ene pénitence, ene supplication ou donne la charité.

Tous bane prophètes d'accord dans ça respect là et déclarer ki ene prophétie ki donne ene avertissement d'ene punition de Dieu capave éviter en offrant beaucoup de la prière, avec beaucoup de crainte et expressions d'humilité et de douceur.

Donc, ou capave digère le fait ki n'importe ki punition ou rétribution divine vine ene prédiction seulement quand Li envoie So l'intention à travers So prophète. Le Saint ou le Prophète, à zot tour zot bizin faire tous dimounes conner ou la personne concerner conner. Donc, ça c'est ene fait bien établi ki prédiction capave enlevé.

Retournons à nos moutons, nous envie écrire lors Maulvi Abdul Latiff Sahib so venue à Qadian. Li fine apprane de moi, dans de profonds détails tous bane points fondamentaux de mo proclamation et pendant so séjour de plusieurs mois à Qadian, et même li ti fine accompagne moi à Jhelum, li fine observe beaucoup de signes ki fine manifester en mo faveur. Après avoir ki li fine témoigne tous ça bane signes ki pas commun, ki pas de tous les jours, et tous ça bane miracles là, li fine être rempli de zèle et ene la foi ki extraordinaire dans moi.

Quand li ti en mo compagnie, ça fine faire so la foi encore plus augmenter à ene très haut niveau et li fine atteindre ene spiritualité de haut degré.

Mo fine explique li aussi la réponse d'ene critique et ça ti faire li extra content pou tender. Mo fine dire ki comme le Saint Prophète <sup>(saw)</sup> li ti couma semblabe à Moïse et so bane successeurs zot couma bane semblables à bane Prophètes Israélites, pourquoi donc ki le Messie Promis li tout seul fine gagne le titre de « prophète » dans bane Hadiths et cependant bane les autres successeurs, zot pas fine être appelé par « prophètes » ? So finalité ti pou douteux. De l'autre coté, si aucaine de ça bane successeurs ti ene prophète, so similarité avec Moïse ti pou en danger, car tous bane successeurs de Moïse fine atteindre le rang de prophètes. C'est pourquoi la sagesse d'Allah fine ordonne ki bane successeurs d'autresfois dans le temps du Saint prophète <sup>(saw)</sup> pas fine donne zot le rang de prophètes, mais le dernier successeur fine gagne le titre de prophète coumsa pou ena ene similarité dans tous les deux dispensations en matière de succession.

Dans ça connexion là, nous fine expliquer tellement beaucoup de fois ki l'apostolat du Messie Promis fine acquérir ça statut là à cause li tellement fine dans l'obéissance parfait de so Maître ki li fine vine so **ZIL** (l'ombrage). Dieu Le Tout Puissant fine dire moi : « *O Ahmad, to fine élevé comme ene prophète* ». Ça veut dire : *To* fine être appelé Ahmad malgré ki to propre nom li Ghulam Ahmad, similairement toi aussi to mérite le titre de prophète parceki Ahmad li ene prophète et so l'apostolat pas capave séparer de li.

## DIX-NEUVIÈME PARTIE

Ene jour, pendant le cours d'ene conversation, fine mentionner ene Hadith ki dire : Le Messie Promis pou descende ***couvert dans deux la toile jaunes***, ene pou couvert so parti là-haut et l'autre pou couvert so parti enbas. Mo fine donne ene explication ki ça veut dire ki le Messie Promis pou souffert de deux maladies parceki, d'après bane interprétations de bane rêves et visions, linge jaune signifie ene type de maladie. Mo souffert de ça deux maladies là. Ene, c'est mo gagne ene trouble chronique de maux de tête et l'autre c'est diabète et Diarrhée.

*Ça morceau là, nous trouver ki Hazrat Mirza Ghulam Ahmad <sup>(as)</sup> pas honteux pou raconte, et mette officiel ki ça prophétie là applique pou li même, donc li admette ki li souffert de ça deux maladies là. Donc nous tous conner ki li prend beaucoup de médicaments. Alors ki faire azordi bane Ahmadis même critique le Messie d'aujourd'hui ki li ene fou, li prend médicaments et ki li droguer ? (Eski zot capave prouver ?!!!)*

Maulvi Abdul Latiff ti pé encore reste avec moi quand Allah fine béni li. Ene changement radical fine passé avec li. La porte de vision et de révélation fine ouvert à li. Par Allah Le Tout Puissant de Qui li recevoir la guidance et la verification à mo propos. C'est ça la raison ki faire li fine accepter avec la joie pou être martyr ki maintenant mo pou donne ene description.

Durant les 1300 ans de l'Islam, à l'exception de bane compagnons du Saint Prophète <sup>(saw)</sup>, pas ena aucaine exemple ki parallèle à celui de Maulvi Abdul Latiff Sahib kot li fine produire bane évidences très solides en donnant so la vie en support de mo véracité. Li fine donne so la vie et li fine produire ene preuve éternel en support de mo proclamation comme le Messie Promis. Pas ena aucaine doute ki quand li fine donne so la vie dans ça manière là, li ene signe glorieux en mo faveur.

Mais seulement bane ki doués de clairvoyance et vrai compréhension capave apprécier ça pleinement, en totalité. Eski quicaine capave sacrifier so propre la vie et envoye so épouse et zenfants à zot destruction pou ene cause douteux ? Ça personne respectueux là pas ti ene dimoune ordinaire. C'est ene personne bien important ki possède bane la terre et bane propriétés ki vaut par des millions en Kâbul et li propriétaire d'ene quantité de biens dans territoire britannique. Li ene savant de haute estime ki reconnu comme le chef de bane pieux, et li reconnu comme le plus savant du Saint Coran, li ena ene grande connaissance lors le Quran Shariff, bane Hadiths et Jurisprudence (système de loi) Islamique. C'est li même ki tenir la barre quand ena la cérémonie de la couronne du Amir et quand le Roi fine mort, c'est li même ki dirige la prière funéraire (Janaza) du Roi, Amir. Mo fine gagne tous ça bane informations là d'ene source fiable, digne de confiance. Ene fois li dire moi ki li ena plus ki 50,000 disciples dans l'état de Kâbul, là-dans ena ki ena grand grand postes dans royaume Amir.

En bref, sa personne respectable là ti ene dimoune bien renommé dans l'état de Kâbul. Pas ena personne égal à so piété, so sagesse, so l'honneur et so statut dans so la famille. A part ki appelle li par Maulvi, li ti aussi connu sous le titre de Sahibzaba et Akhwandzada et li ti ene prince dans so pays.

Li ti possède ene bibliothèque privé ki ena ene grande quantité de livres de Hadiths, Jurisprudence et Histoires, et ki li même li ajoute encore plus de livres. Li ti ene grand sage, beaucoup de bane chercheurs de connaissances et bane centaines dimoune ki vine vers li comme des disciples et quand zot sorti de côte li, zot vine bane Maulvis après ki zot fini faire zot l'étude avec li. Malgré ki li possède ça statut très haut là, li ti bien doux et humble dans so façon d'être ki ti seulement d'après statut de celui ki devoué li complètement à Dieu. Li ene kitchose commun ki bane ki réussi dans bane accomplissement scolaires (de la connaissance) et zot fine populaire, alors zot gonflé d'orgueil et ça fine ene obstacle dans zot recherche de la vérité et pou accepter li.

Mais ça dimoune là li, li pas ti prend tous ça là compte, malgré ki li ti remplie de vertus et li ti ena ene rang sociale très élevé, jamais li ti hésiter pou reconnaître et accepter ça la vérité quand li arrive trouve li.

Ultimement li ene dimoune ki pas hésiter pou sacrifier, pou donne so la vie pou la cause de la vérité et li donne ene grand l'exemple couma fine ordonner par Allah, pou ki nous communauté suive.

Maintenant nous pou raconte l'événement du martyr de ça personne respectable là et nous pou décrire la façon brutale ki li fine passer, comment li fine être torturé et assassiné et nous pou montrer so fermeté dans so la foi ki personne pas fine monter dans ça le monde illusion là, à moins ki ena li rempli de la foi parfaite, ki li montrer. Mais tous ça ti destiner pou arriver car Dieu Le Tout Puissant fine dire moi 23 ans de cela à so propos et à propos d'ene de so disciples. Mo fine déjà mentionner ça kitchose là dans mo livre « *Braheen-i-Ahmadiyya* ». Ça dimoune noble et honorable là non seulement li fine jouer la partie majeure dans l'accomplissement de ça révélation là mais aussi li fine manifester d'autre signes ki nous pou raconte plus tard et nous pou rapporte ça prophétie là dans ça l'optique là.

Nous bizin rappelle ki dans la prophétie ki mo fine cité dans « *Braheen-i-Ahmadiyya* » fine faire mention de deux cas de martyr.

Le premier c'était celui de Mian Abdul Rahman, ene de so bane disciples (de Maulvi Abdul Latiff Sahib) ki fine passer dans le règne de l'Amir Abdul Rahman, le père de souverain actuel de Kâbul. Donc, nous pou raconte premièrement le martyr du disciple de Maulvi Sahib.

### **LE MARTYR D'ABDUL RAHMAN, ENE DISCIPLE DE MAULVI SAHIBZADA ABDUL LATIFF, CHEF DE KHOST DANS L'ÉTAT D'AFGHANISTAN**

Avant deux ans avant la torture de Sahibzada Maulvi Abdul Latiff, ti ena ene de so disciple très pieux ki ti appelle Mian Abdul Rahman, li ti vine à Qadian deux ou trois fois sous l'ordre de so maître.

Chaque fois li fine vine reste avec moi pendant plusieurs mois. Étant donné ki li fine reste en mo compagnie et ki li fine écoute mo bane discours et mo bane enseignements, so la foi fine augmenter énormément et quand li fine retourne à Kâbul li fine fini acquérir pleinement tous so bane enseignements fondamental. C'est durant so séjour avec moi ki mo fine publié quelques livres en réfutations de l'idée de **JIIHAAD** – La Guerre Sainte.

Li fine fermement croire (par la suite) ki nous Mouvement ti **contre** la conception de *Jihaad* couma tous dimoune habitué croire (c.à.d, ki *Jihaad* li faire avec l'épée).

Ene fois fine arriver ki après ki li fine dire moi adieu et retourner, li fine arrive à Peshawar kot là-bas, par chance, li fine rencontre Khwaja Kamaluddin, ki li aussi li ene de mo suivants. Khwaja Kamaluddin ti publier ene livret kot li fine condamne la guerre sainte. Li fine bien impressionner par so raisonnement ki ouvertement li fine discute lors ça topique là aussitôt li fine arrive à Kâbul. Li fortement supporte so l'opinion ki li pas permissible pou faire la guerre sainte contre bane Anglais car zot pé apporte la paix et la protection à des millions de musulmans ki pé vivre dans zot territoires en paix et harmonie parfaite entre zot tous.

Ça information là fine arrive jusqu'à dans oreille Amir Abdul Rahman à travers quelques méchants Punjabis ki à so service dans so royaume. Zot fine dire li ki Maulvi Abdur Rahman li ene disciple d'ene Punjabi ki pé proclame li comme le Messie Promis et ene de so l'enseignement li pas juste, ki pas bizin faire la guerre sainte contre bane Anglais, mais ki dans ça l'époque là *Jihaad* pas légal du tout. En entendant cela, le Amir fine faire ene grand la rage et fine donne l'ordre pou arrête ça dimoune là et zot pou conne plus détails ki relier avec ça après avoir ki zot pou questionne li.

## VINGTIÈME PARTIE

À la fin, zot fine prouver ki ça dimoune là li ene disciple du Messie Promis ki oppose fortement l'idée du Jihaad. Donc, ça pauvre victime d'oppression là fine être étranglé jusqu'à ki li fine trouve la mort. Zot fine étrangler li avec ene la toile. Fine rapporter ki beaucoup de signes célestres ti manifester quand li ti pé être torturer et martyriser.

*Bane vrais disciples d'ene Messie ou Messager zot aussi zot gagne ça faveur d'être puni par zot bane proches et par bane Amir de la communauté kot zot pou insisté pou tire informations avec zot (bane disciples) et pou faire zot renonce à zot croyance. Nous prend l'exemple de Maulvi Abdur Rahman ki ti ene vrai croyant du Messie Promis. Ki li fine faire pou li gagne ene la mort coumsa ? Li ti ene voleur ? Ene drogué ? Ene jougateur ? Ene tyran ? Etc. etc. Non, non et non !*

*C'est juste ki li fine croire dans la proclamation d'ene Messie et dans révélations ki li fine subir tant de persécutions jusqu'à ki zot fine étrangler li à cause li pas fine renoncer. Pas mal d'Ahmadis fine lire ça livre du Messie Promis là, zot pas tire narien comme leçon ?*

Voilà comment Mian Abdul Rahman fine martyrisé. Maintenant nous pou raconte l'histoire tragique du Martyr de Sahibzada Maulvi Abdul Latiff et nous conseil nous bane suivants pou cultive ça quantité la foi là pareil couma li, parceki si ene quicaine li pas devoué li complètement à Allah et li reste li en partie incliné à bane affaires mondaines, li pas pou être reconnu comme ene vrai croyant dans le ciel.

### **L'ÉVÈNEMENT DU MARTYR TRAGIQUE DE MAULVI SAHIBZADA ABDUL LATIFF, CHEF DE KHOST DANS LE TERRITOIRE DE KÂBUL (KI ALLAH ENA PITIÉ LORS LI)**

Mo fine fini dire ki Maulvi Abdul Latiff Sahib ti vine Qadian de Khost du territoire de Kâbul et li fine reste avec moi pendant plusieurs mois. Le sujet de so martyre ça fine fini décider dans le ciel.

Voilà bane l'événement ki fine faire ça cours là. Li fine prend congé de moi li pé retourne chez lui (à Kâbul). Plus tard, mo fine alle apprend d'ene source de confiance et d'ene témoin oculaire (ki fine témoigné avec so deux lizié) ki ça fine passe comme ça, ki le temps li fine arriver lors border d'Afghanistan, li fine arrête à ene place entre ene territoire Britannique et li fine écrire ene lettre à ene de so disciples, li pé demande li pou gagne ene permission d'entrée du Amir pou rendre li ene visite de courtoisie. Li fine demande ça permission spéciale là à cause quand li ti quitte pays li ti gagne permission pou alle en pèlerinage à Mecca et ti tire l'argent dans fond trésorie royal pou ça but là. Li pas fine capave accomplir ce ki li ti bizin alle faire car li fine alle à Qadian et li fine reste là-bas assez ene bon le temps plus ki li ti bizin (pou alle Hajj).

Ça c'est parceki li fine accepter moi comme le Messie Promis et ki li pé suivre bane injonctions du Quran Shariff : *« Obéir Allah et obéir le Messager »*.

Li fine reporte so départ pou le Hajj pou li allé dans l'autre l'année, dans le future. Chaque personne ki ena le sens li pou d'accord ki si ene dimoune, en chemin li alle rencontre et reconnaître le Messie Promis ki bane musulmans pé tant attendre pendant 1300 ans, donc li important pou li d'après le Quran Shariff et bane Hadiths ki li pas bizin continuer so la route sans permission du Messie Promis et li capave reporte à plus tard so voyage sacré jusqu'à ki li gagne permission.

Comme ça personne exalté là pas fine capave alle faire Hajj, à cause ene raison valable, li fine penser que c'est bien pou explique ça position là au Amir pendant ki li ti encore dans territoire Britannique avant ki li rentre dans Kâbul. Li fine penser que c'est approprié pou écrire au Brigadier Mohammad Hussain pou demande li pou alle dire ça zaffaire là au Roi, couma dire, trouve ene l'occasion appropriée pou dire ça.

Dans ça lettre là, li écrire ki quand même li ti quitte le pays avec l'intention pou alle faire le Hajj, mais en chemin li fine arrive pou rencontre avec le Messie et d'après le Quran Shariff et Hadiths li impératif à ene musulman pou obéir ça commandement là pou faire de zot mieux pou accepter et obéir le Messie Promis ; li fine bien obliger pou li reste à Qadian.

Quand ça lettre là fine arrive au Brigadier Mohammad Hussain, tranquillement li fine pousse lettre là en bas so genou dans so bureau et li pas fine remettre ça à le Roi.

Mais so assistant, ki ti ene opposant et ene méchant, ene malfaiteur, fine arrive pou conner ki ene lettre de Sahibzada Abdul Latiff fine rentrer, li fine apprane aussi ki li fine reste à Qadian. Li fine coquin lettre là et fine donne ça le Amir. Le roi immédiatement faire appelle le Brigadier et demande li si pas li fine gagne kit lettre du Sahibzada. Le temps li trouve ki Amir fine rentre dans ene colère extrême, le Brigadier fine gagne peur et li dire non ki li pas fine gagne aucaine lettre.

Comme le Maulvi saheb pas fine recevoir aucaine réponse du Brigadier, li fine commence inquiéter et quelques jours plus tard li fine écrire encore ene lot lettre et fine envoie ça par voie postale à Mohammad Hussain Kotwal. Le responsable de la poste fine ouvert lettre là et li fine donne ça le Amir.

Puisque le Martyre du respectable Sahibzada fine fini décréter dans le ciel, le roi faire ene mouve rusé coumsa capave attrape li, li rentre dans so l'attrape. Le roi envoie li ene lettre gentille et encourage li pou retourner sans la moindre frayeur dans so l'esprit. Li (lettre là) dire encore ki le roi li-même pou suivre so l'exemple si li arrive par convaincre li la vérité lors la proclamation du Messie Promis.

Bane ce ki fine rapporte ça à nous zot pas sûre si pas Amir ti envoie ça lettre là par la poste ou par la main (alle quitte lettre là par quelqu'un en main propre). Cependant, le temps ki Maulvi Sahibzada fine gagne ça lettre là du Amir, donc li prend direction pou alle Kâbul. La roue du destin continué rouler.

Bane ce ki fine trouve le decédé Maulvi Sahib pé passer dans le rue de Kâbul zot affirmer ki li ti à cheval et li ti être escorté par 8 chevaliers du roi.

Tous bane dimounes de la ville zot fine conner ki le Amir fine jouer ene pour au Akhwandzadah. Quand le Akhwandzadah avec bane chevaliers là pé passer dans la rue bane curieuses aussi pé suivre zot. Généralement zot tous croire ki l'ordre de l'arrestation fine fini donné par le gouvernement de Khost ; c'est so l'ordre ki alle escorte li par bane chevaliers et amène li devant le roi ki ti dans ene très mauvais mood, parceki bane Ulémah et bane opposants jaloux zot fine fini empoisonne so zoreilles. Le Amir adresse li agressivement et dire : *« Faire li deboute bien loin de moi. Li pé senti ene mauvais l'odeur. »*

Li ordonner ki bizin enferme li dans prison du château kot li ti pé resté li même. Et li donne l'ordre pou enchaîne li avec le « *Ghargharaab* », ene la chaine bien bien lourd ki pèse environ 130 livres. Mettre ça autour so li cou et autour so les reins et fine mette menottes dans so la main. Le roi ordonne ki bizin mettre boulettes dans so li pieds ki pèse 17 livres. Donc zot fine garde li dans ça l'état là en captivité près quatre mois.

De temps en temps le roi et bane opposants zot envoie nouvelle pou demande li renonce à so la foi, dire ki ça proclamation du Messie Promis de Qadian ki li fausse et li ene menteur, c.à.d li pas le vrai Messie.

## VINGT-UNIÈME PARTIE

Mais Maulvi Sahib à chaque fois, à plusieurs reprises ki zot demande li pou faire ça, li refusé catégoriquement et li donne même réponse. Li dire : « *Par la grâce d'Allah, mo fine gagne ene grande connaissance et mo ena ça compréhension là pou distingue le bien et le mal et mo capave distingue la vérité et le mensonge. Mo fine trouve la vérité après beaucoup de recherches soigneux et moi mo croire fermement ki li le vrai Messie Promis.* » Li ajouter : « *Mo bien conscient ki mo la foi pou coûte moi bien cher et mo la vie pou en danger et aussi la vie de mo madame et zenfants, mais mo attache plus importance à mo la foi ki mo propre la vie et tous bane relations mondaines ki mo ena.* »

*Quand ene Messie vini ki ou reconnaitre le bien et le mal, la vérité et le mensonge et si vraiment ou bane propres du sang si pas vraiment zot ti sincère avec ou et même ou mari, femme si pas vraiment zot épauler ou ou non. Ena bane versets du Quran Shareef ki supporte ça arguments là.*

A chaque fois ki le Amir envoie so bane dimounes pou faire li renoncer, li donne la même réponse – pas ena aucune amendement dans so réponse.

Ça prison ki zot fine mette li là, li pas pareil couma prison Anglais kot là-bas ena ene considération raisonnable pou bane humains. Tandique ki prison de Sahibzada Abdul Latiff li ene prison kot zot tous préfère la mort ki la vie. Zot tous admire la fermeté et ténacité du Sahibzada (pou supporte tous ça là).

Vraiment, c'est ene sujet de grand étonnement, particulièrement, surtout ki li ti bien content so madame et so bane zenfants et kot zot ti pé jouir ene la vie aisé et de confort. Li ti propriétaire de bane biens ki vaut par des millions et en sus de ça li ti être reconnu par so piété comme ene « *pieux bien respectable* » dans le territoire de Kâbul à cause de so grande connaissance et so l'intelligence. Soudain, li fine être jeté dans ene place plus horrible et terrifiant ki ça faire ou trembler et frissonner quand ou guette ça. Comment ene personne si délicat, ki habituer vivre ene la vie d'aise et de confort, capave supporte tous ça bane épreuves là avec beaucoup de patience et li fine sacrifier so la vie pou so la foi ! Et li encore plus surprenant encore quand de temps en temps le roi envoie nouvelle pou dire li ki li pou honore li et pou donne li encore plus de faveurs si li arrive par renonce à so la foi ki li ena dans le Messie Promis de Qadian. Mais li faire la sourde oreille à tous ça bane tentations là, et à chaque fois ki zot tente li à bane grands grands l'honneur et faveurs, li donne la même réponse ki jamais li pas pou laisse so la foi décliner pou bane z'affaires mondaines. Li dire « *Mo fine trouve la vérité, jamais mo pas capave quitter ça, même si sa coûte mo la vie. Mo pou mort avec ça vérité là* ».

La terre de Kâbul jamais pas capave oublier ça qualité fermeté du sage vénérable ni ene dimoune de ça pays là fine capave témoigner ene telle la foi inbougeable.

Nous bizin rappelle aussi ki bane les rois de Kâbul jamais zot pas réputé pou alle offert de temps en temps la liberté et l'honneur à quicaine. Mais à cause ki Maulvi Abdul Latiff Sahib li ena ene si grand poste d'honneur et de respect et ki li être considéré comme ene pillier de l'état et à cause de so milliers de disciples ki autour de lui, même bane les rois d'Afghanistan, couma nous fek mentionner, donne li le plus grand respect et considère li comme le soleil parmi les étoiles de bane pieux de zot pays. Le roi ti capave ena so propre raison personnelle ki faire li fine induire le vénérable Sahibzada pou faire li renoncer, pou rétracter parceki li conner ki si ça sujet rentre dans bane oreilles de bane prêtres et Mullahs opposants, le roi pas pou capave sauver li de zot la main.

Donc, li assez possible ki le Amir, d'ene coté ti peur ça bane prêtres là et de l'autre côté li conner, li considérer ki le Sahibzada li complètement ene innocent. C'est ça la raison ki faire de temps en temps li ti envoie nouvelle pou ki le Sahibzada renonce à so la foi dans le Messie Promis de Qadian et demande li pou repentir de so erreur. Lors ça ground là même ki li offert li la liberté et beaucoup l'honneur. Ça même la raison aussi ki faire li fine garde li dans prison de so propre palais parceki là, li capave facilement approche le Maulvi Sahib (*li plus accessible à li pou capave influence li pou renoncer*).

Ena ene l'autre point ki bizin mentionner ici et ki li la cause réelle de ça tragédie là. Depuis ça le temps ki Mian Abdul Rahman, le martyr, fine être tuer, le Amir et bane les autres Mullahs zot ti fini conner ki le Messie Promis de Qadian ti fortement oppose le concept de *Jihaad* – la guerre sainte – et ça fait là fine fini élucider clairement dans so bane écrits. En plus de ça, le papa du Amir présent li aussi li fine écrire et publier ene livret concernant la propagation de la foi par l'épée, ene concept tout a fait contraire à mo bane exhortations.

Quelques mécréants de Punjab, ki appelle zot même *Ahli-Hadith* et *Unitariens*, zot fine gagne accès à la court du Amir Abdul Rahman, le papa du Amir actuel et zot fine mal interprète mo bane opinions lors ça sujet là. C'est probablement la cause réelle du crime de Mian Abdul Rahman, le martyr ki le Amir ti penser appartenir à bane personnes ki tenir que le Jihaad par l'épée li illégal. Bane la roues du destin rouler dans ene telle façon ki le Maulvi Abdul Latiff sans réaliser fine discute, quand li ti dans prison, lors le sujet de Jihaad et li proclamer ki li pas permissible dans ça l'époque là, kot c'est ene âge de raisonnement. Servi la force dans nous l'époque pou la propagation de la foi li pas pou rapporte so fruits. Le martyr décédé li fine alle trop presser pou exprime la vérité et en faisant cela li pas fine tracasser du tout pou so la vie. Li fine dire zot tous clairement, ki ce ki li fine croire, c'est nek la vérité.

Nous continuer raconte l'histoire du martyr. Quand quatre mois fine fini passer dans prison, par l'ordre du Amir, zot fine représente le vénérable sage devant le Amir dans la cour encore pou capave ré-force li pou rétracter de so nouveau la foi. Li ajouter encore ki si le Sahibzada faire ça, non seulement li pou ré-gagne so liberté mais li pou honoré de plus en plus, beaucoup plus haut encore. Mais le vénérable sage réponde zot et li dire zot ki jamais li pas pou possible pou li recule de la vérité.

Bane tortures et bane tests de bane dirigeants mondains arrive à ene fin très très vite, mais la colère divine li éternelle. Li ajouté et li dire ki li capave faire face et faire ene dialogue lors ça sujet là avec ça bane Mullahs ki pé accuse li d'*apostasie* (ki li fine rénier l'Islam) et de *hérésie* (ki li fine alle à l'encontre de so religion) là.

Et li ajouter encore ki li fine prêt pou accepter n'importe ki genre de punition si zot prouver ki li fine avance bane fausse arguments. Bane témoins oculaire de ça incident là zot rapporté ki le roi ti bien content avec ça suggestion là. Li donne l'ordre ki ça l'entretien là pou tenir lieu dans la Mosquée Royale.

Pou ça propos là, le roi fine nomme Khan Mullah Khan et huit les autres prêtres pou supporte li. Li fine nomme ene docteur Punjab de Lahore comme ene l'Arbitre de ça débat là. C'est ene dimoune ki ene très grand opposant du Mouvement – *Mouvement Ahmadiyya*.

Ene grand la foule fine réuni dans la Mosquée, zot fine faire ene l'annonce ki ça débat là pou en écrit. C'est ene sujet de grande surprise parceki jamais (après ça) zot pas fine publier ene de ça bane écrits là.

Donc, personne pas au courant ki auguments fine produire dans le débat ki ti commencé à 7 heures du matin jusqu'à 3 heures de l'après midi.

Le temps l'heure Namaz Asr to près pou terminer, le verdict d'*apostasie* fine prononcer. À la clôture du débat zot demande li : « *Si ça dimoune de Qadian là li le vrai Messie Promis, ki to pou dire lors le prophète Jésus ; eski li pou retourne lors ça la terre là ?* »

Dans ene manière très ferme et avec ene haute dignité, li réponde ki le prophète Jésus fine fini mort et ki jamais li pas pou retourne dans ça le monde là. Le Quran Shariff li ene témoin de so la mort (*fine fini prouve so la mort*) et de ce fait jamais li pas pou capave ré-vini.

Bane Maulvis, dans même façon de bane Supérieurs Juifs et de zot Grand Prêtre kot zot fine déchire zot linge dépi lors zot quand zot fine tende à propos de Jésus, zot aussi zot fine faire ene grand tamtam, et zot fine commence abuse li (Sahibzada Sahib) et zot dire : « *Ki preuve encore zot oulé pou supporte so apostasie ?* »

Donc, dans ene grand la rage, zot écrire zot verdict de l'apostasie contre li. Le vénérable sage donc, zot fine retourne li dans prison avec tous so bane la chaînes autour de li.

Nous bizin mette ça en tête ki le temps Sahibzada ti pé assizé pé écrire so bane réponses, huit soldats du Amir ti pé debout derrière li en tenant zot l'épée dans zot la main. Le Amir fine recevoir le verdict dans la soirée et bane Maulvi zot fine faire ene manière ki bane papiers ki fine écrire durant le débat bizin être retenus, ni zot fine être publier plus tard comme pou informe le public. Ça même ki ti ene preuve clair ki bane Maulvis zot ti complètement dans la perdition, zot pas fine capave réponde à bane arguments du vénérable sage.

Mais ce ki ti plus étonnant dans ça zaffaire là, le Amir li confirme ça verdict là sans ki li fine jette ene coup d'œil lors bane arguments de tous les deux parties, ni li fine demande pou recorde bane minutes. Li ti bizin peur au fond de so le cœur, de ça *Vrai Juge vers Qui* ene jour, tôt ou tard li ena pou retourner après ki li quitte so trône et so royaume ; li ti bizin être présent dans ça débat là. Li ti bizin rappelle ki la vie d'ene grand homme saint et ene savant vénérable ti en danger.

C'était so devoir ki coûte que coûte li ti bizin être présent là-bas, pou faire la justice. Li ti obligatoire lors li ki li pas ti bizin torture Maulvi Sahib avec la chaînes avant ki fine prouver ki li coupable. Li ti tout à fait injuste pou place huit soldats près avec li avec l'épée pointée contre li pou intimide li, pou essaye effraye li. Le temps li fine fâyr dans tous so bane devoirs, le moins ki li ti capave faire, li ti bizin demande ça bane documents écrits pendant ça débat là. Non, li ti bizin exécute so l'ordre à l'avant pou ki zot soumettre li bane documents là et li ti pou bizin publier ça bane papiers là pou ki le public en général conné comment le Sahibzada (d'après zot) ti bien en tort, ki li pas ti correct ; et couma li fine gagne grand défaite devant bane Maulvis dans ene débat juste et ouvert à tous dimounes (pou guetter) et ki li pas fine capave présente aucaine arguments valable pou convaincre la vérité du Messie Promis de Qadian, ni li fine capave produire aucaine preuve contre la propagation de la foi par la force ou à établir ki Jésus fils de Marie fine réellement mort.

Hélas, quel pitié ki ene noble et vénérable saint fine exécuter couma ene cabri devant zot li yeux, même ki li fine produire bane arguments clairs et solides, et en vérité li ti possède la vérité en so support. Mais en dépit de la vérité et de so fermeté noble, so le corps sacré fine vine en miettes couma la viande hachée – zot fine envoye li coup de roches. So épouse malheureuse et so bane chers enfants fine être jeté en dehors de Khost dans ene place inconnue sous la garde de bane soldats.

O bane ignorants ! Eski ça même l'enseignements de l'Islam sur le point de vue de la foi ? Eski c'est ça la punition ki le Quran Shariff et l'Islam fine prescrire ? Comment zot fine oser verse ça di sang là ? Eski zot fine déjà trouve le Gouvernement Britannique, ene gouvernement de bane incroyants et ki sous ça gouvernement là, différent dimounes de différents croyances, fine déjà pendu ene hindou ou ene musulman à cause so la foi li en contradiction avec la foi de zot bane prêtres ?

Hélas ! Quelle tragédie atroce fine commettre sous le ciel, ki ene dimoune parfait et innocent, malgré ki li ene véridique et justifier à la perfection et malgré témoignages des milliers ki ti pé admire li de so piété et de so sainteté et li ti ena la crainte d'Allah, fine tuer si cruellement, simplement à cause de so différence de doctrine ?

Ça gouverneur Pilate, ki mentionner dans les Évangiles, fine arrête Jésus à la requête de bane prêtres Juifs, pou être crucifier, ki li même li fine dire ki li pas fine trouve aucaine faute avec Jésus, ça Pilate là ti ene millier fois mieux ki ça le roi là.

Hélas ! Que c'est chagrinant ! Le roi, le Amir, ti bizin le moins ki li ti capave faire, demande ça bane Mullahs là, bé lors ki ground zot fine base zot verdict de l'apostasie et zot fine lapide li jusqu'à ki li fine trouve la mort. Ki faire li pas fine demande zot la raison ? Ki faire zot fine annonce le verdict simplement lors la base d'ene différence d'opinion ? Ki faire li pas fine dire zot ki ça qualité différence là li commun même parmi zot

propres sectes ki trouve dans l'islam ? Eski li justifiable pou lapide à mort quelqu'un d'ene secte ki so l'opinion différent de zot ?

## VINGT-DEUXIÈME PARTIE

Eski c'est ça la façon d'agir d'ene Amir ? Mo demande moi ki li pou alle réponne devant Allah, Le Tout Puissant.

*Amir de Kabul ti ene le roi, kot tous ti dans so la main, li fine faire ene abus du pouvoir. A Maurice aussi, le Amir élu en 1998... li aussi li fine croire ki li ena tous pouvoir dans so la main. Li fine manipule bane lettres, documents et informations kot malheureusement li fine bizin fourni le Khalifa des Ahmadis, donc celui-ci li aussi li pas fine écoute les deux côtés avant li prend ene décision. Li fine base li lors seulement rapport du Amir croyant ki ça Amir là li ene homme digne de confiance à cause de so nom, mais ce n'est pas le cas ! C'est ene homme tout le contraire de so nom. Voilà ki le Khalifatullah actuel fine trouve li en dehors du Jamaat le 1 janvier 2001 – le premier jour du nouvelle ère – c'est là même prend la naissance de « l'âge d'Or ».*

Après ki le verdict de l'apostasie fine prononcer et ki le saint condamné fine renvoyer dans prison, l'Amir faire appelle li le lundi suivant au Salam Khana ; la salle d'audience. En ça l'occasion là, ene quantité dimounes fine rassembler quand Amir fine sorti du fort. Li trouve le condamner pé assizé dans coin la rue et li adresse li : « Akhwandzada Sahib, couma fine déroule le verdict ? »

Mais le décédé pas fine donne li aucaine réponse parceki li conner zot têtù dans inflige torture (tortude dimoune). Ene de bane soldats dire cependant : « Li fine être condamner ; c'est-à-dire, fine passe le verdict de l'apostasie. »

Quand Amir fine assizé dans so la cour, immédiatement li appelle le Akhwandzada et li dire li : « Le verdict de l'apostasie fine être donné concernant toi. Maintenant dire si pas to pou repentir ou bien to pou faire face au pénitence ? » Li réponde dans ene façon positif et équivoque : « Mo pas capave rétracter de la vérité, eski mo bizin accepter ene fausseté à cause par peur de mo la vie ? Non, ça **jamais** mo pas pou faire ça. »

Le Amir fine faire tout pou faire li rétracter kot fine donne li so promesse personnellement, so promesse de liberté et de faveurs. Mais le Sahibzada fine insister lors so rejet de tous ça bane offres là et li dire : « Jamais ou bizin pensé ki mo pou rétracter de la vérité ».

## VINGT-TROISIÈME PARTIE

Tous ça bane rapports là fine arrive à nous à travers bane témoins oculaires, et non pas par bane rumeurs. Fine rapporte nous ki ene quantité dimounes ti présent dans la cour et de temps en temps le Amir pé suggérer même avec li pou repentir, li continuer rejette tous zot offres à haute voix, dans ene la voix claire li dire ki après six jours de so exécution, li pou relever.

*Même scène fine traverser dans ça l'époque là kot après ki fine traverser dans ça l'époque là kot après ki fine ena désordre dans le Jamaat Ahmadiyya, le « grand Amir » pas pé conner couma pou cachiette so malpropreté. Donc, à travers bane frères du Khalifatullah li avoye ene message verbal ki dire li revine dans Jamaat, nek demande pardon au Khalifa et mette quelques mots ki li pas gagne révélations, ler là tout pou corek. Li même pou redresse tout papier et Jamaat pou déroule dans l'ordre.*

*Ça même ki le Amir de Kâbul pé ouler avec le Sahibzada Abdul Latiff ki li renonce au Messie Promis et dire ki li pas ene Messenger de Dieu ; mais li fine refuser, li préfère la mort ki renonce à so la foi. Donc, le Khalifatullah aussi li de même, li préfère reste en dehors du Jamaat avec tout le poids du Boycott, blâme et persécutions ki li retourne avec ça malpropre là, ça menteur et magouilleur là. Jamais li pas pou renonce ki Allah cause avec li. Voilà tous ça histoires là li pas juste bon pou écouter – nous bizin tire nous leçon là-dans – ça même ki Hazrat Mirza Ghulam Ahmad <sup>(as)</sup> fine prend tant de peine pou écrire ça livre là parceki comme ene Messenger de Dieu, li conne très bien ki ça bane histoires là pou répéter dans so Jamaat même. Maintenant à nous prend ça 'Grand Amir là compte ene coup'. Comment li pou redresse tout papier avec le Khalifa 4 ? Couma li pou fer tout vine corek et ré-intégrer le Khalifatullah dans le Jamaat ? Ki li ti pou trafiqué encore pou li mette Khalifa dans sirop ? Réfléchi encore.*

*En l'an 2001 le Khalifatullah li ene menteur, so révélation satanique, li droguer, li ena plus ki 25 femmes dans tous bane îles ki li fine alle travail, li casse tous ménages dimounes, li ene fouteur désordre, etc. Maintenant couma et ki faire le 'grand Amir' ouler ki li réintègrer dans le Jamaat ? Zot pas peur pour intégrer ça « mauvais dimoune » là encore dans Jamaat ? Mais, non ! Un homme de Dieu jamais li reculer ! C'est Allah <sup>(swt)</sup> ki fine sépare li de bane malpropreté parski fine fini décréter dans le ciel ki la naissance de Jamaat Ul Sahih Al Islam pou ena lieu après avoir ki le Jamaat Ahmadiyya Al Mouslemeen pou passe dans bane épreuves – là-dans aussi Allah fine continuer fer le tri. Maintenant ou trouver ene véridique jamais li reculer. Nous prend toujours l'exemple de Sahibzada Abdul Latiff de Kâbul. Insh'Allah, ki Allah garde nous ferme dans nous la foi et ki nous continuer fer le travail de Deen-é-Islam jusqu'à nous dernier soupir. Ameen.*

Moi, l'écrivain de ça livre là, mo croire ki ça parole là li bizin fine basé lors ene révélation ki li fine recevoir.

En fait, le Saint ti fine fini arrive a ça stage kot so connection avec ça le monde là fine couper et bane anges pé serre la main avec li et pé accueillir li. Ce ki li fine rode dire par ça déclaration la c'est que bane anges pé donne li la bonne nouvelle ki li pou lever avant le 7<sup>ème</sup> Jour ; **Le Jour d'Allah**. Nous bizin mette ça bien en tête ki bane martyrs ki mort dans le chemin d'Allah, Allah honore zot après quelques jours couma mentionner dans Quran Shariff :

*« Pas considère bane ki fine touyés pour la cause d'Allah comme mort. Au contraire zot vivant et, auprès d'Allah, zot gagne tout ce qui zot bizin. » (3:170)*

Ça même ki exactement ki le saint ti envie dire dans ça moment là. Dans ene vision, mo fine trouve ene grand branche d'ene arbre cyprès bien vert dans nous jardin fine couper et quelqu'un pé tenir ça dans so la main. Puis, mo fine tende quicaine pé dire : « **Plante ça branche là dans la terre près kot mo la case dans ça place kot ça branche là fine couper, li pou repousser encore** ».

Aussi mo fine gagne ça révélation là : « **Couper de Kâbul et fine vine directement vers Nous** ».

Donc, mo interprète ça comme ça, ki le sang du Martyr Saint fine verser mais li couma ene la grain ki pou repousser dans ene le temps et li pou prospérer énormément. Nous communauté pou augmenter là-bas en grand nombre.

Ene côté mo trouve ça rêve là-haut là et de l'autre côté, le saint dire ki li pou relever après six jours. Donc, mo vision et ce ki le saint fine dire, li pé pointe vers la même chose.

Avec ça martyr ki li fine passer là, avec so propre di sang le défunt fine montrer ene l'exemple pou tous bane suivants, kot zot tous pou envié ça position là (de Sahibzada Sahib). Ça c'est l'exemple ki zot ti bizin suivre. Ça c'est parceki ena parmi zot jusqu'à maintenant ki après ki zot fine rende ene ti service, zot commence penser ki zot fine rende ene service bien grand et zot penser dans zot l'esprit ki mo doit zot ene service personnelle (pou service ki zot fine rendre). Mais zot pas réaliser ki c'est zot ki en fait endetter envers Allah, Le Tout Puissant, Celui ki fine donne zot l'opportunité pou offert ça ti service là.

## VINGT-QUATRIÈME PARTIE

Ena fine vine joindre à nous sans ça contentement gène de so le cœur et zot pas pé fourni ça preuve de sincérité ki zot prétende ena, ni zot montrer ça vrai fermeté de zot la foi. Zot ignore zot la foi pou l'amour de bane petit biens matériel et zot incapable pou tenir ene quelconque épreuve. Quand même ki zot fine proclamer ki zot fine vine joindre la vérité, kot Allah été, zot vine dans la manifestation divine, mais zot toujours pé attache zot à bane gains matériels. Mais nous reconnaissant milliers de fois à nous Allah, le Très Puissant pou ça bane suivants ki fine vine joine à nous pou ene motif très sincère et zot fine accepter la foi avec ene sincérité complète et ki zot prêt pou faire face à n'importe ki épreuve pour zot la foi.

Donc, le degré de loyauté fine fini démontrer par ça homme ki ferme de cœur là, li bizin ene l'exemple pou nous bane suivants. Nous prier ki Allah donne zot, gracier zot avec toute ça qualité fermeté et loyauté ki li fine manifester.

Bane z'affaires mondaines de sa la vie là li tout le temps exposer à l'influence dévastateur de Satan ki de temps en temps vine en travers bane ki désire pou amène ene la vie spirituelle parfait et dans la droiture. **Pou ena ene quantité ki pou vine joine ça Mouvement là mais, hélas, pou ena seulement ene petit groupe ki pou montrer ça l'exemple là.**

*Quand Allah ti révèle à So Messenger, c.à.d quand le soi-disant Amir de L'île Maurice, fine avoye fausses rapports lor li au Khalifa-tul-Massih 4, Allah fine donne li la révélation pou alle forme so Jamaat – c'est là, le 8 mai 2003, ki la Jamaat Ahmadiyya Al Mouslemeen fine formé par la révélation ki le Khalifatullah fine recevoir. Voilà maintenant ou croire ki bane dimoune ki fine vine dans ça Jamaat là, ou pas croire ki Allah pou avoye zot bane tests, bane épreuves pou ki zot prouve zot la foi et croyance dans ça Messenger là ? Ça même ki Hazrat Mirza Ghulam Ahmad<sup>(as)</sup> pé dire dans so livre ki ena fine vini sans ça contentement gène de so le coeur et zot pas pé fourni ça preuve de sincérité ki zot ti bizin déclarer pou ena, ni zot montrer ça vrai fermeté de zot la foi – zot aussi zot fine agir pareil couma quelques personne dans l'époque de Hazrat Mirza Ghulam Ahmad<sup>(as)</sup> kot zot croire ki zot pé rende le Messenger d'Allah ene service, ena fine vini plutôt pou zot gains matériels kot zot capave gagne (tire) l'argent pou ouvert zot l'institut ; d'autres fine vini pou pose ene tas questions, ena fine alle cross check révélations lor Internet et quand zot fine trouve bane anciens textes par d'autre écrivains, zot dire ki le Khalifatullah fine alle copier lor Internet et dans livres chinois et passe ça pou révélations. Ça bane ignorants là zot na pas conner ki Allah capave révèle li n'importe ki texte de n'importe ki livre ? Allah ki « Alimoul Ghaib ». Si le Khalifatullah pé gagne révélation lor la vie ene dimoune, astère Allah pas capave révèle li bane textes ou écrits des autres livres ? Voilà avec bane petit petit épreuves coumsa, zot pas fine capave tenir et quitte la manifestation divine. Zot l'esprit fine rongé avec doutes. Tous ça là c'est bane testes ça.*

*Ena ene paragraphe à souligner dans ça partie là : Guette ki Hazrat Mirza Ghulam Ahmad<sup>(as)</sup> dire :-*

*« Pou ena ene quantité ki pou vine joine ça mouvement là mais, hélas, pou ena seulement ene petit groupe ki pou montrer ça l'exemple là. » A nous réfléchi ki Hazrat Mirza Ghulam Ahmad<sup>(as)</sup> pé dire à travers ça petit morceau là.*

À nous retourne à ça l'événement tragique là. Quand le Vénérable Saint refuse pou succombe à n'importe ki tentation ki zot pé offert li et fine rejete zot tous, le roi fine déçu énormément et avec so propre la main li fine écrire ene longue document kot là-dans, après avoir ki li fine écrire le verdict de ça bane Mullahs hostiles là, li alle écrire ki ça qualité égaré là li bien mériter pou être puni par lapidation (*c.à.d envoie li coup de roches jusqu'à ki li rende l'âme*).

Li fine prend ça document là et li fine apendant à au cou d'Akhwandzada. Lers là le roi ordonne ki bizin perce ene trou à travers so nez nez et passe ene la corde à travers et bizin risse li par ça, amène li lors ça place kot li pou alle exécuter là.

Donc, zot tous fine exécute l'ordre inhumain du Amir. Vraimême, sans pitié zot fine perce so nez nez et zot fine passe ene la corde là-dans et dans de tel état, ene l'état de torture terrible, à travers ene la foule affolée et rempli de bane curieux, zot risse li et zot amène li lors place exécution. Le Amir, li même accompagner de so bane Courtiers, Muftis et Mullahs, li à cheval traversant la foule, li pé témoigne ça scène terrible là et li fine arrive à la place de l'exécution.

Ene énorme quantité de dimounes zot aussi zot pé précipiter pou zot alle témoigne ça exécution là.

Quand fine arrive à la place de l'exécution le prince condamné fine être placer debout dans trou ki zot fine faire fouiller dans la terre et zot fine enterre li debout jusqu'à la taille. Le Amir vine près kot li et li dire li : « *Même à ça l'étape là si to renonce à ça dimoune de Qadian là ki pé proclame li le Messie Promis, mo pou sauve toi de là. Ça même dernière chance ki mo capave donne toi. Prend pitié lors toi et to famille* ».

Sahibzada répond li : « *Ki Allah préserve moi ki mo renonce à la vérité. Ça la vie là pas ena aucaine valeur. Aucaine de mo famille et zenfants pou capave aide moi dans aucaine façon. Li pas possible pou mo renonce à mo la foi pou zot cause. **Mo pou mort pou mo la foi.*** » Le temps bane Mullahs et bane juristes tende tout ça là, d'une seule la voix, zot tout crier ki li ene *Kafir* (infidèle) et ki bizin lapide li à mort.

Le Amir, so frère Nasrullah Khan et Abdul Ahad, le Chef des Qadi, et le Chef Constable, zot tous zot à cheval et le reste de la foule zot ti à pied. Quand le Saint condamné insister dans so refus pou rétracter et pou la dernière fois li dire : « **Mo donne mo la foi plus de valeur ki mo la vie** ».

Le Amir donne l'ordre au Chef Qadi pou lance la première pierre, car c'est li même ki ti devant devant pou condamne la victime comme ene apostate. Le Qadi li à son tour li demande au roi (Amir) pou lance ça première pierre là à cause li le roi. Mais le Amir insister ki comme ene Chef de la Shariah (la loi religieuse) et ki ça pé dé déroule d'après so verdict, donc c'est li même (Chef Qadi) ki bizin prend l'initiative pou lance la première pierre.

Donc, le Chef Qadi descende depuis so cheval et li lance la première pierre lors la victime sans merci – ça roche là fine tape lors so la tête et li fine gagne ene tel coup ki so la tête fine obliger baisser et fine reste baisser.

Lers là après Amir malchanceux (*ki so la fin pou bien grave*) fine lance so première pierre avec so propre la main et le reste fine suivre li. Pas ti ena au moins ene dimoune ki pas fine lance roche lors le Saint ki sans défense et dans l'espace de quelque minutes, li fine être enterré sous ene montagne de roches.

Quand le Amir pé faire ene mouve pou li retourne vers so palais, li dire ki comme le défunt fine dire, fine proclamer ki li pou relever après six jours, donc bizin mette li sous la garde pendant ça six jours là. Fine rapporter à nous, ki ça tragédie malheureux là ti passé le 14 Juillet.

La plupart de ça l'événement tragique là fine rapporté à nous par bane pires opposants de ça Mouvement là (*Mouvement Ahmadiyya*), zot fine confesser, zot dire ki zot ti parmi bane ki ti lapide Maulvi Abdul Latiff ça jour

là. Ena les autres ki ti bane disciples du défunt martyr. Zot ti peur le roi et zot fine penser ki li plus correct pou garde le silence. Tout ce ki fine écrire ici là, nous fine gagne ça à partir d'ene quantité lettres ki nous fine recevoir de différents personnes. Généralement, ça bane qualité incidents là, zot rapporté avec beaucoup d'exagération. Mais dans ça instance là, à cause de zot frayeur du Amir, zot fine bizin retenir beaucoup de détails. Dans n'importe ki circonstance, le martyr prédestiné de Sahibzada Abdul Latiff fine arrive par réaliser, et maintenant reste la rétribution.

*« Pas ena doute, celui qui vine devant so Maître avec péchés, li pou gagne l'enfer. Là-dans, li pou ni (complètement) mort ni vivant. » (20:75)*

C'est ene pitié ki le Amir maintenant li fine condamné pour êtes puni sous ça verset là:

*« Celui qui tuer ene musulman par exprès, so récompense, c'est l'enfer. Li pou reste là-dans pou tout le temps. Allah en colère avec li, maudit li et prépare pou li ene grand punition. » (4:94)*

Hélas, le Amir pas fine ene la moindre crainte d'Allah dans so le coeur et li fine assassine ene croyant, ki so pareil pas pou trouver ni dans longueur ni dans largeur de Kâbul. Bane telles dimounes ki pas hésiter pou sacrifier zot la vie à cause de la vérité et zot pas fine rétracter le moins pou faire zot devoir même pou l'amour de zot madames et zenfants, zot même la crème de la nation.

**O Abdul Latiff!** *Ki Allah déverse des milliers de So bane bénédictions lors toi, car, dans mo vivant, to fine manifester ene fidélité ki péna so pareil pou moi, et mo pas conner couma mo bane disciples pou comporte zot quand mo pou ne plus parmi zot.*

*Cet homme courageux, le bien-aimé d'Allah, le Créateur, fine à la fin prouve so la force de caractère.*

*Li fine soumette so la vie pou la cause de son Bien-Aimé, le Véridique (Allah) car li fine fini détache li de ça le monde éphémère (temporaire) là.*

*Ça la vie sauvage là li rempli de divers dangers, car des millions de serpents mortels pé attende dans tous coins et trous.*

*Des millions de feu avec la flamme nous trouver pé monter au ciel kot bane tempête féroce et agressif pé faire ravage là-haut.*

*Ena ene distance des millions de distances entre toi et le monde de to Bien-Aimé et là-bas ena beaucoup la jungles ki rempli avec piquants et des dangers ki pas capave compté.*

*Remarque ça performance intelligent et émerveillant de ça Cheikh de 'Ajam là: li fine traverse tous ça distance spirituel là dans ene seul saut.*

*C'est obligatoire ki le serviteur li complètement dévoué au service du Maître dans ene façon kot tout le temps li prêt pou sacrifier so être pou la cause d'Allah.*

*Li fine soumette so la vie en sacrifice pou la cause du Bien-Aimé et li fine même avale poison pou gagne Li.*

*Aussi longtemps ki quelqu'un pas avale la coupe de la mort pou la cause du Bien-Aimé, comment li pou capave, celui ki badiner (ki pas sérieux), acquérir protection contre la mort ?*

*Sous ene telle qualité la mort là ena des centaines de vie. Si ou oulé la vie éternelle, alors accepté boire goblet ki rempli de la mort.*

*O ou ki oulé enrichi ou par gourmandise et l'avarice, vrai l'envie de ou Bien-Aimé pas capave reste dans ou le cœur avare là.*

*O celui ki so le cœur fine complètement gonflé dans l'acquisition de bane z'affaire mondaines et ki fine sacrifié so l'honneur pou bane désirs de péché.*

*Des millions d'armées de diables pé chasse ou coumsa ou capave brûler couma la paille dans le feu de l'enfer.*

*Pou la cause de quelques faux espoirs ou bien la crainte de ou la foi pé commence trembler.*

*Eski ou pé piétine la vrai foi en Dieu sous ou li pieds pou la cause de ça le monde sans la foi là ?*

*Vrai la foi c'est la foi kot quelqu'un li sacrifier li même. O celui ki ena le cœur noir, ki ou ena pou faire avec la foi ?*

*Ou bas et avare, donc, na pas vante ou suprémacie et na pas essaye pou déclare ou au dessus ce ki ou manteau de mendiant mériter.*

*Dans ou l'esprit, ou croire ki ou pure et bon. Ki Allah donne ou guidance, couma ou fine faire ça erreur capitale là ?*

*Le Vrai Bien-Aimé jamais pas capave content avec bane vantardises vide ; jusqu'à ki ou fini ou même dans So service ou pas pou capave réussi gagne la vie réelle.*

*O ou mal-élevé, délaisse ou l'habitude de fierté et d'enemité coumsa la lumière d'Allah, Le Très Puissant, Le Très Gracieux capave descende lors ou.*

*O ou ki envie pou arrive de plus en plus haut avec des vantardises sans la foi comme ci ou renier le Créateur qui pas capave être questionner.*

*Qui phénomène ki vaut la peine pou faire des louanges ki ou fine trouver dans ça le monde temporaire là, dans ki ou pé gagne grand plaisir ?*

*Qui faire ou bizin – O sage ! – attache ou le cœur à ça qualité palais kot à n'importe ki moment ou capave être expulser ?*

*Pou coupe ou de Dieu pou la cause de ça le monde là, li sans doute le signe de bane misérables et déprimés.*

*Quand Dieu li appuyé vers quelqu'un avec abondance, so le cœur na pas attacher ça quantité là avec bane attractions mondaines.*

*Pou li le desert bien chaud paraite plus intéressant coumsa li capave lamenter et li capave crier so Bien-Aimé là-dans.*

*Le connaisseur de la vérité, li, li prend li comme réellement mort avant ki li vraiment mort, parceki li réaliser ki la fondation de ça la vie matériel là li pas solide.*

*Faire attention ! Ça place là li seulement ene le monde réserver pour la destruction. Donc, ou bizin essaye crée ene bon relation très proche avec Dieu parceki c'est vers Li ki nous tous pou retourner en dernier.*

*Si ou boire le poison de la mort avec ou propre la main, couma mo capave croire ki ou sage ?*

*Guette couma Abdul Latiff, le pure et le pieux, fine soumette pou la cause d'Allah.*

*Li fine sacrifier et donne so la vie avec vrai soumission et li pé allonger sous ça bane roches là.*

*Ça même ki appelle le chemin de la vérité et de la pureté, ça même le but ultime de chaque homme de vrai foi.*

*Zot vive seulement pou la cause de Dieu et zot pas ena aucaine gain personnel, zot jette zot propre la vie dans le chemin du Seigneur.*

*Zot coupe zot de tous bane popularité, l'honneur et statut mondaines ; zot soumette zot la vie et zot laisse zot couronne sorti de zot la tête juste pou (Allah) So cause.*

*Le temps zot délaisse zot égo, zot approche Allah en faisant So zikr et afin pou trouve le Visage du Bien-Aimé, zot sacrifier zot propre l'honneur.*

*Même en mentionnant zot noms, ça fourni nous l'opportunité pour rappelle Allah, en augmentant nous la foi dans la véracité de Dieu et ki faire ene la joie dans nous le cœur.*

*Si ou en quête de la vrai la foi, laisse ça vine ou modèle, coumsa pou faire le travail de bane chercheurs de vérité vine bien facile.*

*Mais ou attacher à ça le monde là ; et si ou pas mort pou So cause, couma ou capave arrive à ou Bien-Aimé Camarade ?*

*O ou, ça li chien ki galope derrière ça le monde là, couma ou capave espérer pou arrive par joine ou Bien-Aimé Camarade ?*

*Finis ou même dans So chemin coumsa ou capave vine ene héritier de bane bénédiction spirituelles ; et soumette ou la vie coumsa ou capave gagne ene nouveau la vie.*

*Ou pé gaspille ou la vie dans la fierté et rancœur kot ou fine ferme ou li yeux lors chemin de la vérité et de la foi.*

*Bane les cœurs pure ena ene affinité (connection) spéciale avec bane les cœurs pure mais bane ce ki ena l'esprit satanique tout le temps zot pou haïr ene vrai perle.*

*Le secret de la foi pé sème la grain de la destruction de soi-même ; avec ça ou bizin écarte ou de ça la vie matériel là.*

*Quand quelqu'un li réellement engage li même dans lamenter devant Allah, Le Tout Puissant, conséquemment ene quelqu'un bizin être élevé pou dirige dimoune dans le droit chemin.*

*Le cœur ki fine reconnaître bane secrets spirituel lamente face à la condition déplorable de bane ignorants ; et bane ki fine recevoir comme cadeau la lumière de vrai connaissance zot gagne pitié dans zot le cœur pou bane aveugles.*

*La loi de la nature oulé ki bane forts bizin vine en aide à bane faibles.*

(TRADUCTION D'ENE POEME)

## QUELQUES CONSEILS À LA COMMUNAUTÉ AHMADIYYA

O mo bane disciples ! Ki Allah reste avec zot. Ki Allah prépare zot par So grâce pou le voyage final pareil couma Li fine prépare bane compagnons du Saint Prophète <sup>(saw)</sup>. Faire attention ! Ça le monde là li temporaire, Maudit li ça la vie ki nek contente li avec bane gains matériels et le plus malheureux parmi zot c'est celui ki galope derrière bane gains matériels de ça le monde là. Si, toutefois, ena ene telle qualité dimoune coumsa dans mo Jamaat, alors li fine joine nous en vain, dans vide, car li pou couma ça branche sec d'ene arbre ki pas pou capave rapporte bane fruits.

O bane chanceux ! Vine vite vers moi et vine rencontre mo Jamaat car mo fine vine avec l'enseignement ki pou donne zot le salut.

Croire dans ene seul Dieu et pas associer personne avec Li, ki li lors la terre ou dans le ciel. Dieu pas empêche ou pou servir bane ressources matériels mais celui ki relié entièrement lors ça bane biens matériels là zot vine couma ene idolâtre. Dépi bien bien longtemps, Li (Allah) fine averti zot le salut pas capave gagner excepter avec ene le cœur pure. Donc, ou bizin ena ene le cœur pur et ou détruire tous bane jalousie et la haine ki ou ena. Ene tas de faiblesses ancrée dans l'homme, mais la faiblesse ki plus de base chez l'homme c'est l'arrogance. Personne jamais pas ti pour vine ene non croyant si li pas ti ena l'arrogance.

Donc, vine ene dimoune humble de cœur et rende ou utile envers les autres avec beaucoup d'amour. Comme ou invite zot au paradis ou pas bizin cause zot aucaine mal dans ça le monde temporaire là. Ou bizin observe tous bane commandements d'Allah dans ou le cœur parceki ene jour ou ena ene compte pou ou alle rendre. Quand ou diboute pou ou prière dans ou Namaz, concentrer ou, en cherchant So secours coumsa Li capave attire ou avec Li, et Li purifier ou le cœur. L'homme li faible de nature. Tous nous bane faiblesses enlever seulement par So grâce. Aussi longtemps ki l'homme li pas gagne ça la force là de So créateur, li pas pou capave débarrasse li de so bane faiblesses.

L'Islam ne veut pas dire ki reconnaître ou musulman seulement. Non, fondamentalement, bizin ki ou l'âme prosterner en toute humilité au seuil de ou Créateur et ki ou bizin donne préférence à chaque commandement de ou la foi lor chaque affaire mondaine.

O mo cher Jamaat ! Croire fermement maintenant ki la fin du monde pé approche et ene changement radical fine commence paraître. Donc, na pas décevoir zot l'âme, et tourne zot immédiatement vers ene perfection de piété et de la droiture. Faire le Quran Shariff vine ou vrai guide et ou vrai la lumière pou ou chaque besoin.

Ou pas bizin néglige bane traditions du Saint Prophète <sup>(saw)</sup> et pas considère ça comme ene narien du tout. Non, ça bane traditions là aussi bien important et fine collecter et compiler avec grand grand efforts et de difficultés. Mais, prend précaution quand ene Hadith li pas corborer avec le Quran Shariff, donc, pas considère ça « Hadith » là du tout coumsa ou capave sauve ou de mauvais direction, ou bien, prend le mauvais chemin.

Allah fine donne ou le Quran Shariff dans ene pureté extra pure, donc, donc ou bizin donne l'importance plus aux paroles de Dieu et pas laisse rien de plus important ki le Quran Shariff, parce ki toute la vérité et la droiture trouve dans le Quran Shareef. Bane dimoune zot ena ene tendance pou ena la foi lors dimoune d'après la mesure de zot piété et de zot droiture.

Maintenant prend compte lors le fait couma Dieu fine fourni des milliers de signes en mo proclamation coumsa zot capave juger et détermine la vérité et le calibre de celui ki pé invite ou dans so mouvement (Jamaat) ; et ou capave pèse so valeur spirituel et pèse so bane augments. Zot pas pou capave (pointe zot le doigt) – montrer bane choses immorales ou faiblesses de mo la vie ; ni aussi si pas zot capave dire ki mo fine faire kit fraude ou déception coumsa zot capave doute de mo honnêteté. Eski ena quicaine ki capave pointe so le doigt lors quique bane manquements ou bane faiblesse ki ena dans mo la vie ? C'est ene grâce de mo

Seigneur ki fine amène moi dans le chemin de la droiture dès le commencement. Ça c'est ene signe pou bane ki prend soin pou réfléchi.

## VINGT-CINQUIÈME PARTIE

De plus, Allah fine envoie moi avec So mission au commencement de ça siècle là et Li fine fourni tous bane signes et raisonnement ki bizin comme ene support de mo proclamation. Li fine manifester So bane signes du ciel comme sur la terre et Li fine ordonne tous bane prophètes ki fine vini avant pou donne la bonne nouvelle de mo venue. Si mo proclamation li ene fabrication de l'homme, jamais li ti pou accompagner avec tant de signes.

*Dans ça portion de ça livre là, ça montrer nous couma Hazrat Mirza Ghulam Ahmad <sup>(as)</sup> pé lutter avec so plume et duahs avec Allah pou fer dimounes ki tout autour de li comprend ki ça bane révélations et signes ki li gagner, tous ça vine de côté d'Allah. Hazrat Mirza Ghulam Ahmad <sup>(as)</sup> pé prouver même ki li le Messie Promis de so siècle tant attendue par les autres chrétiens, les hindous et les musulmans – mais qui arriver ? Voilà kan li fer so proclamation, voila ki zot tous renonce à li et traite li de menteur sauf ene ti poigner ; parmi ti ena le Sahibzada Abdul Latiff et Maulvi Abdur Rahman. L'histoire là se répète dans ça siècle là aussi, kot tous bane Ahmadis ki fine fer le monde comprend ki la porte prophètes pou reste toujours ouvert jusqu'à Jour du Jugement. Voilà ki Allah mette zot lors ene test terrible, Li avoye ene prophète parmi zot même, ki zot fer ? À la zot flanque li en dehors du Nizaam-é-Jamaat. Et li bon pou nous mentionner et pou faire bane Ahmadi conné ki prend dépi 2001 kan fine mette li dehors du Nizaam-é-Jamaat ziska maintenant l'année 2009, **LI PAS FINE RECEVOIR AUCAINE LETTRE OFFICIEL KI VINE DU QUATRIEME CALIFE KI DIRE KI LI FINE EN DEHORS NIZAAM-É-JAMAAT et NI LE QUATRIEME CALIFE SO BANE SÉCRÉTAIRES AUSSI FINE ENVOYE ENE LETTRE. LETTRE KI LI FINE RECEVOIR LI (HAZRAT MUHYPUDDIN) C'EST LETTRE KI SIGNÉ PAR ÇA 'GRAND AMIR' LA ; MAIS KAN FINE DEMANDE LI KOT LETTRE OFFICIEL KI VINE DU CALIFE, LI DIRE PLUS TARD POU RECEVOIR. SO PLUS TARD PAS ENCORE ARRIVÉ !!! (FINE FAIRE PLISSE KI 8 ANS) – NOUS ENA PATIENCE ; NOUS ENCORE PÉ ATTANE ÇA LETTRE LA !***

*Et voilà ki zot traite li avec les même adjectifs qualificatifs ki ti employer pour le Messie Promis et Hazrat Mohammad <sup>(saw)</sup>, le Sceau des prophètes – les Ahmadistes, zot aussi zot fine ferme la porte prophètes tout comme bane Sunni (et d'autres sectes musulmans) et zot prend le Khalifa ki fine élire par l'homme pou pli grand ki ene Khalifa ki fine choisir par Allah. Voilà dans ki bassesses ki bane Ahmadis fine rentrer – et maintenant eski Allah pou laisse So Jamaat, ene Jamaat kot Li fine avoye le Chef des Prophètes et le Messie Promis, le premier Messie dans la dispensation Muhammadan <sup>(saw)</sup>, tomber couma ene papaye pourri – Jamais !*

*Allah élève ene l'autre Jamaat pou reprend so travail et amène bane peuples assoiffer et ignorants dans le droit chemin – vers l'unicité d'Allah – ce n'est pas Allah même ki fine parfaire ça religion là et fine donne li le nom de L'Islam ? Donc, c'est Allah ki pou soutenir So Messenger jusqu'à so dernière heure. Hazrat Mirza Ghulam Ahmad <sup>(as)</sup> demande bane dimounes si pas zot capave montrer, même ene ti moment si pas fine ena dans le passé kot Allah fine supporter avec tant de faveurs avec bane imposteurs et menteurs, ou bien celui ki pé exécute bane vraies croyants de l'unicité d'Allah ? A nous considère le cas de Mobahella ki Hazrat Mirza Tahir Ahmad, le Khalifa-tul-Massih 4 du Mouvement Ahmadiyya ti fer avec le président du Pakistan, Mons. Zia-Ul-Haqq, ki fine martyrise bane Ahmadis de Pakistan à coze pé pratique l'Islam et zot pé dire « Laa Ilâha Illallah ». Li fine passe ene mot d'ordre pou dire ki bizin traite bane Ahmadis comme bane Non-Musulmans et Kaafirs... Mais ki ti arriver ?*

*Eski Allah fine soutenir ça président là dans so bane mauvais travail contre bane Ahmadis ou bien Allah fine protège le Khalifa-tul-Massih de ça l'époque là ? Mais après à la fin du 20<sup>ème</sup> siècle, Allah mette ça Khalifa là même lor test cette fois-ci kot Allah fine élève Hazrat Muhyi'uddin Munir Ahmad Azim comme le Khalifatullah de ça siècle là – lequel des deux ki Allah fine protéger et ki pou fer le travail ki Allah ouler ? Pas croire ki ene Khalifa pas gagne test – li même Allah fine donne li la connaissance pou li écrire ene livre lor la révélation, et après donne li so test lor là-même – voilà ki li rejette la révélation divine et li pas écoute les deux côtés pou fer justice. Li fine prend bane arguments du Amir de l'île Maurice comme bane versets du Quran Shareef – li fine alle croire ki li ene homme digne de confiance – voilà ki le Khalifa alle perdu tous ça bane bénédictions là kot azordi li ti pou ensemble avec le Khalifatullah pou fer bane grand grand travail ki Allah fine donner pou fer. Très peu de temps li fine vivre après so rejet de la révélation divine. Ça*

*même ki Hazrat Mirza Ghulam Ahmad<sup>(as)</sup> pé expliquer dans so livre – si pas fine arriver déjà kot Allah pou supporte kikaine ki faillir dans so travail ; surtout le travail de Deen-é-Islam !*

A part ça, tous bane Livres Révélés fourni bane preuves solides lors le fait ki Dieu Li attrape tous bane imposteurs et li puni zot très sévèrement pou zot fausses déclarations et Li donne zot ene la mort en disgrâce. Mais, zot tous conner très bien ki mo fine faire mo proclamation ki zot capave vérifier dans premier partie Braheen-e-Ahmadiyya plus ki 23 ans de cela.

N'importe ki homme sage et intelligent zot capave réfléchi lors le fait ki Allah jamais pou laisse n'importe ki imposteur, mauvais et insolent ki continuer, audacieusement, pou fabrique révélation pendant 23 ans, chaque jour et chaque nuit kot li pé déclarer ki li vine de côté d'Allah, et au lieu inflige li punition, Li donne li, jour après jour, nuit après nuit, des signes ki pas capave compter en so support, comme l'éclipse du soleil et de la lune pendant le même mois du Ramadhan et ki Li accompli bane prédictions ki déjà mentionner dans bane anciens écritures, le Quran Shariff et dans Hadith ; aussi Li accompli la prédiction ki mentionner dans so propre livre ki li fine écrire « *Braheen-e-Ahmadiyya* » et fine élève li à la tête d'ene siècle quand la croyance de la croix fine arrive lors ça la terre là en accomplissant tous bane signes ki fine mentionner dans tous bane anciens écrits et par bane anciens prophètes en connection avec la venue du Messie Promis, et laisse so bane discours, causer et so bane exhortations rapporte so fruits et zot faire l'effet, et Allah pé donne li So aide en accomplissant tous so bane prières. Eski Li donne tous So faveurs avec full connaissance ki li ene faussaire et ki li dire bane mensonges ? Eski zot capave mentionne avant moi même ene seul instant dans le passé kot Li fine déjà faire traitement de bonté ça quantité là avec n'importe quique imposteurs?

Donc, O bane serviteurs d'Allah, na pas ferme ou li yeux lors bane faits et pas laisse Satan crée doutes dans ou l'esprit. Croire fermement dans le fait ki ça c'est ene accomplissement de bane prédictions ki fine faire par bane ancien prophètes. La dernière guerre finale entre le Messenger d'Allah et Satan ki Prophète Daniel ti faire référence fine commencé. Mo fine vini comme ene bénédiction pou la vérité et zot fine ridiculise moi et zot fine dénonce moi comme ene *Kafir* (infidèle) et *Dajjal* (l'Anté-Christ) et zot fine mette moi parmi bane incroyants.

Mais tous ça fine fini destiner pou ki ça prophétie là réaliser, ki fine être décrire dans le verset : « *Bane ki souffert sous mécontentement de Dieu* ».

Ça c'est parceki, référant à bane Dimounes Bénis, Dieu fini dire ki pou ena parmi bane musulmans ki pou ressemblé à ça bane savants Juifs ki ti fine essaye crucifier Jésus et ki zot même ti dénonce Jésus (Que Dieu me pardonne) comme ene *Kafir*, ene grand trompeur et ki fine alle à l'encontre de la vraie religion.

Maintenant réfléchi attentivement lors tous ça bane points là – Ki zot pé rode dire – ça indique ki le Messie Promis ti ena pou paraître parmi bane musulmans. Ça même bane dimounes pareil aux Juifs et ki capave embête zot-même pou croire et pou appelle zot bane connaisseurs en religion, zot aussi zot ti bizin être crée.

Ça prophétie là fine accompli dans zot pays. Si ça bane savants là pas ti présent, toute la communauté musulmane zot ti pou fini déjà accepter moi.

Donc, le péché de bane savants là, ni ça bane Ulemahs là ti envie rentre dans ça jardin de droiture là ni zot ti envie laisse bane moins intelligent rentre là-dans. Qui prétexte ki zot appliquer et quel chicanerie et mauvais plans ki zot servi secrètement en mal dirige ça bane dimounes simple et sans art. Mais eski zot capave dépasse, surpasse Allah ? Eski zot pou capave alle à l'encontre de la volonté de Dieu, l'Omnipotent Qui fine faire ça reconnu à travers So bane prophètes ? Zot, zot relié zot lors support de bane riches et bane hommes d'affluence infortunés, et ki galope derrière bane biens de ça le monde là. Mais devant li yeux Allah zot pas plus ki bane les vers mort.

O bane dimounes ! Écoute mo l'appel ! pense bien ki ça c'est ene prophétie de celui ki fine crée ça la terre et le ciel là. Nous pou faire ça, so propre communauté, Jamaat, pou répandre partout dans tous pays et ça pou triompher lors tous bane les autres à travers bane raisonnement et de bane arguments. Bane jours pé approcher non, zot plutôt derrière la porte, à portée de la main, quand seulement ça religion là (*l'Islam*) ki tous dimounes pou causer avec honneur et avec respect.

## VINGT-SIXIÈME PARTIE

Allah pou donne ça religion là et ça Jamaat là So bane bénédictions les plus meilleurs et ene succès ki personne pas fine gagner avant et li pou anéantir tous bane ki rode pou détruire ça religion là et la Jamaat et pou perpétuer zot position puissant jusqu'à la fin du monde. Zot pé mock de moi maintenant mais zot moquerie pas pou faire moi aucaine du tort, car jamais pas fine ena ene prophète ki zot pas fine gagne mocké.

Donc, c'était obligatoire ki le Messie Promis li aussi bizin gagne mocké, car Dieu Le Tout Puissant dire : *« Hélas pou Mo bane serviteurs ! Jamais pas fine ena ene Messager ki fine vini parmi zot ki zot pas fine moque de li »* (23 :31)

*Ça paragraphe là pou fer ressortir ki Hazrat Mirza Ghulam Ahmad<sup>(as)</sup>, le Messie Promis pé rode dire. Et bane Ahmadis pou prend ça paragraphe là pou montrer ki zot pas pou capave accepter ene l'autre Messie parceki Allah fine promette c'est ça même Jamaat ki vrai et ki pou rester tout le temps. Oui, nous d'accord avec ça l'idée là, avec ce qui le Messie Promis fine dire – Avant la venue du Messie Promis, l'Islam li là, mais ki fine arrive l'Islam après le départ de Hazrat Mohammad<sup>(saw)</sup> et les quatre Khulafa-é-Rashideen ? Nous tous comprend ki Allah fine bizin avoye ene Messie pou redresse l'Islam – ler là Allah à travers la révélation fine dire à Hazrat Mirza Ghulam Ahmad<sup>(as)</sup> pou alle forme so Jamaat dont le nom aujourd'hui c'est la « Ahmadiyya Muslim Association ». Est-ce que ça Jamaat là fine change bane principes fondamentales de l'Islam, fine corrige versets *Quran Shareef* ou bien Allah fine élevé So Messie avec ene l'autre Jamaat pou redresse L'Islam lor le bon rail ?*

*Donc Hazrat Mirza Ghulam Ahmad<sup>(as)</sup> jamais pas fine vini pou change séki Hazrat Mohammad<sup>(saw)</sup> fine enseigner ; au contraire li fine vini pou casse tous la croix et tuer bane cochons, enlève bane innovations et tous bane mauvaises actions ki bane musulmans pé pratiquer et en même temps li fine bizin explique le monde la beauté et miracles du *Quran Shareef* pou invite les autres communautés pou embrasse l'Islam. Et maintenant, dans ça siècle là kan Allah fine élève ene l'autre Messie, guette ki zot dire – zot dire ki ça bane dimounes ki pé croire dans li là, ki pé suivre li là, zot bane aveugles et zot fine sorti de la Jamaat Ahmadiyya. Jamais Allah pas pou envoye ene Messager lor ça la terre là pou déforme l'enseignement du *Quran Shareef* et l'enseignement du Messie Promis. Li envoye So Messager kan Li trouver ki bane chefs, Amir et d'autres responsables pas pé fer zot travail correctement, quand bane l'enseignement pé bafouer et réduire en poussière, kot bane dimounes pé ridiculise la révélation, kot zot de noms musulmans seulement, bane madames pé habille à l'européenne, et pé commette l'adultère, y compris bane hommes pé amène ene la vie de chien, l'alcool et cigarette à gogo chez les musulmans, Dargah, Urs et d'autres Bi'dat fine rentre dans l'Islam ; bane jeunes enfants ki avant zot naissance même zot parents fini dédier zot pou le travail de Deen « Waqfê Naw », ça même bane zenfants ou trouve pé amène bane rôles négatives, la pornographie, boyfriend/girlfriend avant zot l'âge, zot pé faire bane kitchoses malpropre avant le mariage, et zot pé droguer, fumer, enfin de compte kot la moralité fine disparaître dans chaque famille. Bé là eski Allah pou laisse ça Jamaat là coumsa ? Parceki ena là-dans ena bane bons *Muttaqi* aussi, tout comme Allah fine élève le Messie Promis dans l'Islam, eski li impossible pou Allah élève ene l'autre dimoune dans Jamaat Ahmadiyya pou faire ça redressement là ? Eski ça dimoune là li pas bizin ene Ahmadi même ?*

*Donc, si Allah fine donne le nom de So Jamaat, la Jamaat Ul Sahih Islam, alors li ne plus Ahmadiyya ? Au contraire, li plus Ahmadi ki ou, li le vrai Ahmadi, celui ki Hazrat Mirza Ghulam Ahmad<sup>(as)</sup> pé crier et supplier so Jamaat pou vine coumsa. Dimoune dire ki Jamaat Ul Sahih Islam zot pas Ahmadis, alors là même ki zot prend ça morceau là zot mette devant, soi-disant comme arguments, mais non ! Jamaat de Massih Maoud li pou tout le temps là mais so nom ki pou changer juste pou différencier entre le bon et bane gâté. Jamaat Ul Sahih Al Islam sous la bannière du Messager de Dieu, pé amène l'Islam lors rail, le vrai enseignement de l'Islam pareil coumsa Hazrat Mirza Ghulam Ahmad<sup>(as)</sup> ti pé faire.*

Allah ena pouvoir pou élève ene l'autre Jamaat sous bannière ene l'autre Messenger (faudé ki ça Messenger là li ene suivant du Messie de ça siècle actuel là), à condition ki le Jamaat Ul Sahih Al Islam vine pareil couma Jamaat Ahmadiyya fine arrivé de nos jours. Allah pou faire li, mais toujours zot pou remettre l'Islam lors rails quand à chaque fois ki bane dimounes pou dévier du droit chemin. Donc Jamaat Ul Sahih Al Islam li pas ene nouvelle religion ça ; li le Jamaat ki Allah fine choisir et donne ça nom là pou ramène tous bane musulmans et d'autres communautés dans « Ehdenas Siratwaal Moustaqim » sous la bannière de So Khalifatullah. Ça verset là li toujours reste vivant dans tout l'époque ; « Hélas pou mo bane serviteurs ! Jamais fine ena ene Messenger ki fine vini parmi zot ki zot pas fine moque de li » (23:31)

Hazrat Mirza Ghulam Ahmad <sup>(as)</sup> fine vini pou sème ça la grain là ki li fine planter avec so propre la main. Li dire ki ça pou pousser et rapporter et personne pas pou capave empêche ça. Ene la grain quand nous mette dans la terre, li vine ene pié, mais si pié là ena bane branches sec, nous bizin coupe li jeter et laisse bane verts rester pou zot rapporte des fruits, bane fruits ki pas ena moutouk, bête, bane fruits ki pou profite ou le corps. Donc ene Jamaat si li coumsa, quand li ena bane dimounes ki pé dérouté les autres du droit chemin, Allah pou tire ene l'autre branche verte de ça même pié là même pou ki li rapporte so fruits.

Donc, ça c'est ene signe d'Allah, parceki tous prophètes fine passe par ça chemin de moquerie là. Ki sanlà pou riye ene dimoune ki pou descende depuis lors le ciel avec ene quantité anges ? Même de ça aussi nous capave comprend ki ça zistoire de Messie ki pou descende du ciel li nek ene zistoire (ki zot jamais pou réaliser).

**Rappelle bien ki pas ena personne ki pou descende depuis lors le ciel. Tous nous bane opposants d'aujourd'hui zot pou mort et personne parmi zot pas pou trouve Jésus, le fils de Marie descende dépi lors le ciel, et zot bane zenfants ki zot laisse derrière zot, zot aussi pou mort et personne de zot pou trouve Jésus fils de Marie descende dépi lors le ciel et puis zot 3<sup>ème</sup> génération aussi pou mort et zot aussi pas pou trouve Jésus, fils de Marie pou descende. Puis Dieu pou mette dans zot l'esprit ene grand tracas et zot pou dire ki période de dominance de la croix ça aussi fine fini mort et façon de vivre fine changer complètement, jusqu'à l'heure le fils de Marie pas encore descende même. Puis, dans zot déception, bane sages parmi zot, zot pou rejette ça croyance là et 300 ans fine fini passer bane ki pé attane Jésus, fils de marie descende ki li chrétiens ou musulmans, zot aussi zot pou rejette ça l'idée là, ça conception là, ler là ki ene seule religion ki pou en gloire entier le monde et pou ena ene seul chef religieux.**

**Moi mo fine vini pou sème ça la grain là ki mo pé planter avec mo propre la main. Li pou pousser et rapporter et personne pas pou capave empêche ça.**

Na pas considéré ki bane Aryas, bane Hindous de Dayanand, si pas zot ena poids. Zot seulement bane guêpes ki conne juste piquer, narien zot pas conner. Zot pas conne narien lors l'unité ou l'unicité de Dieu Le Tout Puissant et zot dépourvu de connaissance spirituelle. Zot passe-temps favori c'est ki zot content tire défauts avec les autres et zot abuse tous bane prophètes d'Allah – zot moquer et faire bouffon. Zot nek bon pou injecter bane mauvais kitchoses pou vire la tête dimoune, bane affaires sataniques pou éloigne zot du Messenger d'Allah et l'unicité de Dieu et zot crée doute dans dimoune so l'esprit. Zot le cœur vide de l'ombrage de la piété ou la crainte du Créateur.

Tout le temps mette ça bien dans la tête ki la foi sans la spiritualité li pas bénéfique pou personne. Ene religion ki péna aucaine bénéfice spirituel pas capave rapporte aucaine fruit. Ene religion ki péna aucaine bénéfice spirituel et ene religion ki péna aucaine la foi en directe communion avec Dieu et sans la piété et la vérité, li ene religion morte. Pas bizin peur de ça. Des centaines de milliers dimounes pou encore vivant quand zot pou trouve zot croyance désintégrer, parceki la croyance de bane Aryas Samaj li seulement mondaine, li pas ene religion de Dieu du tout.

Tout le temps, mette dans ou l'esprit ki ene religion sans la spiritualité jamais pas pou réussi, victorieux. Li pas vaut narien. Ene religion ki pas ena aucaine communion avec Dieu et ki manque l'essence de la vérité et la pureté et ki manque l'attraction du ciel et ki incapable d'apporter ene changement miraculeux, ça religion là

c'est ene religion morte. Pas gagne aucaine la peur. Des centaines de milliers de gens de parmi ou même pou encore vivant quand zot pou trouve ki zot la religion pou désintégrer.

Ça croyance ki appelle Arya Samaj là li seulement mondaine et li pas ena aucaine connection avec le ciel et li pas enseigne kitchose du ciel. Donc, ou bizin saute de joie, et réjouir ki Allah avec ou. Si ou véridique et ferme et solide dans ou la foi, bane anges pou descende et pou enseigne ou et pou guide ou et ou pou être béni avec ene tranquillité ki vine du ciel, et l'Esprit de la pureté pou tout le temps vine à ou aide pou enseigne ou et pou guide ou.

Allah pou reste à ou côté à chaque pas ki ou pou faire et personne pas pou capave dépasse ou. Donc, attane avec patience et persévérance pou bane bénédictions divines, et tout le temps reste calme et tranquille quand bane les autres abuse lors – ou moque ou et faire bouffon avec ou. Autant ki possible, montrer l'humilité contre bane agressions et l'attaque coumsa le ciel capave accepter ou.

Tout le temps mette ça bien dans ou l'esprit ki si ou ena la crainte du Créateur, et ou les cœurs remplit avec humilité pou la cause d'Allah, Li pou vine à ou aide et Li pou vine l'ennemi de ou bane l'ennemis. L'œil mondaine pas capave discerne la vérité ki affirme la vérité. Mais Dieu, l'Omniscient, Li, li trouve la vérité et protège li avec So propre la main. Eski ou pas amoureux avec quelqu'un en retour, si li content ou avec tout le cœur, du fond du cœur et li disposer pou mette so la vie à plat pou ou et li pou obéir ou implicitement ? Ou pas donne li préférence lors n'importe ki sanlà ?

Donc, quand ou que de humains, ou retourne l'amour pou l'amour, ki faire Allah pas pou faire de même ? Allah conne très bien ki sanlà ki So camarade le plus loyale et fidèle et Li conne parfaitement bien aussi ki sanlà désobéissent et récalcitrant et ki content ça le monde matériel là plus ki so vrai Maître. Quand ou arrive à ça stage de loyauté et de fermeté pou ou Allah, la Main Divine ki pou conne faire ça justice là ouvertement entre ou et ou bane opposants.

## **LA PROPHÉTIE DE LA PAGE 511 DE BRAHEEN-E-AHMADIYYA, ENSEMBLE AVEC CELLE DE LA PAGE 510 – CELLE KI RÉLIER AVEC LES MARTYR DU DÉFUNT SAHIBZADA MAULVI MUHAMMAD ABDUL LATIFF ET LE DÉFUNT MIAN ABDUL RAHMAN, ENSEMBLE AVEC LA PROPHÉTIE DE MO SÉCURITÉ :**

Ki zot tous conné ki ça prophétie de la page 510 et 511 de *Braheen-e-Ahmadiyya* :

(Arabic) « *Même si bane dimounes pas capave donne toi sécurité, Allah pou donne toi ça sécurité là.* »

Ça indiqué ki bane dimounes pou faire de zot mieux pou tuer moi, soit directement ou zot pou faire li à travers bane moyens officiels en décevant les autorités. Mais Allah pou faire tous zot plans flop. Ça c'est Allah So façon de faire, même l'état d'être tuer ainsi faire ene quelqu'un martyr, deux qualité de Messagers d'Allah jamais pas capave être assassiné. Ene là li le Messenger de Dieu ki fine être envoyé au commencement d'ene dispensation, e.g Prophète Moïse de la dispensation Mosaïque ou le Saint Prophète <sup>(saw)</sup>, nous maître.

Deuxièmement le Prophète et le Guide ki paraître à la fin de la dispensation, comme Jésus, ki fine vini à la fin de la dispensation Mosaïque, ou couma ça être humble ki fine être envoyé à la fin de la dispensation Mohammadan. Comme dans ça bane grands nouvelles là, (Arabic) « *Allah pou donne toi So sécurité contre bane dimounes* » ; ça mentionner dans le Saint Coran concernant le Saint Prophète <sup>(saw)</sup>, donc ena ene bonne nouvelle annonçant de mo sécurité dans So révélation, donnant ainsi au premier et au dernier prophète d'ene dispensation l'immunité d'être assassiné. Ça c'est ene exception ki Allah donne spécialement par So sagesse infinie. So raison, c'est que si premier prophète dans ene dispensation martyriser, ça pou cause grands grands doutes dans l'esprit bane dimounes ordinaires, parceki premier prophète là li même li le pillier de ça dispensation là, et si arrivé ki ça li secoussé à so commencement, ça pou capave déstabilise bane croyants kot

zot capave gagne bane grands choques et zot pou ena beaucoup de doutes dans zot l'esprit et zot même capave déclarer ki le fondateur de ça dispensation là li nek ene faussaire. Par exemple : Si Moïse ti être tuer quand li ti approche Pharaon ou nous maître, le Saint Prophète <sup>(saw)</sup> ti fine être assassiné par bane incroyants, le jour kot bane Quraïsh ti rentre dans so la case à Mecca, la loi et la dispensation ti pou tire à so fin là-même et presque personne pas ti pou cause ça causer là.

Donc, c'est ça la sagesse d'Allah dans So bane pratiques ki ni Moïse ni le Saint Prophète <sup>(saw)</sup> fine être martyr, même ki tous les deux, zot ti entouré avec bane l'ennemis ki ti assoiffés de zot di sang, bane ennemis acharnés. Similairement, si le dernier Messenger de ça dispensation là ti être assassiné, bane dimounes ordinaires pou penser ki ça dispensation là fine terminer, ene mal terminer, et donc, ça ti pou secouer tout le monde et tout ti pou tombe en ruine. Dans ça connection là, la volonté de Dieu être couronné de succès. Bane valeurs et bane mérites souvent zot déterminer dans so la fin. La Sagesse Divine jamais pas pou permettre ki bane ennemis maudits d'ene dispensation zot pou gagne ene l'honneur au commencement d'ene dispensation. Ça ti ene Sagesse Divine quand Allah pas fine laisse Jésus mort lors la croix car Jésus ti le dernier prophète de Dieu de la dispensation Mosaique. Dans la dispensation de Mohammad <sup>(saw)</sup>, là aussi ti ena l'attentat pou tuer le Messie Mohammadan, pou pendu li. Mais la grâce d'Allah fine plus resplendissante à So aide, à l'aide du Messie Promis ki à l'aide du premier Messie, et fine sauve li d'ene la peine de mort ou n'importe ki qualité punition encore.

En bref, bane prophètes ki vine au commencement et à la fin d'ene dispensation zot ressembler à deux supports et remparts d'ene dispensation. C'est ça la raison ki dans la pratique d'Allah c'est ki Li accorde zot bane protection très spéciale contre la mort de la violence, même ki bane l'ennemis là zot plus acharnés, plus violents et de hautes qualité de méchanceté ki pas pou laisse aucaine chance passer pou liquide zot. Mais la Main d'Allah tout le temps lors zot pou donne zot ça protection là.

Ena fois quand ene opposant imbécile et ignorant d'ene Messenger li ena tendance pou dire ki li croire ki li même li ene homme pieux et li dire à li même : « *Mo pas ene homme droite moi ? Eski mo pas faire la prière et garde carême, moi aussi ?* » Ça même ti bane parole ki ti sorti de la bouche bane Juifs et de bane Pharisien, zot ti pé habituer pense coumsa et ena même, dans le temps Jésus, zot ti pé flatter, zot ti pé dire ki zot en communion avec Dieu. Mais ça qualité ignorant stupide là, li pas conner ki ceux ki bane vrais serviteurs de Dieu, zot tâché de sincérité et vrai l'amour de Dieu, ki c'est Allah même ki donne zot bane faveurs et ki détruire zot l'ennemis. Comme par exemple, ça ti le cas de Bala'am, ki ti ena ene fierté et l'arrogance dans li, li ti penser ki Moïse pas ti ena aucaine haute spiritualité dans li juste li tout seul ti ena ça. Li pas ti conner ki Moïse ti ena ene relation spéciale, ki ti au dessus de toute expression verbale et ki pas ti capave décrire en mots, avec Allah. Bala'am, aveugle par la supériorité de Moïse, fine être détruit à cause de so l'arrogance envers celui ki plus supérieur ki li.

Donc, c'est ene fait établi ki tous ça ki fidèle et ena ene l'amour intense pou Allah et zot cher à Li (Allah) et zot vraiment fidèle à Li, Allah gracieusement, Li ressenti ki li bizin être à côté de bane sincères et c'est Li-même ki pou détruire zot l'ennemis. Ça fine arriver dans le cas de Bal'aam ki ti ena ene notion de ça et, donc, la manière de ou croyance ki bane ki réellement zot fidèle et zot bane serviteurs gracieux d'Allah, zot vérité à Li arrive ene tel point ki bane aveugles de ça le monde là zot impossible pou comprend ça.

Chaque dimoune ki représente la religion et bane savants ki diboute en opposant bane dimounes ki pieux, ça bane là Allah anéanti zot complètement, parceki ce n'est pas ki zot oppose ça bane hommes pieux là mais, en fait, zot oppose Dieu Li-même. Li totalement inimaginable ki Allah pou secouer et détruire ça l'homme pieux là à cause de quelques ignorants là, bane capons, bane indisciplinés et bane sans la foi et bane Mullahs traîtres.

Allah même fine élève ça bane hommes pieux là pou ene raison spéciale et c'est à travers zot même ki li fine envie pou apporte ene grand changement. Supposer arrive ene situation kot deux bateaux rentrent en collision, dans ene ena ene le roi ki noble, juste, bon, considéré, généreux et gracieux et li ena bane dimounes de bon cœur et gracieux avec li, et ki l'autre bateau la, li pé saryé bane ki nétoyé latrine, bane délinquants et bane

malpropreté de la société. Si ena ene seul bateau ki bizin être sauver, ki bateau ki vaut la peine pou sauver, bateau ki pé saryé ça le roi noble et bon cœur là avec so bane hommes fidèles ou bien ça bane délinquants, malfaiteurs et criminels malhonnêtes là ?

En vérité, moi mo dire ou ki Allah pou sauve ça bateau ki pé saryé ça noble le roi avec so bane dimounes sincère là, et bateau ki pé saryé bane pourritures de la société, ça li li pou couler sans le moindre regret. Pou ena ene grande réjouissance ki le roi ek so bande fine être sauver car le monde pé bizin ça qualité dimounes ki apporte le bien là, et so la mort ti ou ene grand désastre (et li pou comparable) à la mort du monde entier ou de bane générations, et la mort de ça bane cleaner latrine et bane délinquants de la société pas ti pou affecter la gouvernance du monde du tout. Donc, c'est ene tradition divine ça quand bane dimounes zot debout contre bane Messagers d'Allah, Allah tout le temps pou anéantir zot, Li faire zot vine en poussière, Li capave exterminer ene peuple en entier, même ki ça bane dimounes là zot, zot croire ki zot bane hommes pieux, vertueux, c'est ça bane là même ki bizin être détruire.

Ça parceki Allah, pas capave détruire So propre but d'envoye So bane Messagers. Si Li même Li pas protège So bane Messagers, ki sanlà pou prier Li lors ça la terre là ?

## VINGT-SEPTIÈME PARTIE

Dimoune ena tendance pou prend ene considération exagérer la majorité (de bane dimounes) et zot considère zis ene section (de ça la majorité là) ki lors le droit chemin simplement à cause zot en majorité.

*Ene point très important à souligner, kot dimounes ena tendance pou guetter kot majorité été sans ki zot servi zot l'esprit. Si zot trouve soi-disant bane grands comptables, docteur, avocats et d'autres hauts placés dans gouvernement et dans secteur privés zot pé trouve et considère le Messenger de Dieu comme ene fou, ene menteur etc. alors zot tous side de ça côté là parceki zot croire ki bane là bane plus intelligents de la société. Donc, d'après zot, définitivement zot bizin bane dimounes ki fine prend bane décisions corek. Voilà kot bane moins intellectuel zot aussi alle tombe dans ça catégorie là. Mais par contre ena ki juger ki zot capave intelligents de côté bane sujets académiques mais narien zot pas conner lors Quran Shareef et Hadith. Donc ça bane là zot joindre côté du Messenger de Dieu. Ler la même ki zot dire ki juste bane dimounes minables, illettrés et bas de la société ki alle joine ça « prophète » là. Et là, dans nous l'époque, bane majorités pé dire ki juste femmes ki autour « prophète » là, zot pé faire boucou de ridicule à ça propos là, mais zot ignoré ki Allah ki donne dignité et statut et droit de la femme. Bane femmes zot pas bane croyants de l'Islam ? Bane versets du Quran Shareef pas applique pou femmes aussi ? Au contraire Allah fine révèle ene Chapitre en entier ki so titre c'est : « Les Femmes » (An-Nisa).*

*Allah pas donne l'importance lors la quantité, Allah guette seulement ou le cœur, ki li le cœur ene homme ou ene femme.*

Beaucoup bane dimounes simples d'esprit zot penser ki cause ene certain section de bane dimounes (de la majorité) là zot alle Masjid en grand nombre, donc, ça veut dire ki zot le droit chemin.

Mais Allah pas donne l'importance lors la quantité. Allah guette le cœur. Bane vrais serviteurs d'Allah, dans zot ena ene la lumière spéciale ki sorti d'ene vérité, fidélité et l'amour de zot Créateur ki pas capave donne ene description appropriée. Si mo ti capave donne ene bonne explication lors là mo ti pou donner, mais aucaine prophète ou Messenger depuis création ça le monde là, fine capave donne ene bon explication lors ça mystère là parceki li impossible pou trouve bane mots exactes pou explique comment l'esprit du serviteur d'Allah li prosterner lors le seuil de la porte d'Allah.

## VINGT-HUITIÈME PARTIE

Mais après ki mo fine fini traduire le reste de la révélation, mo ti pou content pou apporte le sujet en peu plus près encore. Dieu Le Tout Puissant dire : « *Quand même mo pou sauve toi pou pas gagne touyé, mais seulement, deux femelles cabris de to communauté pou être sacrifier, et chaque être ki vivre, zot pou à la fin trouve la mort ; mais cela, ça deux là zot pou être tuer malgré zot innocents.* » Dans bane écritures Allah cause de ça bane manière là pou bane innocents comme des cabris. Parce ki bane cabris zot possède deux qualités spéciales. Zot donne du lait et servi zot la viande comme nourritures. Là-dans ena ene prédiction à propos de bane défunts martyr Maulvi Mohammad Abdul Latiff et so disciple Mian Abdul Rahman.

*Ki faire Allah dire Hazrat Mirza Ghulam Ahmad <sup>(as)</sup> deux femelles cabris parceki de nature bane femelles cabris (chèvres) zot bien dociles et zot possède deux qualité spéciales : 1) Zot donne du lait, du lait c'est ene nourriture de base chez l'homme et ene aliment sain et nourrissant. 2) Nous servi so la viande pou manger.*

Ça prophétie là fine réaliser 23 ans après so publication dans Braheen-e-Ahmadiyya. Là jusqu'à zordi, des millions de personnes fine bizin lire ça prophétie là à la page 510 de mo livre Braheen-e-Ahmadiyya. Li bien connu ki du lait et la viande, couma mo fek citer là, li deux qualité très distincte d'ene chèvre. Maulvi Abdul Latiff ti pé distribuer du lait à so bane opposants à travers so bane exhortations pendant le dialogue avec ça bane soi disant pieux là, ki ti oppose li et li ti pé fourni zot avec bane arguments de vérité pur comme du lait ; mais, au lieu ki zot boire ça du lait là, zot fine voltige ça.

En sacrifiant so propre la vie et li fine donne so du sang pou l'amour ki li ena pou zot, li fine donne so bane opposants so la viande pou manger et so du sang pou zot boire coumsa zot capave réfléchi lors le fait ki dans la foi ki zot observer et ki zot fine hériter de zot ancêtres ki fine fini mort, personne pas fine faire de tel sacrifice à moins quelque fine témoigne spirituellement ene manifestation divine et li rempli de piété. So la chair et so du sang pou continuer pou tout le temps pou invite tous bane chercheurs de vérité.

## VINGT-NEUVIÈME PARTIE

En bref, Sahibzada Maulvi Abdul Latiff, pareil couma ça deux faits ki mo fine mentionner là, li ressembler fortement à ça chèvre là et Mian Abdul Rahman aussi ressembler à ça chèvre là.

Parceki Allah Le Tout Puissant Li conner ki l'auteur de ça récit là, et so bane suivants pou gagne ene très grand choque quand zot pou tanne ça nouvelle de martyr là, donc, ene partie de ça révélation là contenir bane mots de condoléances et de consolation révéle en Arabe ki capave interprète ça coumsa : Pas bizin zot chagriner ou mausade quand zot entende ça nouvelle choquant là, parceki quand même deux de zot dimounes fine mort, Allah li avec zot. Li pou faire ene peuple en entier pou vini pou remplace ça deux là, et Allah suffit pou So serviteur. Zot pas conner ki li ena contrôle lors tous kitchose ? Le Jour du Jugement nous pou amène ou comme ene témoin contre ça bane dimounes ki fine tuer ça deux innocents là, et nous pou questionne zot pou ki faute ki zot fine être tuer ?

*Même si ena ene ti poigner femme autour de Hazrat Muhyi'uddin Munir Ahmad Azim, Allah li avec nous, li pou faire boucou de peuples des autres sectes musulmans et d'autres communautés, races, couleurs en entier pou vini pou vine accompagne ça petit groupe là et Allah suffit pou So serviteur. Insha-Allah.*

Allah pou donne toi to récompense. Li pou content avec toi et li pou faire to nom accompli, c.à.d, Ahmad, ki veut dire – signifié « *Celui ki glorifier Allah beaucoup* ». Celui ki prier et glorifier Allah beaucoup, li celui ki récompenser par Allah beaucoup. En bref, Allah pou arrose toi avec ene la pluie de So bane bénédictions et pour ça raison là aussi to bizin glorifier Li dans le plus haute degré et à ce moment là ki to nom pou arrive à so sommet (à so but). Li (Allah) dire : « *Na pas chagriner lors la mort de ça bane martyr là, ena ene sagesse cacher dans zot martyr. Ena beaucoup z'affaire ki ou pou content, mais ki pas pou bon pou ou, et pou ena*

beaucoup kitchoses ki ou pou envie pas arriver, mais ça même ki pou bon pou ou. Seulement Allah conner ki plus bon pou ou. Mais ou ou pas conner. »

Fine expliquer dans ça révélation divine là ki la mort de Sahibzada Maulvi Abdul Latiff, ki fine dérouler dans ene manière très cruel, li vraiment choquant et chagrinant (nous pas fine témoigner ene cruauté si atroce et cruel ki ça) mais martyr (crime) là li saryé bane bénédictions ki nous pas capave compter, ki plus tard ou pou trouver et **la terre de Kâbul pou souffert bane conséquences, de ça cruauté là.**

(Nous mette l'emphase : comme par exemple, bane conflits, invasion etc. d'Afghanistan – zis quelques exemples). Avant ça tragédie là, fine ena aussi le meurtre de Mian Abdul Rahman, ene de mo bane disciples, lors ki Allah fine reste tranquille, mais Li pas pou ferme So lizié lors ça brutalité là et bane conséquences terrible de ça l'événement là pou bizin être témoin. Fine rapporte à nous ki après ki zot fine martyrise Sahibzada à coup de roches (lapider) **ene l'épidémie de cholera fine éclater dans le pays à Kâbul** et **ene quantité dimounes de la famille du Amir fine mort** (suite à ça).

Mais c'est pas tout ! Ça même le pire de bane crimes sans merci ki péna so pareil fine arriver sous ça le ciel là. Hélas ! Quelle pitié !

## TRENTIÈME PARTIE

Ki ça Amir ignorant là fine faire ?

**ATTENTION À L'AMIR KI FINE METTE BANE DIMOUNES EN DEHORS JAMAAT !!!**

*Sous fausse documents et fausses allégations. Mo pé recommande toi alle lire ça livre là bien, dans tous so intégralité (détails)... Allah<sup>(swt)</sup> pas pressé avec toi. Prends to bane précautions... le temps to pas pou gagner...*

*Ça paragraphe là faire nous trembler de frayeur quand nous trouve nous bien-aimé Hazrat Mirza Ghulam Ahmad<sup>(as)</sup> couma ti faire duah pou Sahibzada Abdul Latiff et Mian Abdul Rahman et guette ki fine arrive à Afghanistan, la terre de Kâbul après ça lapidation là.*

Li fine alle tuer brutalement ene dimoune incomparable aux autres, ene innocent et ene pieux et li (Amir là) fine assure so propre ruine.

**O la terre de KÂBUL !**

To témoin d'ene crime atroce ki fine commette lors to la terre. O terre misérable ! Aux yeux d'Allah, to fine être condamné car to la scène de ça horrible crime là.

## ENE NOUVEAU MIRACLE DE MAULVI ABDUL LATIFF, LE BÉNI

Quand mo fine commence écrire ça livre là, ti mo l'intention pou mo complète li, et prend li avec moi pou alle Gurdaspur le 16 octobre 1903, kot là-bas mo ti ena pou alle en cour pou mo réponde à ene charge criminel contre moi par ene opposant.

Mais fine arriver soudainement mo pé souffert de mo le rein et mo pas pé capave accompli ce ki mo ti ena pou faire car le temps trop court. Ça douleur là tellement li atroce ki ça ti capave vine très grave. Allah Le Tout Puissant, dirige-moi vers la prière. Ti trois heures du matin et mo dire mo madame ki mo pé alle prié Allah, (faire duah) et nek dire « *Ameen* » après moi.

Dans ça l'état terrible là, et en gardant à l'esprit (la mémoire de) Sahibzada Maulvi Abdul Latiff, mo fine commence implorer avec Allah et supplier Li ki mo ti ena le désir pou mo écrire ça livre là en so mémoire. Soudain, ene ti sommeil fine prend moi et après ene révélation descende : « *La Paix c'est le Salut du Seigneur Tout Gracieux, Miséricordieux.* »

Mo prend le nom d'Allah ki c'est Li le Maître de mo la vie ki mo fine être guéri complètement avant six heures du matin et ce jour là même mo fine réussi écrire la moitié de ça livret là.

## ENE SUJET TRÈS IMPORTANT POU MO BANE SUIVANTS

Mo réaliser ki ena quelques membres de mo communauté zot toujours faible en spiritualité, à ene tel point ki ena pas pé capave tenir ferme à zot Bai'at.

Mais quand mo considère la fermeté et sacrifice de Sahibzada Maulvi Abdul Latiff, le Béni, mo commence senti ene très grand confiance à propos zot. Il me semble ki Allah même fine trace ça coumsa, Li même fine donne ça qualité piété et devotion à quelques de mo bane disciples ki pas juste zot contribuer financièrement, mais zot fine prêt pou sacrifier zot la vie aussi pou la cause d'Allah. Dans ça communauté là Allah pou élève ene nombre d'hommes ki pou possède l'esprit de Sahibzada Abdul Latiff.

## TRENTE-UNIÈME PARTIE

Mo fine trouver dans ene vision au moment de so la mort ki ene grand branche d'ene cyprès de mo jardin fine couper et mo pé dire : « *Plante ça branche là dans la terre encore coumsa li pou repousser et li pou fleuri.* »\*

\* Mo fine avant ça aussi recevoir ene révélation clair concernant Sahibzada Maulvi Abdul Latiff Sahib, quand li ti présent avec moi dans Qadian. Ça révélation là ti publier dans version anglais de « *Review of Religion* » le 09.02.1903 et dans *Al-Hakam* le 17.01.1903 et aussi dans *Al-Badr* du 16.01.1903 et ki ti pé référer à le dit Maulvi Sahib. Bane paroles de ça révélation là (Arabic) : « *Li fine être assassiné dans ene l'état kot personne pas fine écoute séki li ti ena pou dire, mais so meurtre ti ene l'évènement très mauvais et ki apporte la frayeur pour bane dimounes et fine quite ene marque permanent lors zot l'esprit.* »

*Hazrat Mirza Ghulam Ahmad* <sup>(as)</sup> fine interprète ça rêve là : ki Allah Le Tout Puissant pou élevé dans so Jamaat boucou dimounes ki pou marche dans le pas de Sahibzada Abdul Latiff – Conclusion : C'est bane hommes d'Allah, bane sincères et pieux. Couma nous pou reconnaître ki ça homme là Allah fine élève li ??? Alle casse la tête !

Mo fine interprète ça vision là, ki Allah Le Tout Puissant pou élève dans mo communauté beaucoup dimounes ki pou marche dans so pas et pou suivre so l'exemple. Mo convaincu ki ça interprétation de mo vision là pou réaliser ene certain temps. Mais la situation à présent c'est que parfois quand mo envie présente ene petit sujet devant mo bane disciples concernant de zot propre bien, mo ena ene frayeur dans mo le cœur ki ça capave ene difficulté et ene épreuve pou zot.

Maintenant mo envie présente ene kitchose très important à mo bane disciples. Mo trouvé ki bane contributions ki zot faire pou maintenir le Langar Khaana li très digne de louanges. Bane membres du Punjab zot faire ene bon donation pou ça propos là. La raison de ça c'est que bane dimounes ki habite dans Punjab, zot vine visite moi bien souvent.

Ça c'est ene bénédiction très spirituel de zot part ki malgré bane faiblesse et bane maladies de zot l'esprit ki zot souffert, tous ça là effacer quand régulièrement zot vine rende moi visite. Ça même dans la région de Punjab, zot pé faire bane grand pas de l'avant dans la spiritualité et zot pé montrer zot volonté, l'enthousiasme dans le service de la foi, ki zot pé donne suffisamment de preuve de vrai fidélité et d'obéissance.

En sus de tous ça là, bane dimounes de ça région là, comme ene règle, zot ena bon cœur. Néanmoins, li pas pou correct si mo attribuer la faiblesse à tous ça bane qualité disciples là ki habite dans bane place très très loin, ki zot pas di tout sincères et ki zot pas pé prend aucaine part dans le service de la foi. En réalité, Sahibzada Abdul Latiff ki habite à ene pays lointain, fine donne ça bon l'exemple exceptionnel de fidélité là et ki ça fidélité là ça fine bouge même bane disciples ki le plus sincère du Punjab, car zot fine forcé pou admettre ki même le Sahibzada fine vine joindre nous tard, mais li fine dépasse zot tous lors la sincérité, la fidélité et la fermeté de la foi.

Similairement, ena encore bane disciples ki habite très loin et ki fine rende bien service au Jamaat et zot sincérité et zot devotion pas fine diminuer du tout. A l'instance ena nous frère Seth Abdul Rahman, ene businessman de Madras, et quelques autres encore tombe dans ça catégorie là. Bane membres du Punjab zot avant bane les autres à cause de zot nombre et à cause ki zot représente chaque section du peuple. Bane dimounes loin loin, quand même ou fine vine joindre à nous, zot pas capave purifier zot âme si rapidement à cause zot manque ça l'occasion d'être en mo compagnie, c'est ça la raison ki impureté de zot le cœur pas pou effacer facilement. Donc, li paraître soi zot pou nettoye li avec bane z'affaires mondaines ou bien Allah pou coupe zot relation avec ça communauté pure là, et zot pou gagne ene la mort terrible.

L'erreur fatale de l'homme c'est que zot trop galoupe derrière bane gains mondaines. Ça le monde misérable là bien souvent égare bane dimounes soit par la peur ou bane fausse espoir et bane attractions temporaire, et ça même cause zot ruine totale. Bane stupides et bane ignorantes dire : « *Quoi ! Eski nous pou quitte tous sa bane joli joli kitchose la ?* »

Ça même le comble, kot l'homme pas capave débarrasse li de ça et ki li continuer persister dans so erreur et kot finalement li alle tombe dans la ruine.

O bane ki dans noirté ! Pas fine demande ou pou quitte bane moyens mondaine complètement ; mais ou bizin coupe ou avec so bane attractions ki pou amène ou dans le mauvais chemin pou ou pas tombe dans la ruine.

Ou pas pé réaliser ki ou pé sème la grain de mal pou ou zenfants et pou ou bane membres de ou familles pou ki ou pé travaille nuit et jour, excessivement, tellement ou pé prend compte pou zot dans z'affaire mondaine ki ou pé oublier complètement bane commandements de ou Créateur et ou pé vine bane véritables démons. Ou pé plutôt trace la voie de la destruction pou ou famille. Ça, c'est parceki ou manque de la protection divine car ou pas pé marche dans le droit chemin, ou fine quitte la voie de la spiritualité.

Allah Li observe le fond de ou le cœur. Ou pou gagne ene la mort subite et ou pé pousse ou famille vers la destruction. Mais celui ki tourne vers Allah, li pou amène so madame et so bane zenfants pou partage so prospérité et Allah So bénédiction et li pas pou faire face à la ruine après so la mort.

Bane ki établi ene relation fort avec moi, même ki li habite à des milliers de kilomètres de moi, li garde ene contact serré avec moi à travers correspondance, et ki li prier avec beaucoup de ferveur. Constamment ki li pé rode ça l'occasion là, pou vine à mo coté et pou partage ça bane bénéfice ki ena à mo compagnie.

Mais hélas ! Mais ena pé trop galoupe derrière ça le monde là et zot pé délaïsse ça opportunité pou coster avec moi, en mo compagnie, zot pas même penser pou envoye moi ene carte postale. Ça faire moi réssenti ki zot le cœur fine mort et zot l'âme fine tâcher avec la lèpre. Quand à moi, mo pé prier continuellement ki mo bane disciples zot gagne la crainte d'Allah et ki zot attacher avec la prière et ki zot prosterne humblement devant Allah avec larmes rempli dans zot li yeux au milieu de la nuit et zot pas néglige zot devoir devant Allah et ki zot pas vine avare et zot pas galope derrière bane attractions mondaines. Mo souhaiter sincèrement ki Allah écoute mo duah, mo bane supplications et ki Li révèle à moi ki quand mo quitte ça le monde là, mo pou quitte bane ki obéir Allah.

Mais bane li yeux ki pé commette adultère et bane le cœur ki pli malpropre ki la suie et bane ki fine oublier complètement ki ene jour zot ena pou quitte ça le monde là ene jour, mo Allah et moi nous complètement ena ene dégoût pou ça bane qualité dimounes là. Mo pou bien content si ça bane qualité dimounes là, de zot propre être même zot coupe tout zot relation, tout connection avec moi, parceki Allah oulé faire ça Jamaat là, ene modèle pou les autres, bane ki pé lutter pou arrive au sommet de l'échelle de la piété et la pureté et pou bane ki vraiment donne priorité à la foi lors tous bane affaires mondaines.

A bane tricheurs ki après avoir ki zot fine prend le Bai'at avec moi et ki zot ti promette pou donne priorité à la foi et la religion lors tous zot bane besoins personnel, bane ki reste dans grand l'occupation mondaine, zot le cœur li rempli avec bane désires inutiles et zot pas tourne vers la piété ni zot pé capave faire bane actions de la droiture ni zot pé prend la voie de la piété kot zot capave faire bane bons travail. Zot couma ene le rat ki pé grossi dans noirté et zot pé dépense zot la vie dans ça même trou noir là et zot pou mort là-dans même. Là-haut dans l'au-delà. Allah fine fini faire zot dans ça communauté là, et li pas vaut la peine pou dire ki ou appartenir à ça communauté là.

## TRENTE-DEUXIÈME PARTIE

Bane ki pas pé prend mo causer compte et bane ki pas pé prend la foi pli important ki tous z'affaires mondaines et bane ki pas oulé faire ene z'effort pou réforme zot l'âme et zot le cœur, bane ki pas pé rode purifier zot le cœur et bane ki pas oulé tire ça saleté de cruauté et de bane magouilles de zot et ki pas ena l'amour envers l'humanité sincèrement et ki pas pé rode obéir so Créateur vrai et ki pas pé rode suivre moi avec tout so le cœur en délaissant complètement so bane désire personnels et so l'indépendance, li couma ene li chien ki pas pé rode quitte ça tas de saleté et de pourritures.

Ki serti ki mo ena bane adhérents coumsa ? Juste pou show ? Vraiment mo dire ou avec toute sincérité ki si même zot tous quitte moi aller et même ene seul pas reste avec moi avec full sincérité, mo garanti ou ki Allah pou envoye ene l'autre peuple ki beaucoup plus bon ki ou dans la vérité et dans la loyauté. C'est le pouvoir du ciel ki pé travaille pou moi, en conséquence de juste bane pures de cœur ki pou galoper et zot pou vine vers moi. Personne pas pou capave empêche ça l'attrance de ça l'aimant là. Ena ki dépende plus lors so propre plan et so ruses ki lors Allah.

*Hazrat Muhyi'uddin Munir Ahmad Azim dès le début de ça siècle là, après avoir ki Jamaat Ahmadiyya Al Mouslemeen fine formé, tout le temps li ti pé donne ça avertissement sévère là à tous bane membres pareil couma Hazrat Mirza Ghulam Ahmad<sup>(as)</sup> fine donne à bane membres de la Jamaat Ahmadiyya et ça nous toujours maintenir ça avertissement là. Sans ki Hazrat Muhyi'uddin Munir Ahmad Azim fine lire ça livre là, li aussi li fine donne le même avertissement. Voilà ki dans so l'époque, la Jamaat Ahmadiyya Al Mouslemeen zot fine renier zot la foi et fine casse zot Bai'at ki zot ti prend lors la main du Khalifatullah et zot fine faire ene telle façon malhonnête kot zot fine Hijack le Jamaat couma bane Pirates faire. Hazrat Mirza Ghulam Ahmad<sup>(as)</sup> pé gagne peur attention bane membres quitte le Jamaat à cause zot Imaan faible ; dans ça l'époque là, tout le contraire – c'est bane ki ti autour du Khalifatullah ki fine éloigner avec la Manifestation Divine et en même temps zot fine Hijack le Jamaat (ki le nom fine révéler à li par Allah)!!!*

*Donc, Jamaat Ahmadiyya Al Mouslemeen, bane membres ignorants, zot pas conner ki Allah Li suffit pou So Serviteur ? Eski Allah pas fine élève li avec ene l'autre Jamaat : La Jamaat Ul Sahih Al Islam ? Avec d'autres peuples du monde ?*

*Zot bane Jamaat Ahmadiyya Al Mouslemeen, ki faire zot fine quitte le Jamaat Ahmadiyya (Ahmadiyya Muslim Association) et zot fine joine la Jamaat Ahmadiyya Al Mouslemeen ?*

*A cause zot fine croire dans ene Muhy'uddin, un homme de Dieu, mais ki utilité zot encore ena dans Jamaat Ahmadiyya Al Mouslemeen quand zot fine mette le Muhy'uddin dehors, soit ou avec le Khalifa-tul-Massih, ene dimoune élu par l'homme ki pou représente zot dans la Jamaat ou bien ou choisir ene Khalifatullah ki vine de côté d'Allah. Bien sûr ou ti bien choisir ki ene Homme de Dieu passe **avant** ene Khalifa-tul-Massih.*

*Au contraire ene Khalifa-tul-Massih ti bizin suivre ene Khalifatullah, et zot ti bizin travail ensemble avec le Khalifatullah pou amène l'arche de Hazrat Mirza Ghulam Ahmad<sup>(as)</sup> dans la droiture et amène d'autres peuples des autres religions vers Islam, mais nous les Jamaat Ul Sahih Al Islam, nous faire duah ki Allah faire zot reconnaître zot erreur. Insha Allah.*

Peut être dans zot le cœur zot pensé ki l'institution de prophètes et Messenger c'est qu'ene fraude et ene déception humain et ki ça popularité ki zot gagner là li nek par accident ça. Pena narien ki plus fun ki zot ena ça notion là dans zot la tête, et n'importe ki fine contente li pou mette ça dans so la tête, bé li péna ene la grain la moutarde la foi dans Allah Qui ena tout contrôle même ki ene feuille pas tomber sans So permission.

## TRENTE-TROISIÈME PARTIE

Maudit soit ça bane qualité l'âmes et deux fois plus maudit encore bane ki fine faire ancrer dans zot le cœur et l'esprit ça qualité l'idée machiavélique là. Ignominieusement zot pou être détruire parceki zot fine rode faire ene attentat pou mette beaucoup obstacles dans le chemin d'Allah. Bien sûr, très certainement, bane dimounes de ça type là zot bane athées et ki zot possède l'esprit malpropre. Zot vive ene la vie maudit et zot pas pou mérite narien à part du feu l'enfer après zot la mort.

*Quand Hazrat Mirza Ghulam Ahmad <sup>(as)</sup> pé dire « maudit soit ça bane qualité l'âmes là et deux fois plus maudit encore bane ki fine faire ancrer dans zot le cœur et l'esprit, sa qualité l'idée machiavélique là... »*

*Eski là nous capave dire ki Massih Maoud ene vulgaire, ene grossier, li pé avoye malédiction lors dimounes... A ou de tire ou conclusion car bane Ahmadis surtout le 'Grand Amir' et so alentour quand zot fine recevoir l'échange de zot la monnaie, avec bane arguments solides du Khalifatullah, voilà ki zot traite li de vulgaire, de grossier et d'autres paroles grossiers pou li. Dans Quran Shareef même mentionner couma Hazrat Moosa <sup>(as)</sup>, quand li fine descende de Mont Sinai, plaque révélations dans so la main, le temps li trouve couma Haroun fine mal mène bane disciples, ki li fine faire ? So colère monter et li fret plaques révélation par terre ; ene l'autre place mentionner ki li fine risse Haroun par so la barbe, là ki nous pou dire ? Eski Hazrat Moosa pas ti ene prophète, li mal élevé ? Ça dimoune pou suivre ça ? Ça vulgaire là ? Ça Grossier là ?*

*Ene l'autre verset mentionné ki Hazrat Daoud ti donne malédiction lors bane dimounes ? Li aussi pas prophète même ? Li pas vulgaire ? Prophète donne malédiction ? Là couma nous capave juger...*

*Allah même pé raconte ça avec Hazrat Mohammad <sup>(saw)</sup> par révélations dans Quran Shareef. Ene l'autre verset, kot Allah même dire bane dimounes vine zako et cochon, et autre mots ki nous trouve grossier, là ki nous pou dire ?!!!*

*Nous tous croire ki ene Messenger quand li vini li bizin doux comme ene agneau, li bizin guette tous ou bane magouilles, corruption, mal élever ki ou faire ki contre l'enseignement du Quran Shareef avec ene sourire, li reste tranquille et li tape ou z'épaule, li dire bravo, continuer dans ça chemin là même...*

*Mais non !!! Quand li trouve ça bane z'affaires là arriver, ene la flamme monte dans so le cœur, et li cause avec ene la force kot li fer ou realise ou bane erreurs et fautes. Jamais li pas pou fer ça par li même, ça même ki nous appelle li ene Homme de Dieu, li causer par le Rouhil Quddous – nous tous conne par cœur ki ene Messenger de Dieu, so la main couma la main de Dieu ; ou pas prend Baiat lor so la main. Eski Allah pas dire kan ou prend Baiat lor la main Mo prophète, c'est ki ou pé prend le Baiat dans la main d'Allah ? So li yeux li couma les yeux d'Allah etc.*

*Donc, la colère d'Allah manifester dans li et li donne nous avertissement aussi bien ki bonne nouvelle aussi. Li pas ene bolom loulou ki kan nous trouve li nous bizin sauver. Ça aussi non ! Au contraire nous bizin tout le temps reste en so compagnie, parceki nous pas conner ki l'heure ene message capave descende et nous pé témoigner et nous gagne le temps pou reforme nous ou nous pé gagne ça bénédiction ki pé descende du ciel kot nous conne beaucoup z'affaires sans ki nous bizin alle fouille dans livres ou bien guette informations ; ou conne « the secret of the secrets » (le secret de bane secrets). Ça même ki Maulvi Sahibzada Abdul Latiff fine reste plusieurs mois en so (Hazrat Massih Maoud) compagnie couma nous fine lire dans livre au début.*

*Donc le 'grand Amir' et so bane membres Amila zot propage partout dans tous Masjid de l'île et international ki Hazrat Muhyi'uddin Munir Ahmad Azim ene dimoune grossier et li vulgaire – li pas dire ki fer ??? Li passe li pou ene bon ti garçon bien doux et innocent. Li passe li pou ene victime dans la main de Hazrat Muhyi'uddin Munir Ahmad Azim. Ça ignorant là pas conner ki Allah pé montrer li travers bane Kashfs et révélations tous so bane malpropretés. Astore li bizin commence gagne peur de so situation...*

*Alors là Hazrat Massih Maoud pé maudit ça bane qualités dimounes ki ena ene jalousie intense dans zot le cœur pou le prophète d'Allah parceki prophète là pé dévoile so bane secrets ki li fine prend tant de peine pou dissimuler et pou li aparaitte comme ene bon dimoune **pieux devant les autres** – Alors tous bane ki participe avec li dans so travail machiavélique kot li maintenant passe so le temps ki précieux dans organise bane complots de toutes sortes – li monte la tête de bane les autres, fer zot tourner contre le Messenger d'Allah – ça même ki Hazrat Mirza Ghulam Ahmad <sup>(as)</sup> pé dire ki zot pou être détruit et déshonoré parceki zot fine rode fer ene attentat pou mette beaucoup obstacles dans le*

*chemin d'Allah. C'est vrai ki en l'an 2003 à 2005, beaucoup dimounes dans l'Association fine vine joine ouvertement et secrètement le Muhyi'uddin et zot fine gagne la chance pou témoigne beaucoup de signes divins et zot le cœur fine allumer avec la lumière d'Allah, ena zot fine vini et fer zot namaz derrière li ki li homme ou femme. Ena madame ki zot bolom ene Qattar (pire ennemi) du Muhyi'uddin ; li, li fine prend so bane enfants, zot fine vini en secret, zot fine écoute le Muhyi'uddin causer kot zot même zot fine dire : « Ki tous ça banané ki Mo dans Lajna là jamais mo pas fine tende tel enseignement. » Ena fine tire photo en secret avec le Muhyi'uddin, ena ti vine prend le Baiat sans ki laisse so parents conner – ki fer ???*

*Parceki ça la lumière là ti pénétrer dans zot le cœur. Mais, hélas, kan bane haut placés du Jamaat fine alle conne ça – voilà ki zot menace ça bane dimounes là ki si zot suive ça « soi-disant prophète » là, nous pou met zot en dehors du Jamaat – fer zot gagne peur du boycott, pas invite zot dans bane fonctions etc.*

*Ena fine gagne bête are mari, fine risse cheveux cogne la tête are muraille, ena ti fouille tiroirs so tifille ki attention ena livres ki le prophète pé donne zot pou lire et pou fer zot croire dans li ; alors tous ça là ti ensemble avec le Messenger de Dieu – qui fine arriver ??? Zot Imaan pas ti assez solide pou ki zot capave matté avec ça bane « Zaalims » là, donc voilà ki zot alle perdi zot Imaan et zot rétracter. Ça même ki appelle mette obstacles dans chemin d'Allah. Ena fine tire so madame avec so tifille, fer zot casse zot namaz derrière le Muhyi'uddin, fer zot alle zot la caze. Ou croire ki Allah pou laisse ça bane qualités dimoune là hérité lors ça la terre là et dans Aakhérat ? Allah pou donne zot tanque ki capave le bien de ce monde, l'argent, zenfants, femmes, tous modèle, tous couleurs, toutes de grandes beautés mais le jour ki li pou tombé, réparation pas pou ena. Allah pou fini noirci so le cœur ici même. La même kot Hazrat Mirza Ghulam Ahmad <sup>(as)</sup> dire ki zot pas pou hérite narien à part du feu l'enfer après zot la mort.*

## TRENTE-QUATRIÈME PARTIE

Pou résume tout, à propos de Langar Khaana et « Review of Religion » en urdu et en anglais, ki nous bane chers ami fine exprime zot grand l'intérêt là-dans, nous fine commence ene l'école à Qadian. So l'avantage c'est que nous bane jeune générations gagne bane principes de la foi appart ki zot gagne bane leçons académiques. Dans ça manière là, ene bon quantité zenfants capave gagne ene bon training et bien souvent zot parents aussi capave vine joine dans nous mouvement, Jamaat. Mais en ce moment nous l'école pé passe dans ene situation très très difficile.

Quand même mo grand camarade et famille Nawab Mohammad Ali Khan, Chef de Maler Kotla, li pé contribuer 80 roupies mensuellement de so propre poche, la paye mensuelle de nous staff pas pé capave payer régulièrement. Tout le temps, nous pé faire face à bane déficit de plusieurs centaines de roupies. En sus de tout ça là, nous l'école demande pou ene extension, pou être agrandi, mais jusqu'à maintenant nous manque le moyen pou nous capave faire ça travail là – Ça situation là pé cause moi beaucoup d'anxiété. Mo fine donne beaucoup d'attention à ça problème là et mo fine arrive à la conclusion ki mo besoin mette ça sujet là devant mo bane disciples sincères et mo pou demande zot fermement, si zot capave pou faire ene promesse pou contribuer chaque mois pou vine en aide à nous l'école, avec ene ferme détermination ki zot pas pou manque à zot promesse à moins ena ene raison ki vraiment en dehors zot control. Pou bane ki pas capave pou contribuer comme suggérer promis, mo propose ene l'autre alternatif ki zot remette zot contribution directement à Nawab Sahib, ene quart de la somme ki zot paye pou le Langar Khaana zot remette ça somme là séparément par Money-Order.

*Là, dans ça morceau là, Hazrat Mirza Ghulam Ahmad <sup>(as)</sup> pé fer ene appel officiel à tous so bane membres du Jamaat pou contribuer généreusement pou capave rouler ene l'école à Qadian, pou ki bane jeunes générations gagne bane principes de la foi et bane leçons académiques – et non seulement zenfants mais zot parents aussi capave profiter et ça invitation là li pou d'autres enfants des autres religions. So but c'est ki pou appelle zot vers la droiture et l'unicité d'Allah kot doucement zot prend la décision pou vine joine le Mouvement, c.à.d vine dans Jamaat Ahmadiyya. Puisque l'école pé fer face à ene crise financière, Hazrat Mirza Ghulam Ahmad <sup>(as)</sup> pé fer ene appel à tout le monde ki zot contribuer petit à petit pou capave fer l'école rouler plus le Langar Khaana aussi car bane dimounes ki sorti loin loin pou vine rencontre le Messie, zot bizin rester, loger. Donc bizin trouve quelque chose à mettre sous la dent pou recevoir ça bane Mehmaan (invités) là. Et en même temps Hazrat Mirza Ghulam Ahmad <sup>(as)</sup> pé remercier bane ce qui fine être très généreux ouvertement dans so livre, pas pou fer ene show, mais pou encourage bane les zot ki posséder, ki zot donne généreusement dans ça fond là pou propage l'unicité d'Allah et la connaissance Islamique et académique. Nous guette ça point là de près. La question se pose :-*

*Eski Hazrat Mirza Ghulam Ahmad <sup>(as)</sup> pé demande charité ??? Li ene minable ??? Li ene mendiant ??? Ou bien le Jamaat Ahmadiyya fine fek former sous l'instruction divine et couma nous tous conner kan ene business ou ene Jamaat fek former, nous fer face à des crises financières, n'est-ce pas ??? Ena dimounes même ki personnellement mo conner ki fine bizin prend millions de roupies avec plusieurs personnes pou lance so business, mais malheureusement so le cœur pas ti pur et sincère, donc so business fine flop et jamais jusqu'à l'heure li fine prend la peine pou retourne ça l'argent là à ça bane dimounes ki fine aide li si généreusement. Au contraire kan bane là alle guette li, li sauter, piller et aussi dire bane gros mots ki vulgaires – ena même travayeur ki zot pas fine payer. Donc ki mo pé rode dire ou ki là couma nous pou traite Hazrat Mirza Ghulam Ahmad <sup>(as)</sup> ??? Eski bane Ahmadis zot croire toujours ki li le Messie Promis ?!!!*

*Parski de nos jours zot dire ki le Messie, Hazrat Muhyi'uddin Munir Ahmad Azim pé alle de porte en porte pé alle demande charité, pé mendier et d'autres blâmes encore. Zot pas conner couma ça traverser, mais blâmes facile zot metté. Quelle bassesse zot fine rentrer ? Le temps zot fine fer coumsa, Allah fine avoye So bane bénédictions plus lors So serviteur – voila ki le Jamaat Ul Sahih Al Islam pé roulé juste avec l'aide d'Allah – le Website, le Bait-ul-Zikr etc. Tous ça là planifier par Allah – ou capave contester ça Verset Quran Shareef là ou ?!!!*

*« Wa makaruu Wa makarallaah : Wallaahu Khayrul Maakiriin »*

**Traduction:** *Les autres là fine comploter, et Allah aussi fine faire So plan, et plan Allah meilleur ki tout.*

*Azordi jour grâce à ça l'appel publique de Hazrat Mirza Ghulam Ahmad <sup>(as)</sup> ki li fer dans tous so bane livres, à travers pamphlet etc. ki ou trouve la caisse du Jamaat pé déborder par millions, ki li ene Jamaat ki pas bizin servi subside gouvernement ; ça c'est vraiment ene super grâce de côté d'Allah, mais hélas, ki nous trouver azordi, ça l'argent là pé mal gérer – bane Amirs pé voyager couma dire avion fine vine zot tip-top (bus), tous Jalsa zot bizin présent et zot pé fer tantam, manger, boire, à gogo dans tous fonctions, barbecue, briani ki coûte énorme, zot pé prend grand grand la salle pou célébrer bane évènements comme le centenaire du Khalifa, Seerat-Un-Nabi, et d'autres fonctions – au lieu ça l'argent là servi pou bane dimounes assoiffés de la spiritualité, zot zot pé tire cheque couma dire pé tire mouchoir dans poche. Zot pas pé réaliser ki faveur Allah fine fer lor Jamaat Ahmadiyya. Maintenant nous, les Jamaat Ul Sahih Al Islam, pé dépense dans le chemin d'Allah, pou fer le dawa, zot dire nous pé demande charité. Guette ene coup en 2008 et 2009, ki sanlà ki fine alle fer « Charity Walk » ??*

*Zot fine vine pareil couma ça bane politiciens ki pé fane l'argent partout pou gagne popularité. Eski ça même l'enseignement de Hazrat Mirza Ghulam Ahmad <sup>(as)</sup>? Alle réfléchi bane ignorants ! Guette dans ki but nous Hazrat Mirza Ghulam Ahmad <sup>(as)</sup> ti fer appel à so bane adhérents pou contribuer et après 100 ans guetter si pas zot pé suivre so chemin ! Alhamdolillah, li aussi Allah ti avec li, kot l'école et Langar Khaana fine marché à merveille.*

C'est vrai ki le management de Langar Khaana li tombe lors mo responsabilité personnel et ki ça li concerne moi seul, mais mo pas capable aussi pou mo ferme mo li yeux lors bane les autres responsabilités. Donc, mo compte lors tous mo bane disciples sincères pou répond à mo l'appel avec enthousiasme et pas jette ça dans la poubelle. Zot bizin accueille ça dans zot le cœur et zot faire bane création positive. Mo pas dire quoique ce soit d'après moi, tout ce ki mo dire, c'est Allah Le Tout Puissant, ki mette ça dans mo le cœur. Mo fine pense longuement, profondément à ça et mo croire fermement ki si ça l'école là nous mette ça debout fermement li pou ene source de grande bénédictions.

À travers ça moyen là, ene l'armée de dimounes éduqués, moderne pou vine joine à nous. Même ki mo au courant ki beaucoup étudiants vine dans bane l'écoles juste pou l'intérêt mondaine, et non pou le service de la foi et ki zot parents ena le même but en tête mais dans ça cas là, l'opportunité de ça contacte de tous les jours là pou faire so l'effet. Même si 1 sur 20 ena ene ti penchant vers la religion et li pou accepter et agir d'après nous bane enseignements, moi mo pou satisfait ki nous fine réussi dans nous but quand nous fine envie établir ça l'école là.

À la fin, mo envie faire ou rappel ki ça l'école là pas pou reste longtemps dans ene tel situation financière ki aussi critique et instable. Même bane fees pou l'école pou augmenter (et pou faire progrès) et li pou diboute tout seul (sans aucaine aide), peut-être ler là, li pas pou nécessaire pou prend l'argent de Langar K̄jhaana pou l'école.

Quand finance l'école pou stabiliser, alors ça bane instructions là pou cancel. En fait, le Langar Khaana aussi li ene moyen d'éducation. Ler là li pou recouvert so ene quart contribution de l'école. Mo fine adopter ça cours indispensable, du dépense du Langar Khaana, parceki ça nouvelle contribution ki mo fine faire ene l'appelle, capave pas pou suffit pou le besoin de l'école. Mais quand le revenus de l'école pou correct, suffisant, ça contribution là aussi nous pou ne plus besoin li et donc, nous pou arrête prend ça l'argent là.

Quand mo dire ki le Langar Khaana li aussi ene moyen d'éducation, mo pé rode dire ki bane invités ki vine ici zot aussi écoute à mo bane discours ki mo faire et zot apprend mo bane l'enseignement et moi mo croire Allah Le Tout Puissant pou dirige zot dans ça nouvelle voie là, et tous bane ki écoute mo paroles avec attention, Allah Le Tout Puissant pou ouvert zot le cœur pou zot accepter la vérité.

En conclusion, mo supplier Allah Le Tout Puissant ki li guide bane membres de mo communauté pou accompli ça but là ki mo fine place devant zot et ki Li met bénédiction dans zot richesse et ki Li dirige zot le cœur vers ça bon l'idée là ; *Ameen* et *Ameen* encore.

## **LA PAIX LORS BANE KI SUIVRE LA GUIDANCE**

*16 Octobre 1903*

## PLUS DÉTAILS LORS LE MARTYR DE HAZRAT SAHIBZADA MAULVI ABDUL LATIFF, LE BÉNI

Mian Ahmad Noor, ene disciple favori et de confiance totale de Hazrat Sahibzada Abdul Latiff, fine arrive à Qadian le 8 Novembre 1903 de Kohat ensemble avec tous bane membres de so familles. Li raconter ki le corps de Maulvi Sahibzada fine reste en bas ça tas roches là pendant 40 jours, ça même ça place kot zot ti lapide li là.

### TRENTE-CINQUIÈME PARTIE

« Puis, durant la nuit kot zot tous dans ene profond sommeil, moi avec quelques de mo bane camarades, nous fine alle dans ça place là et très tranquillement nous fine retire ça le corps sacré là depuis ça tas de roches là et secrètement nous fine amène li dans la ville. Quand même ti ena ene grand risque ki attention ki bane soldats du Amir attrape nous, et malgré ki cholera pé faire ravage dans la ville, chacaine pé occupe so propre z'affaire car zot tous ti préoccupé dans grand tracas, dans zot maladies et problèmes ki zot pé ramasser. Donc, nous nous fine faire so l'enterrement calmement (Namaz Janaza) et nous fine alle cimentière kot nous fine enterre li avec révérence. **Ce ki fascinant, émerveillant, quand nous ti pé tire so le corps en bas ça bane roches là, ene parfum extraordinaires couma Musc pé surgir et nous tous nous fine reste grandement étonner.** »

Hazrat Mirza Ghulam Ahmad <sup>(as)</sup> pé écrire les dires d'un rapporteur, Mian Ahmad Noor, ene disciple favori et de full confiance de Sahibzada Abdul Latiff. Mian Ahmad Noor rapporté ki kan zot fine tire le corps de Sahibzada Abdul Latiff de ça tas roches là, au lieu ene mauvais l'odeur d'ene le corps décomposer monter, mais ene parfum de Musc extraordinaire fine surgir. Pourtant Hazrat Mirza Ghulam Ahmad <sup>(as)</sup> pas fine alle là-bas pou témoigne ça, mais li fine croire ce ki ça dimoune là fine dire, parceki li conner à 100% ki ene quelqu'un ki attacher avec Allah et So Messenger définitivement Allah manifester Li à travers So parfum, Li montrer ki li avec ça dimoune là. Hazrat Mirza Ghulam Ahmad <sup>(as)</sup>, dans plusieurs livres li fine raconter couma li aussi li fine expérience ça parfum là. Hazrat Mohammad <sup>(saw)</sup> aussi ti pé recevoir ça banes qualités parfum là. Là nous pé lire le livre lor la mort de Sahibzada Abdul Latiff nous pé croire seki Mian Ahmad Noor pé rapporter.

Dans ça siècle là aussi, mes chères sœurs et frères et mo banes zenfants du monde entier, mo ena ça grand la joie là pou annonce zot ki Hazrat Muhyi'uddin Munir Ahmad Azim, dans banes moments kan révélations descende, ene parfum extraordinaire surgir autour de li, ou bien kan li pé fer le Salaat, ou bien kan li pé fer le Daras Quran Shareef – nous fine témoigne ça ainsi que d'autres membres de Jamaat Ahmadiyya Al Mouslemeen. A plusieurs reprises, après ene révélation, nous trouve ene de l'huile pé sourcer de so paume la main, c'est bien ene parfum du ciel ki pé sourcer de so paume la main. Ene l'autre fois encore, après avoir ki li fine nettoye le Qabr de mo défunt fils bien-aimé, nous tous conner ki so la main fine sale avec la terre, donc li secouer la terre là, et mes larmes aux yeux, le cœur très lourd, Allah réconforte moi, mo trouve ene de l'huile jaune de couleur safran pé descende de paume de so la main avant ki li alle lave so la main. Mo demande li pou mo guette ça de près, c'est bel et bien ene parfum ki vine du ciel ki pé surgir et tout de suite, Allah réconforte mo le cœur ki ti rempli de chagrin pou mo fils bien-aimé – tout de suite mo fine comprend ki Allah avec nous. Donc, la manifestation parfum exister. Bane hypocrites et bane non-croyants de ça siècle là, zot blasphème Hazrat Muhyi'uddin Munir Ahmad Azim, zot dire ki ça ce n'est pas ene parfum divine, zot dire ki en cachette li vide le parfum artificiel ki nous appelle Attar dans so la main et ki li fer semblant ki ça vine du ciel. Mais, moi, mo prend le nom d'Allah, Celui ki mo manger, et boire, l'honneur, mo la vie, mo la mort trouve dans So la main ki mo témoigner ki souvent pendant la révélation et dans Qabarastaan (cimetière) sans ki fine mette so la main dans so poche pou rode Attar, mo fine trouve so la main tremper de ça parfum du ciel là. Les autres membres du Jamaat Ahmadiyya Al Mouslemeen aussi fine trouver, mais après avoir ki zot fine tourne zot gros le dos avec li et zot fine traite li de minable, voilà c'est zot ki dire ki parfum là fausse, et zot fine invente ene tas blâmes lors li.

Là, Mian Ahmad Noor pé rapporte au Messie Promis ki le corps de Sahibzada Abdul Latiff ti rempli avec ene parfum extraordinaire de Musc ; personne pas contester, ça ti passer plus ki 100 ans de cela, et so le corps fine reste 40 jours en bas ça tas roches là.

*O bane Ahmadis ! Écoute les deux côtés avant ki ou prend ene décision. Pas vine couma ça bane juifs et chrétiens ki Allah <sup>(swt)</sup> mentionner dans le premier chapitre du Quran Shareef. Hazrat Muhyi'uddin Munir Ahmad Azim après ça banes blâmes là, li fine reste bien tranquille lors là, et li fine faire boucou duah, li demande Allah pou manifester ça parfum là lors les zot membres même. Alhamdulillah, Nous aussi nous senti ça parfum extraordinaire là surtout quand nous dans Ibaadat et nous pé faire le travail de Deen.*

*Donc, mo donne zot tous ça conseil là, reste attacher avec le Messenger d'Allah quand ou conner ki ene Messenger fine vini parmi ou. Ça pou aide ou pou rapproche plus avec Allah, Celui avec Qui ou ena pou alle rende ou compte. Pas avec Khalifa, pas Amir, pas ou proche parents ki pé faire ou gagne peur, ki pou juge ou ene jour. Attache ou avec Allah <sup>(swt)</sup>. Nous fine rentre dans ene « L'Age d'Or ». L'or pas gagne tous les jours ça ! Allah pas manifester Li tous les jours comme ene routine ; ene Messenger fine vini, donc, profiter et alle lors so Website si ou loin, coumsa ou capave instruire ou et rapproche ou avec Allah <sup>(swt)</sup>.*

## **TRENTE-SIXIÈME PARTIE**

Avant ça incident triste du martyr, sous l'instruction du Amir, ça bane Mullahs là zot tous fine réuni ensemble avec Maulvi Sahib, ki fine dire zot : « *Zot ena deux Bondieux, parceki zot peur le Amir couma zot ti bizin peur Dieu, tandis ki moi mo ena ene seul Dieu, ça même la raison ki moi, mo pas peur le Amir.* »

*Dans ça l'époque là, bane Ahmadis aussi ena deux bondieux comme dit Hazrat Sahibzada Abdul Latiff, parceki zot peur le 'Grand Amir' de Ile Maurice, attention li avoye ene mauvais rapport lors zot et li pou commande le Khalifa 5 pou mette zot dehors pareil couma ti faire en 2001 avec le Khalifatullah, Hazrat Muhyi'uddin Munir Ahmad Azim et bane ki ti suivre li. Et zot peur le Khalifa li même, parceki sans écoute deux côté, li pou couper et trancher, parceki sanlà là li pou écoute so Amir.*

*Tandis ki ene vrai croyant d'Allah et So Messenger li, li pas pou recule jamais en arrière, li pas pou peur aucaine créature sauf le Créateur du ciel et de la terre. Sahibzada ti ene très grand l'exemple pour nous.*

Avant so arrestation quand ene jour Sahibzada ti pé assise dans so la case, couma dire li ti ena ene petit indication ene pressentiment ki li pou passe dans ene épreuve, ça jour là, li lève so deux la main en l'air et li guette zot tous, li dire :

**« O mo deux la main, eski to pou mette menottes pou ene bonne grâce ? »**

So madame ki ti pé debout près kot li, fine agiter, choquer et li demander: « *Ki faire to pé cause coumsa? »* Le Sahibzada répond : « *Zot pou conner après Namaz 'Asr'.* » Ça fine arrive exactement couma li fine dire. Juste après Namaz Asr, ene quantité policiers et bane officiers fine vine kot li et zot fine arrête li.

## TRENTE-SEPTIÈME PARTIE

Avant li quitte so la case, li dire à tous membres de so bane familles : « *Maintenant mo pé quitte zot. Mette bien dans zot la tête ki zot pas suivre aucaine les autres chemins. Reste ferme et sincère lors croyance et la foi ki moi mo tenir.* »

*Guette ki Sahibzada dire à so bane membres de so la famille, à so épouse et so banes enfants, pourtant c'est li tout seul ki fine alle joine le Messie Promis, bane les autres pas fine aller, mais li sûr et très sûr de lui, ki li fine prend la bonne décision, li recommande zot pou reste ferme lors zot croyance ki Hazrat Mirza Ghulam Ahmad <sup>(as)</sup> li le vrai Messie de ça l'époque là. Hazrat Sahibzada Abdul Latiff fini ressenti ki so deux la main pou attacher avec menottes à cause d'ene bonne grâce, mais li pas fine gagne du tout tracas dans narien, ni pou so épouse et so banes enfants, ni so compte en banque, ni so millions, ni so fortune ki li posséder, ni so l'honneur ki li ti ena dans royaume le roi ni même so propre la vie. Combien fois nous pé lire dans ça livre là, kot bane là pé promette li ene tas de bonne matériels de haute qualités juste pou li renonce à so croyance du Messie Promis! Non et Non!! Jamais li pas fine reculer, li fine accepter plutôt pou traîne li jusqu'à so place exécution par les trous de so nez nez avec la corde couma ene animal, plûto ki li renonce à so la foi. Ou croire ça histoire là, li juste pou lire ou tender coumsa ?*

*Ça pas donne ou ene frisson dans ou le cœur ? Ou pas trembler quand ou lire ça livre là ? Et maintenant ki dans ou l'époque ou aussi Allah <sup>(swt)</sup>, de par So sagesse et bonté, Li fine gracier ou avec ene Khalifatullah, le Messie de ça l'époque là, ou laisse ou berner et embêter par ça banes pires créatures sous ça le ciel là ? Ou laisse ou influencer par banes messages ki ou recevoir lors ou portable par ou banes proches pou quitte le Messenger d'Allah ?*

*Bêtises! Bêtises! O banes ki fine vire zot le dos, ou pou chagrin ene jour. Ou pou trouvé ou rétribution lors ça la terre là même. Dans Quran Shareef mentionner ki zot punition pou doubler ki banes les autres parceki ou fine croire, témoigne banes signes célestes, parfum et révélations, rêves, Kashafs (visions) pou confirme c'est ki So Messenger recevoir. Ki ou fine faire ?*

*Ou fine jette tous ça à la poubelle\*! Ou fine laisse ou influencer par ou famille, à la ou aussi ou donne zot ene grand coup de main pou prouver ki Allah So Messenger « fausse », Nawzobillah.*

*O bane ki fine prend le Baiat avec le Messenger d'Allah, ki li à Maurice et ailleurs ; Imaan li couma dire ene brin di fil ki facile pou casser, pas laisse nous perdi nous Imaan (la foi) par banes imbéciles, bane ki par jalousies et l'arrogance fine manipuler contre le Prophète d'Allah. Nous bizin faire duah nuit et jour ki Allah renforci nous avec So la lumière et nous pas laisse l'ombrage de satan pose lors nous. Nous étudier le Quran Shareef nuit et jour et nous rode conne so signification. Nous pas bizin lire le Quran nek avec joli la voix pou gagne prix, ou bien pou gagne ticket pou alle assise dans grand banquet avec banes politiciens. Ni premier ministre ou autres membres parlementaires pou vine sappe ou le Jour des Comptes. Pas faire la religion ene ostentation (ene show), ça bizin vine de ou le cœur, ene le cœur ki sincère ki seulement nous Créateur ki bizin satisfait avec nous. Qu'Allah guide nous tous lors le droit chemin. Ameen.Soumma Ameen, Ya Rabboûl Aalameen...*

**\*A la poubelle :** Ça c'est ene expression ki nous servi normalement quand nous pas prend compte ene kitchose, mais c'est étonnant pou ou lire ki Hazrat Muhyi'uddin Munir Ahmad Azim ti donne so banes cahiers révélations a banes dimounes pou lire. Or ti ena ene grand directeur et directrice d'ene institut kot zot fine prend cahier révélation pou zot lire. Allah Hai Na ! Allah jamais pas pou laisse So serviteur tombé, Allah guide So serviteur choisi, Li faire li alle kot ene poubelle ; Hazrat Muhyi'uddin Munir Ahmad Azim trouve so cahier révélation dans poubelle ça l'institut là, voilà à **la poubelle** li aussi **littérale**. Deux fois Allah fine montré li so cahier dans la poubelle.

Après so arrestation, li trouve ene grand la foule dans chemin et li guette zot, li dire : « *Mo même le Dulha (Marié) de ça procession là.* »

Pendant le dialogue, bane Mullahs là demande li : « *Ki to dire à propos ce ki dans Qadian là et ki pé proclamer ki li le Messie Promis ?* »

Le Maulvi Sahib réponde : « *Mo fine trouve ça dimoune là et fine penser, et réfléchi profondément à so propos. Pas ena personne couma li lors ça la terre là. Sans la moindre doute, c'est li même le Messie Promis et li pé faire revivre le mort.* » En entendant cela bane Mullahs la crier : « *Li ene batiara, donc toi aussi to ene*

*batiara.* » Zot menace Sahibzada ki zot pou lapide li, de la part du Amir, si li pas rétracte de so nouveau croyance.

Li fine fini réaliser ki li pou alle mort. Donc, li recite ça Verset du Quran là:

*« O nous Maître, pas laisse nou lécoeur prend mauvais chemin après qui To fine guide nous. Accorde nous la grâce qui To tout seul posséder, car c'est Toi plus Grand Bienfaiteur. »* (3:10)

Ler là bane dimounes pé commence lapide li coup de roches, Maulvi Sahib récite ça verset là :

*« To même mo l'aide dans ça le monde là et dans l'autre monde ; faire moi mort dans ene l'état soumis à To volonté et faire moi joinde compagnie bane pieux. »* (13:102)

Ler là zot fine envoye lor li coup de roches, sans cesse jusqu'à ki li fine rende l'âme, li fine martyr :

*« Assurément nous appartenir à Allah et c'est vers Li ki nous pou retourner. »* (2:157)

Le lendemain ene l'épidémie cholera éclater dans Kâbul dans ene manière bien violent et bane ce ki fine attaquer en premier c'est la maison de Nasrullah Khan, le Amir, ki ti le pire l'ennemi de Sahibzada Maulvi Sahib. Nasrullah Khan, so madame et so bane zenfants zot bane premier victimes de ça l'épidémie là. Environ 400 dimounes par jour ti pé mort dans ça la ville là. La nuit du martyr le ciel même fine vine rouge.

Avant ça l'événement là, bien souvent Maulvi Sahib ti pé dire ki li gagne ça révélation là : *« Alle kot Pharaon, définitivement mo avec toi, Mo tende tous et Mo trouve tout. Allah parfume toi et béni toi avec ambre. »*

Li dire aussi : *« Mo fine gagne ça révélation là : « Le ciel pé lamenté et la terre pé tremblé pareil couma ene (dimoune) ki frissoné avec Malaria. Le monde pas au courant mais li pou arriver. »* Li dire aussi : *« Mo fine continuer gagne ça révélation là : 'soumette to la tête et pas hésiter. A cause Dieu fine décrète ça pou le bien-être de la terre de Kâbul.' »*

Mian Ahmad Noor dire encore ki le Maulvi Sahib ti dans prison pendant ene mois et demi. Nous fine mentionner ki li fine reste dans prison pendant 4 mois. Nous fine écrire exactement couma ça fine rapporté à nous avant. Ça léger différence là péna ça qualité conséquence, couma ena ene injustice total en respect de tout bane kitchoses (martyr) ki (Sahibzada) fine passé.

## LA PAIX LORS CELUI KI SUIVE LE DROIT CHEMIN